

濟北晁先生雞肋集

一

濟北晁先  
生雞肋集

四部叢刊初編集部

濟北晁先生雞肋集序

雞肋集左朝奉郎秘書省著作郎充秘閣校理國史編脩官濟北晁補之元咎自名其所為詩文也夫物有質者必有文文者質之所以辨也古之立言者當之乎居論說諷詠應物接事不能無言非虎豹犬羊之異也食之則無所得棄之則可惜其雞肋乎故哀而藏之謂之雞肋集元祐九年二月旦日序

濟北晁先生雞肋集總目

卷第一 卷第二

古賦 古賦

卷第三 卷第四

辭 古詩

卷第五 卷第六

古詩 古詩

卷第七 卷第八

古詩 古詩

卷第九 卷第十

古詩 古詩

卷第十一 卷第十二

古詩 古詩

卷第十三 卷第十四

古詩 古詩

卷第十五 卷第十六

律詩 律詩

卷第十七 卷第十八

律詩

律詩

卷第十九

卷第二十九

絕句

絕句

卷第二十一

卷第二十二

絕句

絕句

卷第二十三

卷第二十四

挽辭

上書

卷第二十五

卷第二十六

罪言

河議

卷第二十七

卷第二十八

雜著

雜著

卷第二十九

卷第三十

記

記

卷第三十一

卷第三十二

記

銘贊

卷第三十三

卷第三十四

題跋

序

卷第三十五

卷第三十六

序

雜騷序

卷第三十七

卷第三十八

策問

策問

卷第三十九

卷第四十

策問

春秋雜論

卷第四十一

卷第四十二

春秋雜論

西漢雜論

卷第四十三

卷第四十四

西漢雜論

西漢雜論

卷第四十五

卷第四十六

唐舊書雜論

唐舊書雜論

卷第四十七

卷第四十八

唐舊書雜論

唐舊書雜論

卷第四十九

卷第五十

唐舊書雜論

五代雜論

卷第五十一

卷第五十二

書

書

卷第五十三

卷第五十四



奏狀

表

卷第五十五

卷第五十六

表

啓

卷第五十七

卷第五十八

啓

啓

卷第五十九

卷第六十

啓

祭文

卷第六十一

卷第六十二

祭文

傳行狀

卷第六十三

卷第六十四

墓表

墓誌銘

卷第六十五

卷第六十六

墓誌銘

墓誌銘

卷第六十七

卷第六十八

墓誌銘

墓誌銘

卷第六十九

卷第七十

釋氏贊疏

釋氏贊疏

濟北晁先生雞肋集總目

終

濟北晁先生雞肋集目錄

第一卷

古賦

求志賦

釋求志附

夢觀賦

坐愁賦

坐進庵賦

濟北晁先生雞肋集目錄

終

濟北晁先生雞肋集卷第一

古賦四首

求志賦 釋求志附



幼余不自知慙兮願求古人而與之游高平邑於  
 大野兮魯東鄙而北鄒固余心其惘款兮求前聖  
 又不遠豈無鄰莫可與謀兮冶邴氏而俗泮幽離  
 房誠不忍兮棄此而莫能歲執徐之青陽兮余先  
 子乎東征橫武林之大江兮睚始寧之南邑路會  
 稽以周流兮求歷山之所在管封嶠之世守兮以  
 後夫而致刑越懲恥於夫椒兮進樵女而抑心懿  
 二臣以國霸兮卒焉異夫出處行束薪而自言兮  
 妻不忍而求去助申威於司馬兮卒隕聲以淮南  
 盱訴死於婆娑兮悲綽約之亦殲彼章陳之詭嘯  
 兮既聘貽於甲夜何仲御之清激兮而亦云駭夫  
 觀者紛回穴其莫識兮泮千載而迹陳思苗山猶  
 若茲兮又何悲乎曲水惟鄭公之志約兮逢神人  
 焉靡求山岬岬而谷紆兮風瀏瀏乎且聳耿吾何  
 不可畱此土兮竊悲越人之禮豈其食鮭而化音

今無所用吾之縷冬矇矇其多雨兮夏瘴熱以生  
 蠹溪水之淺淡兮舟上下而擊石吾遵夏蓋之山  
 今聊以觀乎遠海吾先子之初服兮羌董道而不  
 改小人之有心兮猶不假器末余從於東安兮依  
 哲人而聞誼蜀蘇子之有屢兮漢遺化而多儒往  
 者其不可及兮曷不從子之廬朝余食乎山中夕  
 余宿乎江上悲世俗之近市兮余安能忍而與之  
 皆往余令樓季為右兮使王陽前余世解纜而馳  
 石兮緬余得此坦塗良善翰使環澗兮密吾牙使  
 撲屬攬九州而顧懷兮夫安知余力之不足遵余  
 生之罹閔兮婦將母乎故都伏里門而畏鄰兮幽  
 獨守此四隅時命大謬兮吾廷廷欲何之慨永夏  
 之宜養兮霜爰然其萃之增獻欷以啜泣兮殺身  
 其安可宇摧榮而藩穴兮雀鼠去而不舍惜四序  
 之不淹兮春藹藹其既非攬卉木猶若茲兮吾獨  
 不聊此時悲予仲之婉孌兮饒其心以詩禮吾不  
 能操贏而坐閭兮耘東山而自食歲早曠而不雨  
 兮螟又生余之場屬歲秋之有穀兮河出墳而湯

湯於陵子之終褊兮井上李其猶飽服芬芳而潔  
腹兮夫豈不足以忘老衆虎豕而好朝兮咸得時  
而的纏持衣裘而鬻暑兮余固知余賈之不售思  
遐舉而莫從兮心綉軫而盡傷訊黃石以吉凶兮  
恭十二而星羅曰由小基大兮何有顛沛旣非初  
志之敢期兮會何以知其所繫賴清濟以去垢兮  
芝九莖而爲華宵倚楹而悲詫兮疇獨憂余之無  
家蕭苑候之慷慨兮孰云非食之故濟澶淵之靈  
津兮橫中流而颺怒思城關之挑達兮勉踵夫管  
之人羿之志於穀兮亦反求夫余身小人不知學  
禮兮畏罪罟之所尋宋七世之炳靈兮皇純佑此  
下土舉賢而授能兮哀莞獨此黎庶牧羊而肥兮  
式亦用夫有聞辟雍之洋洋兮宇于日而糾紛連  
衽以成雲兮汗而爲雨豈余不足於同門兮獨惆  
悵而延佇先事而後得兮惟其食者之責舉九鼎  
於鮑淵兮亦人假夫一臂余張子之好脩兮蹇博  
大而無朋雪霏霏而宇凍兮松柏不改其青固黃  
子嘗語余兮曰此是爲明月雖工師不以佩兮保

厥美亦未艾彼嗷嗷爲已甚兮羌浮石而沈木子  
雲之好思兮亦衆諱其寂寞虞氏之爲政兮舉五  
臣而與言彼霖霖之射谷兮何足以容江潭之鱣  
衆不察余之情兮求余初猶未沫超孤舉而遠尋  
兮唯夫不足而論世良惘韓而成漢兮皓保惠而  
悟高成功則去兮會何足以介其一毛融躬行旣  
卒驕兮禹服義亦太靡陳輜車與蔡馬兮桓榮亦  
齒乎富貴蕃居室其不理兮滂之志以四海允膺  
之激烈兮羌不以生而昧義意豈弟神所報兮固  
何以罹此之不祥豈其莫忍鄰之掉兮紛救關而  
得傷嘉林宗之善哉兮要成敗以不失寧遵不知  
時之可爲兮行漁瀨以畢世喟嵇康之蹈盡兮愧  
孫子其安補阮清舌而咎目兮潛固自識而遠去  
謂道不可爲兮爲者敗之衆窳然咸不畱兮惟至  
人焉在之泮千祀而語鄰兮孰與至人之服意神  
龍之乘雲兮吾欲從焉以足士生各有遇兮吾何  
爲侘僚乎此時曾藿菽不足以化兮求余身其庶  
幾滋蘭以旨蓄兮菊以爲糗修忠信以抑躁兮夫

安知余時之後圖前聖吾永賴今攬百子與竝與  
時翱翔於道與今歷年歲以爲娛

釋求志

求志自敘也予從先人寓鉅野又從先人仕會稽  
又從先人仕杭余仕於澶仕於魏而後仕於大學  
故求志所敘如此高平邑於大野謂高平鉅野縣  
也魯人好文學而獨邴氏以治富魯人所以去文  
學趨利者以邴氏故也是見地理志貨殖傳離房  
別房也揚雄云芳酷烈而不聞兮不如槩而幽之  
離房武林餘杭也始寧上虞也歷山舜所耕也封  
嶠防封氏禹執而戮之者也夫椒吳所棲勾踐之  
山而西施蓋樵家女二臣大夫種范蠡信威司馬  
者嚴助也曹娥父名盱章陳云者章丹陳珠二女  
巫夜祠詭嘯夏統見而驚走者也而仲御亦嘗見  
賈充叩舷吳歌致風雲予怪之仲御夏統字也苗  
山卽會稽山曲水永和諸君所集處鄭弘遇神人  
於若耶溪云願旦南風算北風夏蓋上虞海旁山  
名自此以上上虞事東杭州新城也予始見崑

山蘇公於杭故云末予從於東安今依哲人而聞  
誼樓季古善御者王陽不馳九折坂者也予自謂  
至此乃知學之所趨猶出荆棘險阻得大塗而思  
驚也環潯樓屬孝工治車說車君子之器車工而  
後可以致遠君子修而後可以涉世自此以上新  
城事將母故都子喪先人歸濟時也予仲無數也  
東山濟東郭子所田處比二年不雨河決卒不穫  
於陵子於陵仲子也虎豕猶參差見甘泉賦趣市  
者平且側肩爭門而入日暮之後掉臂而不顧故  
云衆虎豕而好朝謂于時者也世所用卜靈碁者  
曰是爲黃石書始予免喪占之繇曰由小至大無  
有顛沛予自謂非予志所期也類清濟而以芝爲  
華以況余不敢汗以于時倚楹魯漆室女中宵悲  
嘯鄰人疑其欲嫁者也蕭望之嘗爲小苑東門候  
自謂各從其志予莫之澶淵予爲掾時事挑達予  
教授北京時事予去北京爲太學正故曰辟雍之  
洋洋鯢栢九淵名舉鼎九淵非一臂力然一臂亦  
有助也張子予太學同舍文潛也文潛不苟合於

人黃魯直爲明月篇遺之曰天地具美今生此明月陞白虹兮貫朝日予愛之浮石沈木無是道也而誣善者其言嘗類此大才而小使之譬霰霏非鱸所游也求斯世而莫予知也則思古人焉孟子所謂是以論其世也故曰惟夫不足而論世自恂韓成漢至潛固自識而遠去皆論世之事也馬融張禹驕靡栢榮以車馬夸弟子皆不足言陳蕃范滂王允李膺李固以忠殺身亦可傷矣夫惟無心於爲者爲能爲天下張良四皓所以成也知其不可而不爲則若林宗淵明可矣有光武而嚴陵去之非也遵陵也阮籍在晉人中頗能自濁口不臧否人物而爲青白眼殆矣故曰阮清舌而咎目也餘子儉懷小人之中如捧土救河潰卒與之俱溺豈不痛乎故曰爲者敗之懲數子之爲而敗而不知時之可爲又蔽矣而予又不足爲也故終欲求之子身

夢觀賦

歲闕逢之溘灘今前日至而匪思夢啾耳之薨薨

今翁青蠅其犴楫咸南徙而未逝兮遺其矢如散絲余俛避而不汗兮一媪背之淋漓脂不知其可穢兮偶竝趨於西帷媪左目之宥枯兮疥四五其萃之旁兩媪之無言兮亦依帷而靡期朝但寤而自診兮營營發詩而可知蹇俱翔而遺矢兮技止此其奚爲惟一盲而兩默兮與目疥爲何祿豈眇視不足與明兮疥非奇而終離羌何爲而眈此兮神無心而罔私拜受神祥兮編之冊詞文女三之爲姦兮比匪人而惡之微夫周公之爲見兮迕若此其余衰欲微福則安敢兮問故老其增疑苟不污爲已免兮謝三媪之難知

坐愁賦

魯人閔子仲武行年七十四躬耕於鄙歲早不入而邑藜藿促鼓其琴作坐愁之聲嘗所與游鬼子補之恐其傷也爲作坐愁賦假翁與過者語以解之其詞曰

彼何人而處廓兮匪三閭而獨醒鬢毛毳其雪糕兮眸子瞭其星明塊獨守此中野兮困無禾而爨

清拂素琴之浮埃理坐愁之遺聲忽推几而睨天  
送飛鴻之杳冥或過其前曰有心哉然何求管林  
類之行歌云既老而無憂翁年運而德加翁何爲  
乎坐愁翁偶顧而若聞猶援琴而不捨曰子非魯  
之儒服者耶何以不知漆室女者晝輟絃而淫思  
宵倚楹而悲吃彼淺哉其量人匪魯憂而欲嫁豈  
不誤耶吾亦傷夫魯之君子管在厄而不糝賜自  
殖而何誅顧棄軒而中紺羌同道而恥茲迺長饑  
乎回憲彼林類其何人雖信賢而獨善或者曰未  
既也請言翁之近者管蘇門之遯民緇枯桐之一  
絃匪無絃之寂默異五絃之啾誼對阮子惟長嘯  
爲稻生纒一言人欲怒之戲排諸淵勃率而出則  
又粲然彼何知夫坐愁幾蹉躓乎樂天矣然聖人  
猶以謂樂天有憂之大者也况愛人之憂豈有既  
哉於是翁泛然可油然謝曰憂樂外矣吾當虛之

坐進庵賦

有物于此無梁無柱圓廣六尺非囿非窳粟米之  
宅上蒙藁秸下履瓴甌塗墁晦外中腹純白平時

鼠窟俯仰不迫主人懵學敢謁之客客曰此夫外  
丘阜而內允谷者歟上荷笠而下溱輻者歟首枝  
撐而身純束者歟有登降而無乍實者歟混沌既  
死竅鑿乃張牖則有目戶則有吭檜巢營窟太古  
所藏周旋無間病於德方邑都莫賢原野則良者  
歟雖然可以五人羣居宇宙有餘不可以八口次  
且孰知婦姑彊名坐進其實中虛聞諸博識是謂  
屠廡

濟北晁先生雞肋集卷第一

濟北晁先生雞肋集目錄

第二卷

古賦

北渚亭賦

是是堂賦

北京官舍後梨花賦

後招魂賦

披榛亭賦

濟北晁先生雞肋集卷第二

古賦五首

北渚亭賦

北渚亭熙寧五年集賢校理南豐曾侯鞏守齊之  
所作也蓋取杜甫宴歷下亭詩以名之所謂東藩  
駐阜蓋北渚凌清河者也風雨廢久州人思侯猶  
能道之後二十一年而祕閣校理南陽晁補之來  
承守乏侯於補之丈人行辱出其後訪其遺文故  
事廩有存者而圃多大木歷下亭又其最高處也  
舉首南望不知其有山嘗登所謂北渚之址則羣  
峰屹然列於林上城郭井閭皆在其下陂湖迤邐  
川原極望因太息語客想見侯經始之意曠然可  
喜非特登東山小魯而已迺撤池南葦間壞亭徙  
而復之或請記其事補之曰賦可也作北渚亭賦  
其詞曰

濟北晁先生雞肋集目錄終

登爽丘之故墟兮瞻岱宗之獨立根旁礪而維坤  
兮支扶疎而走隰踰珣琅邪與鉅野兮梁清濟而北  
出前淡漫而將屯兮後摧唯其相襲坏者扈者嶧

者岫者磬者礮者障魯屏齊曰惟歷山或肺附之  
箕拱環連勢厓絕而脈泄兮萬源發於其間谷射  
沙出浸淫漑澆潏汨泌澎潏潏滴忽瀆起而成  
川經營一國其利汾澮防爲井沼壅爲碓磴得平  
而肆迺混漾而滂沛經民閭而貫府舍兮渚爲池  
之千畝惟守之居面巖背阻邈闔閭之遺址兮肇  
嘉名乎北渚悲經始之幾何兮牛羊牧而宇顛非  
境勝之爲難兮善擇勝之爲難嘗試觀夫其園千  
章之荻合抱之楊立而成阡躋歷下之岩崑望南  
山之孱顏脩榦大枝出欄造天藐祖岫之蔽虧乍  
髣髴其雲煙思僊人之樓居尙輕舉而高飜盍駕  
言其北游登斯渚而盤桓岡巒忽其翔舞荻楊眇  
以如箸撫千里於一睎收城郭乎環堵其下坡湖  
汗漫葭蘆無畔菱荷荇藻蘅荃杜菑衆物居之浩  
若煙海歲秋八月草木始衰乃命督畧觀漁其隹  
鳴榔四合方舟順涯鱸鯉窘乎淡塘兮鴻雁起於  
中沃復有桂舫蘭榭浮游其中榜歌流唱自西徂  
東纖餌投隈微鱗掛空客顧而嬉傾盃倒鍾明月

出於缺嶺夕陽眇其微紅天耿耿而益高夜寥寥  
其方中駭河漢之衝波披海岱之冷風恐此樂之  
難畱兮願察槎乎星渚期韓終與偓佺兮采芝英  
乎瑤圃庶忘老而遺死兮路漫漫其脩阻於是酒  
含太息中座語客曰自管太公奄有此丘是征五  
侯桓公用之攘狄尊周方其盛時山河十二號稱  
東秦臨菑遼樂中具五民秋田青丘實圃海濱而  
薛又其小邑也區區之賦食三千人其彊孰與比  
哉觀華不注竭其孤嶽虎牙桀立芙蓉菡萏尙想  
三周追奔執轡下車取飲僅以身免困責質於蕭  
同尙何私乎紀甌而齊自是亦不競矣夸奪勢窮  
雖彊安在事以日遷而山不改則物之可樂固不  
可得而畱也認而有之來不可持所玩無故去何  
必悲此齊侯之所雪涕而晏子之所竊嗤也今我  
與客論古人則知迷屬有感而歎歎豈不重感也  
哉仕如行賈孰非逆旅託生理於四方固朝秦而  
暮楚曾無必於一笑尙何知乎千古於是客輟然  
喜再拜舉觴而前曰凡主人言理實易求而我曠



然已忘管憂使客常滿使酒不空請壽主人如漢  
孔公主人亦嘖然喜受飲反觴執客之手而言曰  
詩固有之未見君子憂心忡忡既見君子云乎不  
樂再拜洗觴而酬客舍然大笑

是是堂賦

是是堂彭城劉子義仲之所作也劉子讀古人書  
則曰文王我師也周公豈欺我哉處今行已則欲  
就有道而正焉抑荀子所謂是是非非謂之智者  
以名其堂而居之而南陽晁子補之聞而疑之曰  
劉子果於自信果於不信人也哉夫理無常是事  
無常非使天下舉以爲非而劉子獨曰是將誰使  
取正使天下舉以爲是而劉子獨非之安得力而  
勝諸嘗與劉子問津於無可無不可之塗而弭節  
乎兩忘之圃夫安知吾是之所在故賦其名而連  
牴其義則操吾戈以伐我者遠矣其詞曰  
隘區中之無覩兮邈荒忽以遠求軼太始以爲元  
今日與月之幾周本獲鼎之推筭兮四千歲其已  
多謂過此或不遠兮世倏眴而謂何紛蛇身與牛

首兮詭變化之莫原神與民其雜糅兮或傳之於  
余先川東南而辰西北兮余不知其何故憎絕維  
與折柱兮又孔氏所不語莽湯革之相質兮賦一  
世以共疑一身吾不自識兮疇莫覲而能知邇吾  
軻乎八埏兮旋吾舳乎四海斬不死之遺氓兮稽  
吾聞之所在曰七聖至此而競迷兮羌誰使之正  
女媧輕舉而遠游兮吾將從巫咸之所處離屯雲  
以衛屬兮前犇霆使抗旌王良御以踰躔兮何鼓  
隱其砢磷涉橫潢而濯淹兮借斗車而轟轟九虬  
蜿以承綏兮六鳳翼而續紛載格澤而雉厲兮歛  
若撤振捐旬始而遺攬捨藐無朋吾孤往兮騰光  
景之所經俯六合以周流兮觀一氣之所營叩瀟  
漣之何居兮問黔羸所休屯芒東西之無軌兮泐  
晝夜之無門追汗漫而與言兮若不見而不聞將  
下車而從之兮則竦身而遐征忽寐寤而莫質兮  
形欺魄而獨存神黜晦而載浮兮滄淫夷而雷襟  
聞佺僑之達者兮將與議夫本根斲乎保已而不  
失兮何足與論此之至神鵬南徙而終息兮彼安

知夫天地譬井蛙之跳餘兮吾亦安知其孰智謂  
道非物之外兮盍反求諸世間泮得失之兩塗兮  
一智者之足明世溷濁而智鮮兮薪得鹿而國爭  
曰吾不知孰是兮據有鹿而偶分待黃帝以占夢  
兮曠百世而莫尋雖人跡之所至兮如窮北之衣  
皮聞中國之有蟲兮咀葉飽而吐絲化草木之所  
染兮煥五色而陸離所不睨而儻恍兮咸莫信而  
我非饗香以爲朽兮視素以爲黑有迷疾而慮易  
兮意是者之反疾衆謂西施美兮何高舉而溲潛  
魚熊掌以爲羞兮帶螭蛆之所甘物各驚其所知  
兮孰爲是而正女蹇多知而博辯兮盍質諸魯之  
君子曰經禮三百兮曲禮三千非堯舜禹湯之適  
兮爲他道而勿傳守株以待兔兮卒不可得從女  
以決疑兮而增余之惑規吾觚以轉圜兮如二兒  
之干國權謀旣不用兮仁義又見賊哀失時而齟  
齬兮改此度誠不能陳瓊茅以潔中兮懇神龜以  
吉占朝從而莫違兮吾安所行女意王倪躡循乎  
不知兮鬻缺昧膏於同是違一世何不可兮山澤

又多龍蛇澗林杳以無人兮雨雪零其來加前夔  
魑後虎豹兮獨拂笑而施施石嶙嶙嶢嶢以增波  
兮路阻躄以委移結幽蘭以獨立兮歲將暮而增  
唏懷同心之離居兮悵猶豫而狐疑必處廓若此  
而後可兮雖濟百世何足以嬉譬鄙夫之硜硜兮  
經溝瀆其誰與懷古人之兼善兮吾不忍抱吾之  
所獨五官異用兮物各派吾之一以聞聞性兮一  
非有異回車易野兮絕道九州吾旣不從夫斯人  
兮盍反吾之初修闔萬宇以聚閭兮載百族與並  
游人羣固有倫兮生固有涯蠶桑而被兮粟以禦  
飢吾何以異於人兮曾踉跄而支離伯夷死名兮  
盜跖死利溺者入水兮極者亦用以顛沛曾稽失  
之未暇兮羊固已遠去而千里重曰道無封不可  
畔兮雖千歲由今日忘彼與是兮吾何愛嫉棄虛  
無以爲與兮託不得已以爲鄰忘處石而出火兮  
超同物而獨生

北京官舍後梨花賦

梨於經無記而舍後梨人所不賞故賦之其詞曰

攬察草木本原所起李梅紀於隕霜兮橘柚隨乎  
織篚木瓜足贈而詠詩含桃可羞而記禮雖信微  
而有託兮亦不委夫厥美惟茲梨之俊茂兮羌獨  
遠而未揚含溫潤之秀質兮皎若和璧榮其光澹  
暗慙其無偶兮歷年歲之已長算春者陽瘴憤盈  
羣木解膚似夸者似鬪者似顛者似頽者邑非一  
邑同媿殊媿茲梨娟然獨見其素繁過時兮不省  
滋脈脈兮後戶亦何必耀榮華兮朝日顧猶私兮  
法露然而中唐之樗枝大扶疎以其近人人以繫  
駒則磨則齧則折則泄孰與夫朽壤幽薄厥植雖  
弱履屐不蹈根乃磅礴

後招魂賦

屈原作大招魂宋玉作招魂夫士以忠放濱於死  
故招其魂而復之予交之長者王安仁賢且孝適  
未仕病以天子傷焉不敢以非吾上也借不知命  
之辭以愬于帝作後招魂

竊悲夫天何爲生此頑人兮蹇幼清而宜脩既服  
義以時可兮又何爲委厥美而改求天固復諸其

初兮則如勿俾此昭質帝命巫陽曰有愬于下汝  
往聽之精神將離筮而復之巫陽曰物死與生司  
命有職自廢自起朕何能識帝彊之乃下招曰魂  
兮歸來去君七尺之軀胡爲乎大陰些舍君之靈  
龜而糟苧沈些人固懷慈而抱愛兮一言欲訣而  
怛怛些君胡樂誘於異物兮從之踈跂而遠行些  
魂兮歸來上天不可以游些有神當關其視畏人  
些其下百鬼伺人往來執而殺之些徜徉無所倚  
歎息不可些幸而得還無所求階些歸來歸來不  
可以久放些魂兮歸來地下不可伏些土怪墳羊  
很戾突觸些蛇身鬼首蓬髮髮鬢當前搖毒些九  
幽之府惡厲牛首得人以械獄些歸來歸來不可  
以久屈些魂兮歸來無止乎山中些山木蕭蕭後  
紈所居些藜藿柱逕泉祥龜怪杜鵑號呼些夔魍  
罔兩笑風涕雨見人挪揄些虺虎封狼磨牙吮血  
侏侏穴居些魂往顛齊狂惑失塗些歸來歸來久  
幽恐不得出些魂兮歸來君無下海些大海盪瀟  
日月回周些白波連天五山狂浮些巨神操蛇唯

魂是因些淫氛瀰霧八方錯易魂往安投些百怪  
謹舞羣出類沒更遨迭遊些霹靂掣電蛟龍直起  
江潮逆流些有鳥九首載鬼盈車擢筋以縻其軛  
些歸來歸來久淫恐不得還些魂兮歸來君無樂  
今八蠻九夷些遐方異類其人似禽些烈陽慘陰  
韞褻裸程涼溫不時些蔽林夜祠被髮徒跣妖魅  
叢嬉些魂往非族抵冒凌欺些歸來歸來恐自遺  
羞些魂兮歸來君無以鬪饜爲南面之樂些毛枯  
骨化精離識落些螻蟻所寄鳥鳶所搏些蚊蚋姑  
嘍狐狸齧嚼些髡然七孔撻擲疇覺些棘薪葛蔓  
交錯綿絡些鋤耨野火侵凌甚虐些歸來歸來無  
自遺賊些魂兮歸來八紘六合無一可以翺翔些  
魂孤迢迢消耗淪亡些歸來歸來反故鄉些工祝  
前君無迷方些崇城兩溝夾高楊些車軫馬駢交  
康莊些日中爲市集工商些高門懸箔襲慶祥些  
選閱甘旨薦北堂些金昆玉季美雁行些斑衣竹  
馬兒嬉傍些曲欄橫牖窈洞房些長城曼綠舍若  
芳些齊紈阿錫曳明璫些琴瑟鼓簧封豕羊些食

前方丈醜椒漿些嘉賓雜坐紛賢良些朱顏欣欣  
君樂康些魂兮歸來反故鄉些亂曰龍火頽坤兮  
虛正宵萬物會勅兮傷秋郊汨君徂征兮默誰曹  
天地爲鑪兮物流以銷一受成形兮巧專莫逃斯  
彌頤輅兮一體所交鼠肝蟲臂兮忽何遭魂知復  
吉兮改而起與君除祓兮三下招張君之衣兮升  
屋號魂兮歸來居匪遙無哀我心使予勞

披榛亭賦

舒陳儀甫官於魏覽觀公圃廢城之堞墜其土作  
亭堞上名曰披榛斬木枝爲梁柱菅蒯衣之目踰  
四垣矚五里外進客而語曰樂哉此亭客曰微主  
人言之固願有謁也今夫山居者遺世遠舉煙霞  
之府屢屨之顛翠微之顏穹石曲隴上正宛中如  
堂如防猱攫之所處首更奔星高出雲霧足蹈太  
虛下見雷雨邈乎杳冥一攬九上此人以登邑門  
之埵蹤步齟齬若絆若禦若見陸槽遊意無所至  
於平原案衍秣麥之土漫漫漠漠茂有堆阜下澤  
之車短轂慎爾晝日旁午出汗霑滑此人適逢沙

丘宿莽廣不蔭路怠而願息解轡弛負相攜僂僕  
忽如飛翔延頸顧慕矣若迺平時室處矇矓環堵  
窮年不出四壁爲伍周以閭閻域以牖戶如彼井  
谷潛逃之鮒衡從北南適在跬步仰而視之不識  
天宇此人出城而望見桑麻綠野猶將樂之况乃  
蠱乎巍巍據城之睥出屋之危前無蔽虧俯首而  
窺哉夫明不求晦處內慕外各以其不足所遇生  
貴雍門之技悲者驚心鍾儀見紮尚猶南音主人  
殆倦遊窮居者耶不然何以趨然於此而志意洋  
溢也嘗與主人周覽五嶽岱嵩衡霍巫廬九疑白  
鹽赤甲青城峩嶠歲暮溪林攀援桂枝結軌羨門  
高谿方駕赤須安期委區中之跼躄遊太上之無  
涯則主人樂此耶嘗又與主人服織離騷騷耳夸  
父前棄魯陽奉轡超人跡馳萬里以觀乎八紘九  
野觚竹北戶與西王母日下之地扶桑月窟紫淵  
丹水大章所步虛敖所履殊方怪物齊諧之志焜  
煌譎誑經目而記則主人樂此耶嘗又與主人觀  
乎京洛神州宋魏兩都未央建章天子之居前殿

武庫金闕玉除東華耀靈西華望舒複道氤氳飛  
閣渠渠千官鏘鏘劔佩以趨朝會而出冠蓋布途  
富貴潤奴絳衣食仁里閭則主人樂此耶嘗又與  
主人技術孫吳抗技頗牧左象弭右魚服韓厥中  
御州綽爲右馮軾而寓目以觀三軍之斬伐擊刺  
琅琅礚礚風起雲會北登燕然躡轡長塞西屠石  
堡飲馬瀚海麒麟圖形贖死胄代則主人樂此耶  
嘗又與主人出咸陽經上蔡過邯鄲桑中大隄石  
城之間士女巫會倡樂止客盃酒相索吹竽鼓瑟  
鳴箏擊筑六博蹋鞠宛珠之簪傳璣之珥羅裾從  
風衆曲入耳人生得意亦何能已則主人樂此耶  
主人油然而笑曰人壽幾何而時易失細猶不果  
巨安可必溪山大澤實生龍蛇高明之家鬼瞰其  
室吾非以狹驕廣以儉笑侈也狹易治儉易供此  
吾所以樂也寤秋九月狐狸出穴宇宙隆冽時亦  
登吾亭而支頤藜棘之分披朱實之離離秋風鳴  
枝久而不去羣竅盡奏若歌若歎起左作右時亦  
杖藜隱几而聽之寂寥兮無爲淡乎熙熙似遺已

離物而不知飛鴻滅沒夕陽就微月出埤堦樂而忘歸則客亦樂此乎哉於是客曰我以衆夸主人而主人以少奪我主人賢哉非僕所及也

濟北晁先生雞肋集卷第二

濟北晁先生雞肋集目錄

第三卷

辭

望渦流辭

追和陶淵明歸去來辭

返迷辭

冰玉堂辭

漫浪間辭

遐觀樓辭

樂哉侯之邦兮樂哉侯之堂分二章美壘守韓侯也

維夫君兮桂舟一首送梁正受婦汝陽

山坡陔辭

白紵辭上蘇翰林二首

江頭秋風辭

琴中宮調辭

濟北晁先生雞肋集目錄

濟北晁先生雞肋集卷第三

辭

望渦流辭

渦之水西流過譙郡北乃稍南又東流入于淮包  
渙二水皆經其南以東歲旱溪不五尺秋雨集始  
大而城之東北惟渦曲水深黑灌木蒼然舊有祠  
曰龍嘗宅焉作望渦流其詞曰

望渦流兮浼浼勢南折兮東還水衝隈兮岸圯嗟  
龍去兮幾年俛余進兮藁祠儼帝服兮神冠牆壁  
續兮怪奇泯地穴兮蝸盤列缺鞭兮雷輶衛兩鯁  
兮驂鱸老龜起兮霧游歧璫珎兮鼈電或若馬兮  
非人紛陪後兮導前木陰陰兮藻長科斗舞兮下  
顛儵羣出兮旅嬉忽俱去兮不還意土國兮無龍  
恐逃稱兮藏縶帝有命兮時棄亦隱隱兮填填世  
鑠石兮流金將誰職兮此愆包之水可揭也渙之  
水可厲也前汝足其暨也後汝附其躡也江有鯁  
兮橫淵海有鯁兮翔天汝隘此兮往爭滔淫水兮  
八埏重曰望其厓若有宅於隈不汝爭於厓汝安

其隈澤不必施也包渙二水與渦並流

追和陶淵明歸去來辭

辭長而歌短歌有和辭無和也言語文章隨世隨  
異非擬其辭也繼其志也作者七人矣詞曰

歸去來兮吾無以歸奚以歸既身不足以任責畏  
首尾而心悲慕往咎之經世嗟吾力之莫追彼辭  
位而灌園豈吾今之獨非雨冥冥而荷笠榛莽莽  
而寒衣我行野而視天覺寓大而身微乃矜蚩蚩  
止驅息奔背隍築室面坂植門三綬從褫圖書尚  
存忘瓠落之可愛比浮海之爲樽蹠太初而游意  
弊無極而彫顏反國蝸而自足俯巢幕而亦安解  
子轡之沃濡兮腕于牽之間關識鳥鳴而物華陶  
陽氣以流觀悟息淵而消枝亦墜戶而俱還惟文  
字之幼工則雖老而栢栢歸去來兮彼河濱之善  
游或往學而喪生復裹糧其安求善陶生之達情  
不與世兮同憂實迷途其已遠懼斯人之莫疇或  
待兔守株或遺劔刻舟雖成事之不說聚悔踰於  
山丘庶西方之至言聊反聞而逆流守一靜而爲

君亦何往而不休已焉哉一晝一夜成四時子之  
歎川遊不畱頽光不可使東之韓終王子喬汗漫  
難與期俯寸田之荆棘曷不且耘而算籽悲在堂  
之蟋蟀慙不樂於唐詩悟死生之如夢亘今古而  
無疑

返迷辭

五達歧行者迷茨菜蹊蚺蟻嬉杳淒淒莽離離赫  
隆曦可還時日黯西與誰期往不思逢詭期死獨  
魏安可知亟反之大道夷都邑差車馬馳冠劔祇  
志可持能足施貴名坐好爵靡儼罇卮饜梁肥窈  
室帷安厥妃觀盈虧浩浩移逝不遲咸若斯何緩  
緩不返爲從魑夔神索衰今狐疑後當悲我此詞  
如秦龜

冰玉堂辭

冰玉堂者始前門下侍郎眉山蘇公子由哭故廬  
山隱君劉凝之與其子道原之詞所謂潔廉不撓  
冰清而玉剛者也鄉人聞之其賢者喜其頑與懦  
者皆廉且立則相與採冰玉之語以名君堂而祠

之而前起居舍人譙郡張文潛又因其名以爲記  
蓋君父子博極羣書道原尤精史學而皆耿介守  
義不偶俗以沒世慕而傷焉故門下以謂夷清而  
餓死惠和而三黜道不與命謀非和實得非清實  
喪而起居以謂司馬談與遷文學美矣而無聞於  
風節疏廣與受風節同矣而無傳於文學蓋門下  
至借君父子以論夷惠起居合其長謂過漢四人  
者以是知君父子爲一時知名偉人所愛而推之  
無間然者如此則夫冰玉之名非鄉人故舊者之  
言也天下之言也補之生雖晚猶與君父子並世  
而不及識旣爲館職修國史實錄盡得道原所著  
十國紀年資治通鑑外紀諸書而觀之且門下補  
之所嘗事而起居所嘗游也因其言以益信顧雖  
不及識與夫識而知之者自以謂淡且遠矣又與  
君之孫義仲游相好元符中以罪遷玉山道出星  
子求君父子所葬而拜之五老巉然臨其上水交  
流其下松柏一徑如幢節行路耕者咸指而言曰  
此劉君之葬也則皆有敬容因喟然太息順塗而



諷曰皎皎白駒在彼空谷劉君於是無愧乎天下之言矣既而復曰屈原以讒放而死而君父子進不犯難退而伏清節以沒與原異於原不更愈乎推此志也雖與日月爭光可也况冰玉乎哉凡楚人之詞皆傷夫中正不遇者而作也故以若詞弔之曰

論世以觀士兮集義以爲詞所非正而敢從今日可望而東之嗟若士之弗獲兮羌何忿而負石繫聖賢之出處兮惟遵道而守德鳳覽輝而乃下兮雖猶恥乎腐嚇非九方之爲使兮夫何足以得馬廬岑岑以鎮楚兮洵大江之東淩分陰陽之晦明兮鍾斯人以正直惟天道與地寶兮非所求其猶愛與之全而不用兮懷斯美以固在大固不可以適兮方固不可以圓試回功謝於土穀兮夫乃同道於禹稷譬人生猶吹呖兮無得喪之可齊紛吾何指以爲正兮服吾初其庶幾

漫浪閣辭

南康劉義仲壯輿志操文義蚤知名於士大夫年

四十矣而學問亦苦蓋不欲一日棄其力於無用也築屋廬山其先人之居自號曰漫浪翁意以此元結從仕與物皆不得已也豫章黃庭堅魯直曰壯輿未至於翁行已立志不可謂漫浪者頴川晁補之无咎以爲知言壯輿曰請極其義補之曰唯其詞曰

沛高皇之受羸兮劉別子曰楚元羌好詩而說義兮敬設醴於穆生戊始息而穆去兮申白笑而鉗市富傳孫而失國兮派辟疆之支子爰清淨而少欲兮以身悟乎霍光蹇孫向之洽聞兮至耆老而彌良曰衆賢和於朝兮萬物和於野粵百世而能調兮民胥來而鳳下惟劉有後於楚兮千歲發夫道原流其芳以益遠兮偉壯輿之不愆原惟博而好直兮向異世而復起輿惟進而未已兮載向學亦不墜彼元結之信修兮羌何爲此漫浪也將履中而晦外兮其德固天之放也惟漫浪之爲言兮匪正則之嘉名豈其懲屈之死忠兮欲倚移以保生結當易之一爻兮幽人履而正吉輿方壯而惡

畫兮棄爾輔欲誰賴吾語子漫浪之可兮遺物往  
其庶幾苟畏人而羣於人兮拭唾面其猶殆朝騁  
望乎紫霄兮夕歸次乎左蠡五老兮在上星子兮  
在下垂瀑介於高丘兮洞深林而北靡飛梁亘於  
三峽兮條異景而殊世青松屋兮桂宇辛夷房兮  
梅戶蘭橈兮菊帳蓀體薦兮肴若芳雲駟兮霓輶  
歲將晏兮誰與游煙爲衣兮水爲珮君誰須兮林  
之際吾以漫爲旌兮建彼太虛之上也吾以浪爲  
藥兮周彼八荒之外也狃萬里而不逢人兮御謁  
我以宜止晷轟轟而曠洵洵兮羌何以辯乎明晦  
彌高出於千仞兮羣鳳過而北南彌幽徑於雷室  
兮刻缺驚而後先求佞僑而不得兮咸勃窣其在  
下乃山澤之臞兮夫何足以歧而望我茫吾不知  
其所如今黔麻告我以何舍出無陰兮入無陽旋  
丹崖兮匝大荒忽臨睨夫故居兮羣梯危之蜂戶  
偃白叟之扶童兮迎謂我以良苦返吾稼兮復吾  
樵山嶸嶸兮江滔滔與先人之善俗兮雖百世猶  
未改彼魯衰而斷斷兮吾老穉以知恥匪禮失而

求野兮民固化於不怵與克家而好常兮庸謹行  
以毋傲懷向原之遺直兮念爾祖而履薄陳洪範  
之九疇兮敘三統與七略以爲博而弗考兮蹇無  
用而束閣紛輿世之多賢兮匪曲全而好修惟仁  
宅與義路兮羌可居而必由結信賢而自晦兮忘  
其同物以迷世皃與波而上下兮夫固非駒之所  
喜亂曰接輿詭而悟聖兮匪沮溺亦楚狂聖與言  
而莫顧兮人以爲知乎大方旣不足用吾中兮吾  
將從回憲之所臧

遐觀樓辭

窘牆堵之伏潛兮登斯樓以遐觀匪吾居之爲隘  
兮乾坤習其孟盤仰攀薨而拊楯兮宇曠曠而蓋  
寬彼何大而能舒兮吾何眇而莫閑霜蕭壟而木  
枯兮潦收竇而澤乾蓬鳴野而相追兮知海水而  
天寒左聯兮城闔右盼兮林垆商賈紛其晝合兮  
陶冶翁其煙興之杲杳以在東雙柏近而青青物  
暇遽之不同兮余亦不知其何情聊浮遊以相羊  
兮初拂鬱而中清彼塊扎之無垠兮人駒隙之暫

更道本夷而世險兮夸奪鑿而卒平周垣兀其跨  
衍兮逝千古於樵耕春與秋之不淹兮歲忽忽其  
崢嶸招搖指於北陸兮澹黃宮之陽生固天道之  
反覆兮氣默會而孤萌朝卷箔而極望兮稍霧廓  
而日晶及暘景之方中兮晞余髮乎南榮浮雲起  
而景翳兮四暝合而觀星風撼撼而感軒兮雀啾  
啾而赴楹收百爲以清慮兮施余禩而榻橫漠洵  
洵而非聲兮邈冉冉而非征形欺魄而若存兮神  
無虧而靡成目矐矐而罔覩兮坐待日之方升夜  
寥寥而未央兮羌不寐而無營

樂哉侯之邦兮樂哉侯之堂兮

二章美澹  
守韓侯也

樂哉侯之邦兮封楚宮與復關美哉洋洋水兮崑  
崙始乎并川桐離夫其實兮綠竹兌於丘園三年  
庶夫有成兮蹇吾師其永歎營室壁而建墉兮參  
國一其可觀塗椒丘吾駕車兮攬予駢之嘽嘽襲  
予旆之悠悠兮侯降觀其于田春陽滿其親天兮  
乃物作而芄蘭來吾省夫在疇兮介黍稷之有年  
侯寧般于遊兮無非事而不煩羌信修而好我兮

曷懷歸而翩翩信侯邦之可樂兮蹇攜手共同行  
樂哉侯之堂兮高門桀兮蘭錡切雲冠之峩峩兮  
四牡矯兮戾止夜悠悠其未晨兮紛侯庭之徙履  
雲容容而承檐兮日澹澹兮階屺雨雪覲其將流  
兮黃宮動乎子美爰倣生之煌煌兮又尚茲夫介  
祉嚴若植其狡服兮侯何須兮堂際進蕙幃子稱  
觥兮芬予席之蘭茝朱顏忽其滿堂兮五音昌兮  
來會蘋姑射之綽約兮愿懿保而爲使洵侯堂之  
可樂兮與日月其無圯

維夫君兮桂舟一首送梁正受歸汶陽

維夫君兮桂舟酌余酒兮攬君畱君何爲兮此野  
菊萋萋兮蝶下韡韡兮煌煌爛金敷兮襲余堂茱  
萸兮芙蓉衆芳越兮亂五風飢咀兮靈芝君歌樂  
兮余和之日下兮野陰澹忘歸兮中林橘棟兮梅  
宇紛瓊茅兮被南榮白羽兮黑翻邀僊人兮語此  
文余高馳兮世之外君森舉兮先余至襟帶兮東  
方旦爭門兮汶之陽大野兮始波翔鶴鶴兮嗥鴛  
鷺羣宿兮迷吐旅食兮殫穗霜肅肅兮葉方下君

欲濟兮淹回水通道兮躩蹠冠如箕兮帶長鋏里  
千室兮士一喙余不善兮紛余諄世謂折揚好兮  
余白雪而莫知棄火布而以爲垢兮胡不浣炎而  
振之彼鑠邪而能言兮工謂余以不祥聊逍遙而  
挫鏡兮蒙黯驪而益光

山坡陀辭

山坡陀兮下屬江勢崖絕兮濤波所盪如頽牆松  
鬱鬱兮其高百尺旁枝虬驚葛藟之仰不見日兮  
下可依吾曳杖兮吾僮以吾之書隨邈余望兮水  
中泚頽然而長者黃冠兮羽衣軒頤坦腹濤石箕  
坐兮石亦有趾安不危四無人兮可忘飢僊人偃  
佺兮自言其居瑤之圃一日一夕兮飛相往來不  
可數使其開口而言兮豈惟河漢無極驚余心默  
不言兮蹇昭氏之不鼓琴憺將翔兮山海與日月  
兮常在若有聞兮夢中仇池我歸路此非小有兮  
噫乎何以樂此而不去管余遊於葛天氏兮身非  
陶氏猶與偕藥渺莽良未可兮僕夫悲余馬懷聊  
逍遙兮容與晞余髮兮蘭之階余論世兮千載一

人猶竝時歧又有歧兮余行詰曲欲知余者希哉  
我洋洋余方樂兮譬余擊舟於水魚沉鳥揚亦不  
知何必每念輒得應余若響坐有如此兮人子期

白紵辭上蘇翰林二首

白紵芬莫緝紉蘭作衣祛朝兮日所暴算兮雨所  
濡木瓜諒微物期報乃瓊琚芳華辭甚妙贈我不  
如無

上山割白紵山高葉撼撼持婦當戶績爲君爲紉  
絡不惜潔如霜畏君莫我卽誰言葛蒲花可聞不  
可識

江頭秋風辭

雒陽客後車結駟傳燭食人生富貴不易得江頭  
秋風旦夕起胡爲翩翩雒陽陌雒陽陌吹塵埃江  
頭樹安在哉秋風起菱花開鱸魚肥歸去來

琴中宮調辭

神僊神僊何處青山裏白雲際不似人間世源上  
正碧桃春清溪乍逢人住無因憶紅塵出洞花紛

紛

濟北晁先生雞肋集目錄

第四卷

古詩

擬古六首上鮮于大夫子駿

西北有高樓

東城高且長

亭前有奇樹

冉冉孤生竹

涉江採芙蓉

生年不滿百

建除體二首荅魯直

八首歌二首荅魯直

感寓十首次韻魯直

西歸七首次韻泗州十五叔父

感興五首次韻李希孝

飲酒二十首同蘇翰林先生次韻追和陶淵明

淵明

濟北晁先生雞肋集目錄終

濟北晁先生雞肋集卷第四

古詩

擬古六首上鮮于大夫子駿

西北有高樓

西北有高樓縹緲齊紫清周欄十二折飛鸞結丹

楹上有絃歌女充耳以黃瑛當窗弄白日顏若蒼

之榮陽阿奮哀響梁欐有遺聲不惜厲清商零霜

飛園英誰為聽之者皎皎自知名幸承遺襟眷同

車以遐征

東城高且長

東城高且長下瞰阡與陌谷風麗百草春華紛已

白良時忽如此馳景一何逼喟彼飯牛詩終年守

寒阨恭儉夙所敦葛屨傷褊窄身為物逆旅生乃

遠行客豈無百日蜡樂此一日澤美人顏煌煌奇

服爛五色彈箏奮新響盃酒縱相索鬪雞逐狐兔

六博呼一擲貧士悲失職坎壈何所迫安知黃鵠

舉隨時振六翮

庭前有奇樹

庭前有奇樹好鳥鳴啾啾朱榮被紫萼采掇以忘  
懷棄置而不省秋風淒以摧不惜朝華算君行殊  
未來

冉冉孤生竹

冉冉孤生竹託根中谷早結髮事君子江籬近華  
池江籬榮有時迨此春冰期玉盤有嘉餐息君以  
忘飢棗下何纂纂朱實亦離離秋風一披拂苑其  
爲枯枝願垂太陽惠照妾葵藿微

涉江采芙蓉

涉江采芙蓉江上零露滋方舟不能度日暮白蘋  
悲清波有鳴鴻蕩漾安可期幸因南風逝寄言欽  
所思

生年不滿百

生年不滿百一日何三秋花開苦多雨何不張幕  
游行樂時不再春榮豈長在古人輕尺璧愚者昧  
所戒君看龍與虎飄忽不相待

建除體二首荅黃魯直教授

建策移漢都奉春綠衣布除地願見公乃以舍人

故滿船載明月且復酌清醑平旦襜褕出牛羊下  
來算定境要兩言出處非竝趣執臂欣逢迎秋蘭  
在堂下破甌雨生衣蹇不改茲度危莫如人心難  
莫如行路成事安得悔來者其可悟收拾不須陳  
千言一棄屢開門見井市終歲紛遑遽閉門面牆  
壁少日豐暇豫

建鼓求亡子初昧學所之除去日月多及此歲未  
遲滿國和巴人若士誰與知平陸不推舟客行當  
來茲定居厭屋廬風雨勞所思執鞭纂咎人孰與  
並此時破裘不御冬要假完腋裨危言則來詬憤  
密又逢譏成德尚如是薄志安能期收聲復藏熱  
雷火忽然微開口且復歡是事置勿推閉眼可內  
視獨復不自爲

八音歌二首荅黃魯直

金蘭况同心莫樂心相知石田雁清霜念此百草  
腓絲看煮繭吐士聽憤悱語竹馬非妙齡美人恐  
遲算匏繫魯東家今君尚天涯土膏待陽瘴氣至  
如咄嗟革薄不可靡士追下流惡木無松柏心竭

處螻蟻託

金丹妙通靈子有遺世術石髓不成餐閔子多滯  
骨絲聲紡事算搗聲寒事來竹葉將菊花及時同  
一盃匏器祀天地貴質不貴華土緣井渠繁生氣  
泄大和草面固非性小人變丹青木雞本無心風  
雨安所能

感寓十首次韵和黃著作魯直以將窮山海  
迹勝絕賞心晤爲韵

鳴鳩與獨居百兩誰與將未見憂忡忡既觀爲龍  
光吹竽沸齊市零雨暗空桑寒歌牛軛底激烈氣  
彌剛

雁以無能亨鼠以有技窮古來達生者神不馳其  
胸物或似而非藁本奪芎藭臧否何間然吾師阮  
生風

倉鷗知陽春喬木聲關關白駒不食苗奈此空谷  
寒谷有丹徒士檳榔貯金幣富貴懷隱憂無寧歸  
故山

吾期瑤之圃玉英良可采崑崙在萬里積石更磊

碗學經儻無用詩禮發含非叢臺尚何爲袷服若  
煙海

鼓吹出西羌光華動眉額鞞繫望酒泉面有可憐  
色念身匪兕虎少日四方迹百計等畫蛇老大悲  
故國

謝公文章餘幽事課伐嶺清詩如玄酒胡乃淡而  
永得無西堂夢春草句彌勝但使田野傳何須論  
銘鼎

江南盛鬱蒸代北紛霰雪十生無出游何以得此  
別一朝有天運春華未萎絕吾猶託雄鳩而彼固  
不拙

平生莫逆交弦斷寄心賞相思望青楓目極江水  
上念當及時節農事動春壤來者不有年何能咎  
吾往

楚有吹竹者工作百獸音削格爲爾多滔滔寧適  
今嘗俾範馳驅終日無一禽復之儻或可詭遇亦  
何心

葉公好畫龍龍固不可晤安知下其室驚駭暗楹

霧昭王亦質骨冀以得馬故相者競舉肥終然駒  
遠去

西歸七首次韵和泗州十五叔父

潔腹不受污管人因食薇薇亦周土生悲哉懷永  
飢武王與周公聖德天動威奈此二子何猶歎安  
適歸

霏雨晚霑裳零霜曉被路驅車歎時邁所遇一無  
故悠悠天地宇萬物各有聚閱我冰雪姿幽居從  
可住

算投古店宿夜聞狐狸嗥僕夫告行邁起視月尚  
高清霜來何許不覺滿我袍逆舍良非時求前茲  
已勞

浮雲如游塵倏忽蔽白日登高念搖落歲算一何  
疾東陵種瓜事富貴寧可必人生無南北行樂時  
易失

驅馬馬走山回車車漸水塗窳我何適慟哭盈襟  
淚巢居識風聲穴藏知雨意救鬪會得傷纓冠亦  
可已

贈君彼風蘭佩之可爲璫贈君彼露荷製之可爲  
裳薄言茲擷楸道遠莫置傍崢嶸又歲算與君同  
所望

古人重生男豚酒慶親戚桑弧射四方言有四方  
役奉璋比德性墮地要膂力如何晉公子安樂忘  
所適

感興五首次韵和李希孝

海鳥御羊角飄然凌紫清有背如泰山未覺毛羽  
輕鹽陽亦羣飛日景爲不明空倉自苦飢安得有  
此名

人生須富貴如埃河之清草木競榮華春服亦已  
輕桑田自足樂未可居高明君子順天道小人眷  
時名

長歌遺世情滄浪之水清鏐金在衆口折軸白羣  
輕君子貴同塵安事皎皎明儻在子所呼牛馬亦  
我名

不肯埽一室願欲天下清少日又不羈頗復鄉黨  
輕長年始羞悔耳目尚聰明何須更市藥小女故



知名

春半寒未已今晨天氣清  
彈冠適新沐搔髮亦良  
輕但愛百鳥樂復憐一  
窗明千世寧可期  
婦耕良近名

飲酒二十首同蘇翰林先生次韵追和陶淵

明

少陵足可喜險阻更嘗之  
爲親謀斗粟無意出競  
時緬焉効一官報國方在  
茲寧當不邛緯對酒懷  
憂疑學道恨力淺中遭世  
網持

沈飲非荒宴凜然忽頽山  
或人欲問事已醉不能  
言古來亦如此名字坐千  
年但問酒中適豈計飲  
者傳

陶公羣於人而無人之情  
詩豈世外語世語不可  
名東坡憐此翁同調但隔  
生形光來戶屢真處人不  
驚得酒自醒醉放意無虧  
成

園林日夕好花繁時鳥飛  
少年玩芳物不飲成坐  
悲只今未白髮念管已依依  
紛華戰吾道決勝當  
有婦挫銳培其根外槁中  
匪衰念方終日行轡重

安得違

一眼異青白口語來啾喧  
酌一不酌一用意何其  
偏誰似子孫子高栖蘇  
門山時隨嶺雲出又與  
林鳥還平生但長嘯獨爲  
嵇生言

高賢衆所懷衆理應取是  
如何濟衆事難成復易  
毀功成身無與天運亦復  
爾軒裳役羣愚兒曹眩  
文綺

庭前兩古柏凌霄燦其英  
問此誰榮枯雪霜見其  
情榮枯何足計有酒還自  
傾熟寐暫展轉覺來一  
蟬鳴歸休但如此便足了  
平生

功名有天命美好無定姿  
雲夢未足吞聊可巢一枝  
同時金門士文學多瑰奇  
幙被向淮海酣放遽  
爾爲車蓋豈不榮野馬不  
受羈

城東故鹽渠自咎誰所開  
似說全盛時邈焉一長  
懷穿渠引江水此計未爲  
乖千帆競算入集浦如  
鳥栖萬疇分白浪嘉稻擢  
新泥恐此太多事且當  
寄嬉諧疏通養魚鳥花柳  
共低迷時時載酒往江  
上亦忘回

大明唐來寺廢苑西南隅青松拱高阜崎嶇有微  
途肩輿病我阜一馬良可驅衆木媚溪澗氣熏時  
雨餘此焉可數醉何用葺吾居

蘇公士冠冕復似郭有道知士未達間趣操保者  
老精鋼試九火勞倦容不槁爲州翁飲酒况此年  
歲好藏鋒避世故輕敵喪吾寶時來用毫末勳業  
自世表

東漢有兩士才智炫一時三公往訪事臥病亦見  
辭偉明獨不然小道安取茲斯人似水鏡與世破  
昏疑憂國不爲身百世邨可欺舉孟相歡屬是事  
亦置之

齋居忽若遺不識身與境頗疑酣中似奈爾輒復  
醒東坡自云然芋世一裘領是事吾有師安敢囊  
出穎指窟火已傳豈待得薪炳

安昌漢耆儒樂飲侈亦至東坡儉不固少飲得徑  
醉思敢効戴崇正復思其次旁通獲親愛公亦安  
所貴便坐時一卮彭宣寧寡味

幼聞錦江春欲訪子雲宅叩門問奇字便掃四方

跡青雲看一鷄凡毛愧累百勞公論伯業齒堅頭  
未白何當擺俗累歲月可惋惜

王道無偏黨此語聞諸經高賢如大海亦以衆流  
成文饒歎維州刀鋸人所更相如後私怨此語驚  
秦庭小人慮事疎妄意鹽車鳴安得如江酒洗我  
塵垢情

淮南夏早收晚秧亦含風連艦似雜絳千斛輸吳  
中使君飲酒樂歲美關梁通安得天下人俱忘楚  
人弓

十年一麥禾此歲亦難得寄語吾州人不飲良大  
感經時無死市吏責亦可塞先生門弟子佐守同  
一國舉孟日相屬有句安得默

堂堂門下公英發自初仕卷舒固以時出處不爲  
已朝廷登儒輔德禮民有恥岷峨更崢嶸清風在  
閭里獨醒固不惡旣醉又可紀成王訪落時百室  
賦盈止吾儕爲國謀私愛不足恃

黃子似淵明城市亦復真陳君有道舉化行閩井  
淳張侯公瑾流英思春泉新高才更難及淮海一

髯秦嗟予競何爲十駕晞後塵文章不急事用意  
斯已勤平生不共飲歎息無與親問道伯昏室何  
人獨知津各在天一方淚落衣上巾歸休可共隱  
山中復何人

濟北晁先生雞肋集卷第四

濟北晁先生雞肋集目錄

第五卷

古詩

視田五首贈八弟无斁

卽事一首次韵祝朝奉十一丈

謁岱祠卽事

游信州南巖

北京水後往棗州試進士

次韵王宗正定國與蘇翰林先生黃投書

魯直唱和

次韵孔著作常父館中喜雪

次韵文潛休日不出二首

次韵文潛病中作時方求補外

再次韵文潛病起

濟北晁先生雞肋集目錄終

濟北晁先生雞肋集卷第五

古詩

視田五首贈八弟無斁

河流之所濡一斛泥數斗我莊當水窟乃比石田  
瘦尚無東陵瓜況有南山豆天雨不可期且復鞭  
牛後

蘇秦不願印迺在二頃田東臯五十畝力薄荆杞  
填擇高種苜蓿不溼牛口涎拙計安足爲朝徃而  
算旋

薄遊廢家務待子營糗糧莊奴不入租報我田久  
荒凌矜馬到門碑兀牛臥場立苗蒼耳根此策殊  
未長

家世不爲農長安有大第官糧弗充口萬里聊自  
庇一從學聱牙世事百色廢賣牛姑補屋歲晚霜  
雪至

居貧廢文字銚鑿學苦耕怪子獨伶俜久與地方  
爭苦耕又不時孤虺日縱橫高原一釋耒歎息心  
怍怍

卽事一首次韵祝朝奉十一丈

平生交游情獨處不可乍卽爲一馬飲濁水噴百  
馬弦歌高樓上但恨知者寡丈人遺世心口語儻  
能借不然抱幽璞終歲褻幘帔坐令青蠅繁暫出  
刑兩踝儒冠成自誤歸去無屋瓦賴逢里中賢築  
室各蕭洒及時秫麥賤樽酒得同把安能効乾沒  
肩與市人亞居然邑里號曾墨爲還駕况在竈與  
間欲恥王孫賈東方錢二百得米稚啼嗷嘲笑坐  
窳辰無肉飽伏假尙聞剝啄聲聊復屣屣逐子常  
妙工詩蘇李掩曹謝有時醉醜醜大笑翻盞牢倒  
床鼻息惡喚起對殘虺復古志尙奇衆競方獨暇  
捫蝨與人言豈不逢譴訶崇朝潔腹坐徃徃食旁  
舍子固業少成議論媿風雅嘗聞莊生說乃慕巨  
魚化平居似晏子志念能自下而我獨迂疎通人  
所譏罵正賴觴詠中得意自胸寫雷連接清晤欲  
起不能罷是時春雨餘桑密鳩鳴野城隅園圃近  
欵段亦時跨便恐百卉闌晚晚侵朱夏人生形骸  
累未免俗情詐此理豈外求猶煩詹尹卦清風穆

然在如渴啗甘蔗況我自散材谷口船耕者去年  
秋不在匏瓠緣庭架低回迫榮利妻子憐王霸橫  
經亦彊顏已取或人捨但慮宰我愚松柏談三社  
儵然一室內黃卷開佳話尺璧競寸陰寧復當論  
悲詫功名與道義熊掌借魚炙二事良難兼夫子  
賢點也

謁俗祠卽事

澤南三百里極望橫天雲雲端色凝黛諦視初可  
分崢嶸介丘像瀕洞元氣屯頃刻有變化慘澹殊  
明昏天行帝出震其位生物元不周債西北川乃  
東南奔寧知六鼇死竟使二山淪不有是難傾孰  
維大塊根嘗聞周官說實惟天帝孫神靈所鎮守  
民物斯芘存幽明昭一理有道惟常尊不覺下馬  
拜僮奴亦躄循適知正直理足使冥頑敦三王有  
損益商人所尊神明法或不懼夜行安得遂以此  
輔世教庶幾驅鷲民葺宿太平驛不眠慮絲棼明  
朝好天色萬象開匝渾勢橫恒碣盡支壓齊魯躡

五色冒日觀一握通帝閣恢拓下崔嵬青蒼上氤  
氲泉石競沮如煙嵐互紛綸高舉躡風海深蹻踞  
火輪濤波卷堆阜一一溟渤吞棊枰視井邑七箸  
藏松椿碧瓦峙雙闕紅牆繚長圍願瞻巖閣客內  
滌邪垢魂賜臣登絕頂一覽神秀原萬壑射窈窕  
三壇蠱嶙峋莽不覩項領何能窮胜跟稍稍指鳧  
繹依依數亭云松列大夫爵羸識將軍墳瑣屑澗  
花麗霏微崖藥黥廣大良有以奇險安足論瑰詭  
有形上頽然德彌惇得無希夷子做世逃深藁亦  
有黃冠士相對如麋麋此曹嚙草木語道良未聞  
解榻坐中觀洗心馳大釣形氣要得一不然隨物  
泯是事亦姑置幽尋聊可勒初疑無字碑瑩潔誰  
敢文又怪玉女井高絕何由齋俯穿鬪仙巖鳥下  
天壁垠側度五賢堂熊經背遂巡劔石危數履女  
蘿柔屢捫揮斥八極遠風來袂軒軒廖廓自無桮  
猶疑天可實陰谷不敢視恐落魑魅羣安得遂獨  
往身如黃鵠翮周流遍五嶽採掇芝萸繁卽欲憩  
圓嶠或當止峴嶠衆真迎我語一笑顏玉溫是中

差可樂子胡戀塵樊苔此太遺物身閒猶事君重  
華迹已遠秦漢事方煩成功屬吾宋五禮坐後昆  
皇帝二載春臣備太史貞紬繹自帝典頗識康哉  
言泥金白玉字願頌無前勳有志類韓愈無書愧  
文園臣髮將雪素臣心猶日暎今此在林藪跳身  
同獲猿徒觀衆山小愁絕下天門

遊信州南巖

南巖夫何爲山作天倚蓋山南豁山腹飛頂覆其  
外初如鵬將翔膺擊羣麓背乍似海大魚呀口噲  
而嘖當空橫廣額架屋喉舌內仰窺駭憑凌俯進  
愁壓墜嘗聆釋氏說仰覆各世界千間未可著五  
畝良不隘清冷氣射人熱惱從此潰崖奔木疎瘦  
谷遠鳥幽怪問僧何年居投老四五輩問客何人  
來官滿或一再而予與二子高興偶相戒松舟下  
清江毛髮數鰕蟹盞輿上峻嶺幢節望杉檜李侯  
勛門胄文采山作繪趙君儒林孫媵美蘭結珮不  
爲城郭遊繼月此于邁寧知老逾拙意在精賞退  
得居溪南山食飲與山對夔魃入與突雲雨出巾

稽古人戒賤目慣覩誰復貴顧此誠未逢欣然與  
心會彭湖兩岸感泉作一線需禪月古臺空靈山  
自明晦搜奇獲三勝趣嬾同一概但憂久聳牙尚  
喜無帶芥平生所驅使詩酒俱好在天涯得吾侶  
物外從所快便欲登赤城一觀天宇大

北京水後往棣州試進士

晡時北京城行李上客棧二更無人聲騎馬黃河  
沙誤綠柳灘中尋炬知田家道有轉徙人襁負依  
丘麻雞鳴不安枕髣髴墟里斜秋瓜抱子母蕎麥  
亦已華賴茲野物登爾輩土有涯夜宿冠氏驛旅  
衾魂夢嘉明發榮長坂晚開堂邑衙秋陽此方熾  
流汗霑巾紗處陰甘吾願聊逸豈在多有風東北  
來慘慘飛雨加頃時異晦明稍矚天表霞僕夫爲  
我言塗梗絕行車且還解吾褚中林侶羣鴉詩書  
維永夕蚤作從復除豈不有王事奈此僕夫何

次韵王宗正定國與蘇翰林先生黃校書魯

直唱和

東國寬市征西山休騎屯時清詩人喜洗濯出佳

言淵源蘇夫子河入莆菑繼軌轍校書君駕騫盜  
驪奔後來得濟冲它人孰窺藩讐余學禮素婦祭  
盛於盆不應麾門牆尚許酌衢樽夢天九門開燦  
然列星繁萃公顧我喜顏若白璧溫赤城何足躡  
愁絕永嘉孫

次韵孔著作常父館中喜雪

冬早及茲雪都人銷百憂牆根有宿草餘綠尚去  
秋新陽解薄冰大潤升介丘夜開窗響紗高雲正  
綢繆明旦天津望寒花翳川流宮中聖人喜羈氣  
一夕叔史占上日祥知欲遍九州敢任肉食謀官  
閑欣歲休雖無山陰船窟巷窘若囚却幸葛翁來  
湯餅有麥牟見神仙傳孔侯金閨彥平符慕追遊延閣  
排霄起登臨忘我愁何當聯轡環城苑佳氣浮春  
郊日可望桑野聽行謳

次韵張著作文潛休日不出二首

張侯經濟術見遇未容心揚子執戟老蔣生開徑  
深予亦拙造請素懷愛園林閉門鳥雀喜朝日上  
駁駁

文史平符契淮山別離心省中竝日直天上青春  
深買屋近城塢往來成竹林詩模黃著作吾亦意  
駁駁

次韵文潛病中作時方求補外

貧爐初著灰濁酒寒不溫鄰張病未來獨負南窗  
暄昨日往過之歡喜能兩餐醒醲洪然解愧無枚  
乘言祝君抱虛一邪氣襲無門今晨有起色迎笑  
睂宇軒扶掖兩男兒總中佳弟昆遺誦寄我詩妙  
可白玉刊平生俱豪氣見酒渴驥奔賜休常苦稀  
晨渴良不閑約君向南邦勿厭敲扞誼公餘未忘  
飲何必醕十分時平但行樂臥治安足論琵琶五  
十面雷雨出鴟絃

再次韵文潛病起

淮浦見之子春風初策名頗訝謫仙人有籍白玉  
京晚遇廣文直老交心愈傾同升芸香府偶坐華  
髮生斯人自龍性意變難章程酒不疵吝身如  
秋葉輕自言士處世何必冰雪清交游滿臺省毀  
譽半玉城不肯効俯仰畏高侮鯁惇常思老伊頰

紫嶰羞吳杭我輒抵掌和音同磬隨笙小人奉慈

親皆嘗小人羹寒衣婦補綻學績女娉婷日欲江

海去心期楊柳青衆木構大厦豫章倚孤撐如子

足醫國可容移疾行丹書紫皇告玉篆五嶽形何

必陶隱居吞霞養純精訪道自素約諸心期算齡

但恐牽俗緣志大功不成息交屏妻子此語不須

驚

濟北晁先生雞肋集目錄

第六卷

古詩

玉溪歸逢甥李相如汴中

送學生李公裕兄弟赴省集

次韵大學舒博士堯文示同志

次韵蘇翰林五日揚州石塔寺烹茶

題四弟以道橫軸畫

桂漿

送舅氏楊通直令陽穀

贈王推官允中

之京師展墓

同畢公叔飲城東

題李成季負日軒

次韵李成季感事

同李主簿叔文飲北莊

夏季

曹州道中二首

濟北晁先生雞肋集卷第五



病起呈李縣令希孝

贈金堤劉承制景文

次韵四弟以道十二弟叔與法王唱和兼

示无斃弟二首

濟北晁先生雞肋集卷第六

古詩

玉溪歸逢甥李相如汴中

蠻鄉俟天形畏葸復憚暑夢甥來萬里竹響風動  
宇如今真似夢相對別恨吐平生窘執轡白面力  
如虎誰令斗指日江使墮漁呂桃僵李爲什遺珮  
滿江渚常憂抱石死無復腳踏土邨知微時願起  
廢遇明主曠調已遠跡未用矜杜舉但憂世議隘  
亡弓不亡楚吾甥學孔子况乃父母魯如聞四門  
闕未信遡洞沮上書閔勉早膏以神靈雨北海自  
有人高丘豈無女爾壯觀爾能吾婦固吾所期甥  
二兒上餘子不足數何以喻吾心酌此湘吳醅

送學生李公裕兄弟赴省集

閉門圍火談開戶雪一尺黃昏具盃酒知君遠行  
役君家三兄弟頗謂各無敵容父學知方大道通  
四驛吉父尤頡頏天池觀水擊仁父少而奇乃是  
夜光璧李侯有此子便可臥安席家居樂與餌聊  
以止過客豈無一束芻空谷不可食宵人操寵利

濟北晁先生雞肋集目錄終

徒手捕蜴蝥公等寧復然烏黑鵠自白屠龍業有用未厭所從僻富貴念咎時城東雪中跡

次韵太學舒博士堯文示同志

北門望瀛關一葦初莫渡項官人名堯文在高陽儒宮連案

几會合豈非數蟬鳴幾何時庭菊下白露念當慰

佳節觴酌美無度不然坐歲晚流景急飛兔區區

人一馬官舍勤早暮經時枉見贈彌月不能賦竹

齋行茗粥寂莫當屢赴此君安可得霜雪不改故

詩如戰交地高處要先據牛羹君放飴轅鼎吾亦

飢顧慙詠伐檀無補餐已素還家便却埽况乃無

戶屨

次韵蘇翰林五日揚州石塔寺烹茶

唐來木蘭寺遺跡今未滅僧鍾嘲飴後語出飢客

舌今公食方丈玉茗攄噫噎當年臥江湖不泣逐

臣玦中和似此茗受水不易節輕塵散羅趨亂乳

發甌雪佳辰雜蘭艾共弔楚纛潔老謙三昧手心

得非口訣誰知此間妙我欲希超絕持誇淮北士

湯餅供朝啜

題四弟以道橫軸畫

黃葉滿青山枯蒲靜寒水鳧雁下坡膝牛羊散墟里擔穫莫來歸兒迎婦窺籬虎頭無骨相田野有餘息

餘息

桂漿

暑臥午呀呷蠲煩何所投巖桂剖辛芳石蜜滋甘

柔沃以火鼎沸閤之冰井幽三日出淡幕明瓊盞

黃流冰火離坎類意比秣麥縲辛甘既兩適不瀟

亦銷憂中年苦內熱歲願西風秋寒凉犯所畏發

散資爾謀時時以觴客三獻不一酬緬思湘纍語

啜醑終所羞北斗酌此漿違世聊遠遊恐復迷吾

往僕悲道阻脩淮南歸來些慄慄令人愁百壺無

此餞夙志慕林丘寧懷小山感不爲桂枝畱

送舅氏楊通直令陽穀

人言慎縣宰頗似太丘君客戶有訓遣司官無訟

聞外家久寂莫舅氏少辛勤一邑何足道高名誰

與羣西來馬特特冬晚雪紛紛公朝道由砥孤士

跡如雲過門苦地僻下直迫日曛淡泥在窳巷寒

鑪對殘燼感慨說宣子飄零綴遺文麟閣窘鉛槧  
魚山失耕芸遠情等匏繫歸夢劇絲棼山東接畿  
甸陽穀近榆枌吏督猛豺虎民如窟糜磨幸逢寬  
大時庶幾仁惠薰自笑下士策不殊野人芹愛民  
宜百祿本茂實當賁

贈王推官允中

我生譬天星睨皖但空譽學經羞輪扁常恐老竄  
句南游上會稽弱冠肆遠步便當期汗漫如鳥鍛  
脩羽入宮又獨晚謠詠遭衆媿坐令平生交室冷  
擅不具君公牆東客清鑿美無度風期山水意千  
載見此遇定疑丹青仙方我以癡顧豈繫才自踈  
閱世真異趣伐柯理無遠要以一馬喻古人本不  
死方寸有佳處三年禹河曲日見車馬渡何知謝  
剝啄黃土衣易汗無人尚有子獨載城下路功名  
喧口實簪組託肺附請看餅罌滿取蹟病不去脫  
黏窺本初須子遺所寓怵迫倦東西林間尚寬裕  
之京師展墓

短轡馭羸馬馳驅曹濟間商飈折勁木蕭瑟道里

寒况復慕所天惻愴摧心肝游子歎時邁慈母憐  
衣單來時憑窗哭五妹垂脩鬢季弟主菽粟孺妻  
裹茅管悼我無令人莫奉堂上歡豈無萱草詩終  
日倚門闌念咎常獨立所聞詩禮難我尚未成人  
遭罹此憂患歲晏念墳墓此離百哀攢何時奉靈  
車辛苦向此還親寡氣力微傍人祝加餐願言薄  
志節苟生無形顏

同畢公叔飲城東

西城昔相值桃初兩三紅翩翩鶩長陌春風搖馬  
鬃後君歸幾日游絮已濛濛解鞍不待憩相命古  
原東芍藥雖俗花狂姿幸時供平生於知已千過  
不一逢感君欲開口清洩出霑胸君如陶淵明不  
爲五斗恭胡爲青綸上朱墨紛外蒙棄官能從我  
短後追田翁銅斗釀秫麥竹枝弋鳧鴻何必悲無  
衣緼賡聊御冬九辯太高潔五噫苦羈窮置此無  
滑和天情反其中市藥非市名名聞藥何庸十漿  
饋五漿猶畏聞者從如何鄴城畔夜夜生長虹

題李秀才成季負日軒

李自號天隨子

盧敖遊八極未至北陰墟卒然蒙谷幽覩一奇丈  
夫淚注而翫肩淡目玄髭須軒軒迎風舞自得樂  
有餘見敖默弗言慢然下臂趨敖私躡其後若士  
意不愉曰子亦何爲迷繆至此乎此雖窮荒北尚  
或逢日鳥過是有玄關晦墨不可居語竟若欺魄  
攝身浸空虛始予讀秦記疑是忽帝徒今聆天隨  
言乃與夸父俱逐日下虞谷力窮尚嗟吁陽舒固  
物理我亦安于于若士獨何氣幽沈山海隅渾沌  
死已久人生信多塗

次韵李成季感事

吾廬無餘地文字散堆案雖微清溪鶴著畫亦幽  
玩高人來何疎午榻動成軒夢聞足音喜不待搖  
枕喚居貧少煙火餽食尚須旰出門兀何之踉蹌  
從欵段吾人古遺隱鳧足閑同患負日持獻君孤  
白不肯換商歌叩牛角長夜安得旦颺颺滿屋風  
黃葉散投慢楚屈若靈龜出處思過半所從聊自  
知何用詹尹算不如天隨生頭幘終日岸況君擊  
莊岳一念腸九轉人方臥大室子獨號其畔寒山

來助哭咄爾勿嗟惋

同李主簿叔文飲北莊

蕭條蓐收窮疎樹失穠紺北風動地起雲攬紅日  
暗李君邀我游簡蕪治寒檐相攜二三子歛若符  
節勘愧非谷口隱佳會良可暫茅堂兀四壁誰識  
此意淡古徑無俗尋陳編有幽瞰一聆君子語梁  
肉幾厭啗歸來馬河北寂寞晚舟纜吾生事逃伏  
優游亦何憾

夏季

夏季百果繁兔葵亦成實獨有野石榴幽花時熠  
熠熠熠非獨好芳榮賴午日翩翩彼白蜨髣髴粗  
采挹睡餘起對此嘉興亦蕭瑟良非阡陌麗敢競  
陽春出無言以成蹊上愧桃李質幸當飽霜餘萬  
顆富君室

曹州道中二首

天早久不雨四郊多狂風蕭蕭班馬鳴落日大野  
中君子守宮廷至樂聖所同喟予不逢辰足跡道  
里重

驅馬上高原秋風吹客衣感時有所懷送目鴻雁  
飛羸僅惑岐道日暮相際稀愧彼倦翔鳥知還良  
庶幾

病起呈李縣令希孝

次公惡醒狂得酒要自濁病聞南隣邀不往亦踴  
躍空床成展轉假寐風雨惡中虛氣襲逆妄夢時  
可愕每慙張隱居凌旦發囊藥曉來天境清日出  
鳥語樂家人語南軒青杏已可嚼復云竹齋前塔  
庀有進籜欣然欲舉手紗帽未能著平生李夫子  
相得懷抱廓何當戒長鬚風駕慰寂莫杓杓恐不  
勝快語聊一噱

贈金堤劉承制景文

漆園說海若稷下談神州長劔堪倚天語大世莫  
酬少狂豈其然及此日月流稍知晝足非萬事指  
顧休夫子更高識未沫於前修蔡流聊復駛得渚  
正須畱蓋有幸遇魯何能必爲周徜徉下澤車驚  
駭入谷騶對酒尚青眼吟詩將白頭山陰論往事  
陳迹詎能收

次韵四弟以道十二弟叔與法王唱和兼示  
无斃弟二首

少時勇遊山說山喜動色中年謫南方廬阜得溪  
歷當時不類謫忘腰帶之適怪人肝鬲異破賊喜  
折屐只今窟林下織衣而畊食緬懷茲兩士吾宗  
氣相得吾春種桃時子曉尋嵩日似聞黃面子爲  
採鳥頭出去年陟岱宗一士世莫識天門邀之下  
傾倒意已極斯人與人異龍虎兩超忽重尋亦無  
路顛雨石崖坼

吾人伯仲間一語可物色氣自寡所諧窮乃足所  
歷家風藐五世不肯適人適意行無險易又跣不  
著屐文詞如苦李慘腹人莫食猶矜不傳妙坐恐  
兒曹得學憐新又新老奈日復日伯以最恬愉何  
白採之出无斃能寡言猶堪謝前識叔與氣尚豪  
楮頤視屋極斯文惡表標枯魚戒所忽應如魯宮  
籥藏壁俟其坼

濟北晁先生雞肋集卷第六

濟北晁先生雞肋集目錄

第七卷

古詩

同劉景文登大安閣

次韵張文潛飲王才元家

次韵范翰林淳夫送秦主簿觀

次韵荅秦觀見贈

北京學直舍對客

虛齋

直舍卽事

昨日雪已佳約李令希孝

同文潛送况之諫議十四丈守潞過成季

作

送梅校理子明通守杭州

送呂承奉至山從呂龍圖晉伯辟秦州機

宜

曉發樓子莊

禮部移竹次韵李員外文叔

次開祖使君韵兼呈端叔大夫聖域長老

次韵錢濟明贈感慈長老

送八弟无斃宰寶應

和關承議彥遠水樂

送君

上馬

試院次韵文潛欲知歸期近呈天啓慎忠

栽花招泗州叔父

濟北晁先生雞肋集目錄 終

濟北晁先生雞肋集卷第七

古詩

同劉景文登大安閣

劉侯先將軍忠義當代顯  
啗嚙指戎虜却走自相踐  
西坡坐首鼠勢感不得免  
天憐壯士窮有子如此  
鮮清時鑄農器文字正  
須勉行吟畔牢愁憤排  
亦足遣時來躡雲梯仰  
視天宇展下俯河兩涯  
牛馬細不辨達生匪行  
怪未用驚邑犬官閑尚  
數臨洧澤要清淡

次韵張著作文潛飲王舍人才元家時坐客

戶部李尚書公擇光祿文少卿周翰大理杜

少卿君章黃著作魯直

霜雪埋百花及時鬪春陽  
城南有高士買屋入花藏  
經時不出門為花日日忙  
我居在何許近止東數坊  
亦有佳公子連車換帷裳  
隔牆蜂蝶誼開戶草木香  
仙人朱桃椎髮綠童臉芳  
此公不可見此畫來遠  
方竹猷磨廡塢柳拂輓轎  
床素兒雖小小亦足侑客觴  
尚書廊廟具氣若冰壺  
涼忘年此賓

主吾黨有輝光人生走塵土  
歲月顏鬢曷不休沐暇過此  
薰修房宴坐二十年非癡實  
難量元末王才休官張侯不出家  
在家說綠忘尚擬問兩卿  
攜肴借紅粧妍歌聽黃子  
不飲亦清狂

次韵范翰林淳夫送秦主簿觀

高詞自班馬短句亦陰何  
輪寫無窮已懷山赴壑波  
淡耕待銚艾療飢乃嘉禾  
機雲共一時未信來者多  
老病愧羣豪魚山臨東阿  
蘇公門下客事業皆不磨  
孫寶暫主簿靈槎會窟河  
它年九功敘當使睦者歌  
業虞置牙羽筦蕭復森羅  
鏞鐘欠一鐸未害大樂和  
却欲從浮海珊瑚爛紅柯  
龍門雖箭駛此志未蹉跎  
丹沙還黑髮流景爾則郵  
仇池出一派分江定有沱

事見蘇詩

次韵荅秦觀見贈

修身貴日新如草陳葉換  
請看絃上矢歲月不可玩  
文章得蛙釜虎以皮遶難  
茲事從古然吾黨奚獨惋  
秦君好學勇決勝百馬汗  
宵行委明月屢得按劔盼  
鄙夫晚更事前猛窘新  
慙憐君亦自嘖意

滿懷不散誰為傾國媒尚此瓊英粲期君似椽置  
無以無人慢

北京學直舍對客

鳥聲落檐間竹色在戶外解屣置几前放杖當椅  
背默然仰棟時往與古初會有時遺坐客十問不  
一對尚因呼乃覺笑自謝頑昧知非慕蓮子事去  
等蠅蛻一生所未免飲食與眠睡所以更頽然可  
樂本非內有心欲何用橋起則形累賴客同門生  
曠蕩乃不愧

虛齋

虛齋閉疎窗竹日光耿耿更無司業酒但有廣文  
冷人憐出入獨自喜往還省時作苦語詩幽泉汲  
脩綆

直舍卽事

秋雲多重陰凌旦亦可樂虛齋坐亭午寒雨依高  
閣王官有憂責霖潦河未落孝先但欲眠不奈翁  
子誰黃花追晚景白露下叢薄獨當慰佳節得酒

自斟酌

昨日雪已佳約李令希孝

昨日雪已佳今日雨亦好冰膚解萬木洗濯見枯  
槁思君對此坐孤詠廢幽討明日尚相期春禽聽  
清曉

同文潛送况之諫議十四丈守潞過成季作

午投李同年下馬汗如洗城南迫送客雖嬾聊爾  
耳出門繚陂曙白鳥起漢葦佛宮橫晚霽窈窕間  
一水借問客何人諫垣有直氣吾人浮丘伯聊可  
與把袂如此邂逅何得酒亦佳事官閒猶有守旋  
折窘六轡可憐千紅蕖的皪姹晚市便當風駕行  
秋風如箭駛

送梅拔理子明通守杭州

金明池上柳人折一枝春贈子意不淺東游雲外  
身人生半刺史朱綬光四鄰此豈經世懷但慰坐  
白親錢塘我舊遊頗復識其人不應山水改但恐  
猿鳥新章臺走馬客冠蓋盡要津竊祿我自慙便  
面聊障塵亦思一舟去共醉西湖濱時平自行樂  
不為千里尊歸來麒麟上獻納當及辰



送呂承奉至山從呂龍圖晉伯辟秦州機宜  
去日劇奔驥新交非曩圖憐君事業長蔚若頤生  
鬚表東海者誰君世有顯儒端委論百揆鞭弭雄  
千夫二陳詩禮伯八荀紉綺雛嘗聞達大家可以  
濟八區功名望聖世忠孝自吾徒我管拜秦州詞  
林炳於菟見謂可與言鋤荒而破觚剗中不宿穢  
味道因有腴斯文望若人顛沛一手扶白頭遠綏  
邊狐兔安足驅汲黯在朝廷永絕淮南覲平叔不  
鬪羌事正今日須今君撰杖屨還向府中趨問訊  
不棄捐寄聲亦疎迂何當質疑義賣劍老樵蘇

曉發樓子莊

曉發樓子莊淮山自茲近春風似惱客浪穩舟不  
進長安一回首堤柳千里潤念當整帆席快若冬  
蟄奮微生謝拘窘末路嗟鄙吝林花一迎笑岩鳥  
相借問塵埃改顏鬢堅白畏緇磷江海慰高情飄  
蓬自吾分

禮部移竹次韵李員外文叔

東南之美者見伐以直幹豈如此君疎猶作此郎

玩此郎乃在此無乃材亦散平生吉甫頌意鄙枝  
叔亂坐狂得此冷對竹頭幘岸尚忠殺青書充宇  
白虎觀恐此愧子猷還成倚楹歎

文叔有  
志史事

次開祖使君韵兼呈端叔大夫聖域長老

神龍異凡馬頭角要須斂邦公七歲時驚耳一語  
險悟身非常住風日過河減崢嶸法雲窟跳出有  
家範金剛不吐焰已落天魔膽一派感慈中無波  
寒湛湛是波本非水無以瓦礫點低枝競聽法草  
木有情感作解受羣邪砥硠疑琬琰居然身出定  
面目本來儼而我久塵勞見之良內憐周侯老詞  
句太華聳而黯自說少苦心脩塗肆寤覽李侯遺  
世事不琢元無玷文采麗春葩百牘交千槩顧慙  
土炭嗜畏疾非羞儉望不見水端譬河還少貶請  
佩伯陽言吾非勇於敢

次韵錢濟明贈感慈長老

我聞棲禪人一念超十地云何別影事未免依緣  
氣譬如幻男女機廢根隨廢不然怖頭走此病窮  
三世邦公師子吼曾使諸天喜廣說無說時俱成

甘露味不知室久如當有天來侍城隅竹塢近枕  
剝開嚴闕以彼亢中空清風自來萃我生久更事  
求愚不求慧清風已說法不用重宣偈開祖照人  
姿滄波白蘋際居然九秦妙往往往魚龍戲濟明經  
世才彫松識寒歲懷寶竟迷邦此豈非良計名山  
尋勝士投老終溪詣我自所蘄廉蟬葉真堪蔽

送八弟无斃宰寶應

窮邦追秋成霖雨厚土溼遭吾上涑水潭洶三峽  
疾邦人送之子岸潦飲馬膝淒淒屬方升澹澹驚  
竝集衝湍順塗路游波滙原隰安知禾黍腐轉覺  
蛙黽急何由乾此潦問天借九日蕭蕭荆棘晚疊  
疊霜霰密之子向南州銅章宰一邑何須念宋遠  
古謂跛余及揚舲堤柳盡把醜淮山入封圻吳楚  
徼郡縣秦漢襲開門駟會闔轉浦篙帆翕平旦書  
百函交衢客三揖新湖容鼓鑄甲令貴綏輯之子

率詞科聞詩不讀律古來學爲吏頗自吾儒出足  
民與知方求由有政術鞭笞麀駭亦恐日不給  
先君卓魯後之子况早立焚香閉閣坐啾耳從漭

澱官忙尚偷閒文字要業炭

和關承議彥遠水樂

上盆五尺高下盆二尺廣呶啾蟻穴間飛瀑一線  
響關侯初爲此避世挹蕭爽晁子亦欣然閉戶穿  
瓦盎虛堂一畝靜純白四隅敞中央渾沌胚儵忽  
所求往鑿竅令語言豈但一成兩危峰下俯瞰石  
井黝然仰奔泉決背落慘澹陰窅想明珠溢盤盂  
白露溼塵埃聲音通大道斷竹自誰賞何曾憂擊  
闌餅缶日夜長初疑風隕籜驟雨來莽蒼乍似酒  
落槽夜枕聽惚恍鳴禽雜啁晰物彪亂拚蟹相依  
欠林樾見蔽賴惟忱范侯驚側耳李令笑抵掌張  
侯助我懶不憶稅歸執雲間余仲弟聊可樂吾黨  
中和非外物此理未宜罔相勸戒勿傳名字遍天  
壤撞鍾鼎食事老罷不知饗但怪一世狂端如轉  
車輞能來解幅巾爲子濯泚頰

送君

送君上馬時不道朝爐煥春風入木心皮肌發紅  
綠春風良易鼻邴得勤行路且莫望南窗胡蝶飛

無數

上馬

上馬笑屬君歸期在十日來時草白芽歸時青鬱  
鬱來噀馬蹄急歸噀馬蹄緩人心自如此馬蹄終  
不變

試院次韵文潛欲知歸期近呈天啓慎思

眉山得張侯心許出一手臨川見蔡子千載慰避  
逅鄧君起南國磊磊看三秀譬如黃鍾陳我尚瓦  
釜吼欲知歸期近喚馬牽出廐官壺持餉婦傾寫  
不漬口千章輸明堂勿問草澤有羣公自凜凜水  
鏡照妍醜

栽花招泗州叔父

春園移春栽芽孽秬粒大東風日日吹噴吐不暇  
裹楊梢青猶未桃萼紅尚可田蔬美已最村醅醇  
亦頗少年慕立事幸得能幾箇艱難合歸來茅屋  
聊共佐

濟北晁先生雞肋集卷第七

濟北晁先生雞肋集目錄

第八卷

古詩

次韵閻秀才漢臣食兔

和蘇翰林題李甲畫雁二首

秋竹

郊居與八弟无斆讀書

用无斆八弟永城相迎韵寄懷

次韵荅葉學古

次韵蘇公和南新道中二首

感懷追和柳子厚郊居歲暮韵

次韵伯温甥池上八首

次韵彦遠相州道中二首

永嘉縣君赴潁州杜丈之喪送至鹿邑境

上贈別

綴古詩語送无斆弟赴舉

贈文潛甥楊克一學文與可畫竹求詩

補樂府三首

豆葉黃

漁家傲

御街行

濟北晁先生雞肋集卷第八

古詩

次韵閻秀才漢臣食兔

兔誠中山族中古稍分裂唐虞用大牲雖有目未  
 瞥鸞孫能飛仙飄忽天漢決不逢易牙試厥胃幾  
 泯滅羿弧殞陽鳥曾不弋在穴王良馬慢忌撲捩  
 幾奔掣初遭趙趙子鼎飪飮毛血中逢宋鵲窘飢  
 吻啄原雪叔世削格多星迸失行列蹄窮不得逸  
 如鼠限高關應憐蚌潛水暴腹想江月脣亡欲誰  
 語竟死猶結舌肩尻弱易解狼藉腥尺鐵抽毫置  
 筠管復苦蠹魚齧論功在冊府微物推爾傑劍藤  
 光奪縑抄記良瑣脣北鄰聞夫子尚忍資盃噉得  
 諸韓盧口實以彊暴劣作詩誇芳美此譽寧所悅  
 不如孤膏臊質賤甘棄絕冢妖老通數藤索夜空  
 設爾曾不及彼就獲徒內熱聆聲無聳耳當學縮  
 頸鼈吾君阜萬物沛若澤未竭誰能復古初此味  
 儻可缺

和蘇翰林題李甲畫雁二首

濟北晁先生雞肋集目錄終

畫寫物外形要物形不改詩傳畫外意貴有畫中  
態我今豈見畫觀詩雁真在尚想高鄧間湖寒沙  
璀璨冰霜已凌厲藻荇良瑣碎衡陽渺何處中泚  
若煙海

蕭條新湖秋霜落洲渚潔蓮垂蘭杜死菖蒲見淡  
節慘澹沙礫姿清波侶羣鴨往時吳興守看畫憶  
茗雪為儀尚不污孤高比雲月聞在雪堂時滿堂  
唯畫雪

秋竹

秋風多煩窻竹是歲寒物朝寒階玲瓏算寒階  
勿翫然下一葉未覺瘦齒翠豈無陳根旁寂莫眾  
頭屈何時雷填填看爾射地出

郊居與八弟无斃讀書

坐狂得世捐作官故不了十年未弛負半世不黔  
竈居然顏玉雪及是鬢蓬葆碧山已焚魚白水初  
種稻瓜區可淡隱圭竇便却埽之子懷世資行脩  
名譽好避人本愉恬坐我亦枯槁无斃以余  
故得監廟  
田野處政以城郭擾常時暇此別幸爾晏言笑如

蘭豈異臭覆瓿本均好去聲不懲范釜塵尚作韓編

盜斲輪元戒疾紵絮非病少莞爾勸之休怡然守

而膠翻思南遷久抵幸北歸早三已令吳愠四至

卿誠巧所欣顛木葉莫羨姦人瞭同氣靡間言它

人闕忠告貧居無酒肉窳巷有揆討葵作飽蓬蓬

茗澆憂悄悄長閑味更永競進念已勦目鴻天蒼

蒼夢蝶日杲杲蘅皋美新雨藜杖邈高蹈管齋直

新徑創檻俯幽沼架以我園檀芙之子官草无斃  
月給

也優游聊卒歲邂逅可同調佩玉子終翔菟裘我

方老囊中餐玉法樞上追風驪能知面不覩未用

心如攪平生夔契慕晚歲瞿聃妙但欲入林溪子

來應問道

用无斃八弟永城相迎韵寄懷

平生殫千金術似劉累僻春風九軌道無我迷陽  
跡呼來著冠絛野貌不改昔易衣憐介弟猶有布  
一尺身慙崔浩短胸次儼列戟中天翥鸞鳳我自  
無六翮何曾客權貴見謂貧盜壁堂堂涑水翁我  
在此人籍不詆曲江賢寧羞九年謫艱難累吾母

鬢髮白一夕獨此負吾心敢言忠抱石方時半千  
運異咎陽九厄譬馳羊腸坂雙任臣子責帝王所  
張施乾坤有闔闢君敷皇極言人詠藜蕭澤鳶魚  
競飛躍風俗凜移易已開公府閭又置四郊驛接  
求建田野欣喜到僮役雖微攜手上頗似破箴釋  
川塗見吾弟薪木詢我宅憐君如我固不歎玄尚  
白薄飲盡餘醅凝塵振鹿席我醉易成狂欲起須  
君掖

次韵荅葉學古

管我遊武林值子長江頭我時方南轅子亦將西  
舟相見兩大笑典衣上高樓樓高不知暑五月疑  
清秋環觀四山明俯視萬井稠喧喧市中人日暮  
歌吹浮忘形與子飲一醉餘無謀湖上荷花生黃  
鸝飛柳洲飄然搖兩槳下上逐輕鷗不覺脫塵世  
自謂逍遙遊晚訪城隅寺竹林森如幃斫薪煮山  
茗蕭洒破百憂脚懶厭屢闌五日成淹留肅肅太  
史家門闌閑且幽荒亭蔭疎桐雀鬪聞啾啾其人  
絕世賢椰榆困時流唯我與吾子大軸更往投幸

聞一諾禁不受萬戶侯誰言王母桃方朔不得偷  
未幾子告別西賓帝王州吳船風雨夜送子不勝  
愁八月子獻書高談夏商周惜哉天下馬驪牡煩  
推求我濫鄉老薦麻衣望前旒愧非鳴鳳祥斥去  
還林丘三月我度江子行窮海陬相望遂乖隔慨  
歎不自休逆旅善辱人虛激韓娥詭操瑟立齊門  
乃反怨不收嗟哉子與我不幸斯人儔有客道閩  
吳書詩眷綢繆開緘恍自失但覺膽氣適有如飲  
貪泉海貨溢兩眸子詩益加富我句猶能裒春禽  
與秋蟲引腹聊相酬

次韵蘇公和南新道中詩二首

山園芙蓉開寂莫歲云晚公來無與同念我百里  
遠寒飈吟空林白日下重巘典盡還獨婦挑燈古  
囊滿

讀公棲鴉詩歲月傷晚晚公胡不念世蠟屐行避  
遠羈鳥翔別林歸雲抱孤巘我才不及古歎息襟  
淚滿

感懷追和柳子厚郊居歲暮韵

殘暑夜如炊曉風吹蕭索開門望林木引蔓修籬  
落所欣塵累遠不恨生涯薄心事少干雲白頭成  
憶昨

次韵閻甥伯温池上八首

文饒論百揆豪氣闊天宇歸來坐平泉草木何足  
數只今和文弟怪石幾風雨達生要忘累人取應  
我與

李和文家涼堂後石甚奇上刻于泉字蓋文饒自題也

昔吾卜城東今吾卜城中祇畏盜賊迫安知屢市  
同畚鍤運渤海操蛇應未窮無乃遭此笑君如北

山翁

誅茅斬惡木衆卉方以朋掘沙到沮洳方復見此  
澄客來恍異境物象初不增以此自誑目果下能  
日棄

池淡不可臨際水作石磴塵埃攪百里得此亦差  
勝晨朝看雨坐蛙喜律呂應有兒不鼓篋共此疎  
懶興

物養有得失瘠地江河隈亭檻但小草山林自奇  
材我有八極典聊堪一席開長嘯本造適悲風爲

誰來

自從移居來城市益歌擾如何跬步近亦有鷺下  
沼竭來欲騁鶯詰曲故百達人間南柯夢方此猶  
復小

黃冠一奇士教我漱華池茅檐夕堅坐見月柳間  
低水蟲時一出細浪作鱗差流觀起百慮內視失  
羣疑

平生惟親舊相得懷抱敞寧知老田里三徑得還  
往結廬在人境此意陶令賞但話北窗涼何必義  
皇上

次韵彦遠相州道中二首

自君之出矣吾居關畫橫尚有楊李來時能出門  
迎少日所忿慵壯年替雙睛涉月在一床幾成小  
冠盲夫子竹林趨世固潤高明尚喜鞍馬間經阿  
復緣泓詩隨晚雨墮迫戶有餘清便擬釀白黍相  
邀飮青精重惜吾楊李徂秋各南征

朝入一几縱算入一几橫黃卷值咎人歡與相逢  
迎孫子謝口語阮生勞目睛登亦豈必暗籍猶未

能盲學非經世具所貴自知明仁義有不然失時  
悲戰泓一生屐幾量況欲埃河清動與道彌遠靜  
於理逾精君能問舍往吾亦賣刀行

永嘉縣君赴潁昌杜丈之喪送至鹿邑境上

贈別

二十年糠粃相從無覩顏尊公抱至痛白玉掩深  
菅送子三百里西風涕沈瀾鄰喪罷相春況我五  
服間憐子一女子忘身赴憂患但恨莫攀輻賤生  
守微官勿為撻執悲我居不求安送死當大事丈  
大良獨難

綴古詩語送无敦弟赴舉

鮮民之生靡瞻匪父母氏劬勞寧不我顧兄弟無  
遠惟予與女執子之手此夕何夕我心蘊結兮嗟  
予弟行役二之日栗烈飄風發發子之清揚麻衣  
如雪載馳載驅出宿於干揆之以日體无咎言既  
差我馬遠送于野敦彼獨宿于林之下無衣無褐  
不念咎者陟彼高岡或降于阿瞻望弗及獨寐晤  
歌展轉反側不平謂何顯允君子洵美且異溫其

如玉千祿豈翁春日載陽薇亦作止脫腕黃鳥嚶  
其鳴矣

贈文潛甥楊克一學文與可畫竹求詩

與可畫竹時胸中有成竹經營似春雨滋長地中  
綠輿來雷出土萬籜起崖谷君今似與可神會久  
已熟吾觀古管葛王霸在心曲遭時見毫髮便可  
驚世俗文章亦技爾詎可枝葉續穿楊有先中未  
發猿擁木詞林君張舅此理妙觀燭君從問輪扁  
何用知聖讀

補樂府三首

荳葉黃

蒹葭蒼蒼荳葉黃南村不見岡北村十頃疆東家車  
滿箱西家未上塲荳葉黃野離離鼠窟之兔入畦  
豕母從豚兒豕啼豚咿咿街角復銜其荳葉黃穀  
又熟翁媪衰舖糜粥荳葉黃葉黃不獨荳白黍堪  
作酒瓠大棗紅皺荳葉黃穰穰何膻膻腰鎌獨健  
婦大男往何許官家教弓刀要汝殺賊去

漁家傲



漁家人言傲城市未會到生理自江湖卽知城市  
道晴日七八舩熙然在清川但見笑相屬不省歌  
何曲忽然四散歸遠處滄洲微或云後車載藏去  
無復在至老不曲躬羊裘行澤中

御街行

雙闕齊紫清馳道直如線煌煌塵內容相逢不相  
見上有高槐枝下有清漣漪朱欄夾兩邊貴者中  
道馳借問煌煌子中道誰行此且復就下論驄馬  
知雜事官卑有常度卽得行同路相効良獨難且  
復東西去

濟北晁先生雞肋集目錄

第九卷

古詩

和關彥遠秋風吹我衣

贈關滄關沼

贈王順之歌

遊棲巖寺呈提刑學士毅夫兄

聽閻子常平戎操

同楊希仲吳子進李希孝張景良北關納

涼晚過大安寺

同張子望顏伯儀上關納涼

開梅山

富春行贈范振

胡戢秀才効歐陽公集古作琬琰堂

和縉雲守關彥遠浮山作

試院求李唐臣畫

黃河

酬李唐臣贈山水短軸

目錄

終

濟北晁先生雞肋集卷第九

古詩

和關彥遠秋風吹我衣

海中羣魚化黃雀林鳥移巢避歲惡鄴王城上秋  
 風驚簪時城中鄴王第只今蔓草無人行但見黃  
 河咆哮奔碣石秋風吹灘起沙礫翩翩動衣裳游  
 子悲故鄉忽憶若耶溪頭采薪鄭巨君南風溪頭  
 曉北風溪頭昏一行作吏此事便廢夢中葉落覺  
 有歸意歸歟歸歟吾黨成斐然君今生二毛我亦  
 非少年胡為車如雞栖鄴城裏朝風吹馬鬣昇風  
 吹馬尾與人三歲居如何連屋似千里我則不狂  
 曾謂吾狂不吾知亦何傷安能戶三尺喙家一吮  
 人亦有言人各有志吞若雲夢者八九長劔耿介  
 倚天外有如陳仲舉庭宇亦不治吾乃今知貴不  
 若賤無憂富不若貧無求負日之燠吾重裘芹子  
 之餒吾食牛心戰故臞得道故肥吾封侯匹夫懷  
 璧將誰尤婦歟婦歟豈無揚雄宅一區舍前青山  
 木扶疎舍後流水有菰蒲今我不樂日月除尺則

不足寸有餘七十二鑽莫能免豫且無所可用乃  
 有百歲袴龔生竟天天年非吾徒

贈關澮關沼

君不見杜侯咎為歌行贈徐侯大兒色清澈小兒  
 氣食牛往有關尹官仕周共人有道其澤流會稽  
 竹箭無名久文采關侯二兒秀不然安取關尹後  
 何用黃雀青殼逢間飛長背飽滿短背飢何用城  
 烏噉噉八九雛端坐秦氏桂扶疎淵也詩足興功  
 也禮足立三年不見冠岌岌何用春耕投種歎粟  
 粒功成喪氏九里溼君家會稽山頭松樹清江楓  
 乃翁行采薪所願溪上風男兒封侯食肉勳業須  
 少壯勿學乃翁呻吟蕭屑所願在溪上

贈王順之歌

王為耶和叔所厚

王郎見若不勝衣眇然儒者未有奇我知王郎有  
 奇處議論濤海擎蛟螭由周而來速五季故事本  
 朝能盡知不惟知之業有用斟酌成敗中無疑我  
 聞管時崔浩亦復爾所懷百萬非熊黑人才如此  
 後來少朝廷水鏡區妍媸胡為五十尚塵土長翮

似劍猶差池愀然對我數白髮追風逐日無由羈  
三書自薦應不暇五府交辟終何爲那侯胸中有  
王霸不但遊談漢終賈勇於吾道一臂扶往不畏  
難憂助寡似聞詩有雲龍期云何計出柏馬下豈  
非事君難進從古然不然富貴終在天堆金買玉  
忠無玉玉至自駭無因前君不見東秦逐守拙難  
似大石當前以身抵接浙去齊未敢言退飛過宋  
聊堪比神形自問還自荅因拙得全方至此少狂  
于世等畫地老罷食功同履豨向長畢事漸可涯  
彭澤棄官從此始山林不著一物隨平生萬卷付  
羣兒收光牛背看屋壁更不刮膜煩金鏡遭時有  
用君當起丹青宛轉麒麟裏我行此計無贏輸世  
事從來奕棊耳

游栖巖寺呈提刑學士毅夫兄

飛樓壓城城跨野黃河逶迤避條華城南島道拱  
高巖入谷車箱不容馬解鞍初步石苔青細泉鳴  
遶竹間亭肩輿直上十八折維以采絲雙巨絙我  
行枉矢復地感三步一呼勞我僕前旌已作鶴穿

雲後隊方如蟻緣木千條倒澗淙大壑百丈層冰  
凍垂瀑無雲而雲蒼翠橫無風而風翫齖聲崖窟  
東轉路忽平長楊老柏森成城朱欄碧砌上窈冥  
蓮花三峰只對面仙人玉女如相迎却臨北嶺望  
吾郭萬瓦一垤令人驚孔侯翛然顧我語高真之  
居隔風雨下視人寰如此許此中豈但蠻觸微千  
古紛爭幾是非我言人處世此見釋氏義人食地  
上穀足固不離地我今正在阿堵中與君安得生  
兩翅却憶隋文駕六龍意比姬滿朝河宗當時萬  
騎畱山麓登臨已卷長江東翠微宮裏亦如此依  
然古殿對喬松何況山中攜妓裝御史猶唱當時  
霜月空與君江南厭山水香鑪雙劍俱夢中異鄉  
同宦對絕景令我不指東飛鴻立戒兵厨釀春酒  
要看雪盡山花紅不須墮淚似羊守且可騎馬同  
山公

聽閩子常平戎操

嶧陽之孤桐陪自霹靂斧龍伏之靈林復古斷文  
橫截絲百縷下垂七軫如牛乳上有明星稀可數

當軒拂拭待君鼓君心有在君未語仲尼咎時從  
師襄頎然一人猶望羊我獨懷之千古長杖策不  
省頎之忘去年河決瘡未補今年赤地無禾黍條  
龍焚瓦亦何取堂上平戎不敢聽且激南風召時  
雨

同楊希仲吳子進李希孝張景良北關納涼  
晚過大安寺

君不見少陵翁管時亦厭在泥滓青鞋布襪翁自  
喜上關流水入城來青嶺之末風未已駕言出游  
我無酒張侯爲致尊中旨可憐築室甯封池下有  
千房并萬蕊官曹十九民事聒况乃坐堂環榜擗  
揚波沐髮安在哉我曹官冷奚不來日長飛鳥困  
塌翼龜出仰喙魚張腮南箕不哆少女默焦喝坐  
恐昆蟲猜楊君嘗攬轡獨出無把袂古藏大般若  
中天立華厦同游得吳李張子亦予社登臨物色  
爲我豪長空吹雨來蕭騷原爲起伏河出沒霧作  
吞吐山卑高君不見幕中羣公府曹掾清談接武  
金閨彥平明趨府罷亭午寧有食頃坐閒燕我曹

放意誠崛奇王事執掌慙周詩嵇康不堪章服裏  
此事恐得通人嗤李侯挽我未宜下世間一笑如  
此寡鄙夫敢慕從事賢少日采薪勤兩肩草玄亦  
投閣醉者墜不愕安能學丁君高舉似黃鶴一屨  
平生事百壺中慮廓且當俛仰宇宙間子欲觀海  
須觀瀾所息安在良阻艱李侯有嘉意語若繭緒  
曳不應開口煩睥睨愛身爲物太早計

同張子望顏伯儀上關納涼

高閣無風華屋熱正午四隣還往絕張侯不厭過  
市煩呼我柳隄鳴蹀躞城如虯背臥透迤城上戍  
樓虬白簪一水貫來淡宛轉萬家圍去綠參差翳  
塵塞眼那能避未暇解衣聊埽地可憐繫馬著垂  
楊可憐臺榭對池塘無限芳洲生杜若芙蓉菡萏  
倚新粧鸞鴦相對鷓鴣舞飛去黃鸝獨無語登繁  
未用伐蛟鼉苦菜黃瓜亦堪數張侯河目須垂膺  
齒如明玉嚼寒冰未須坐上白羽扇談言自足驅  
青蠅司業高情勿寂莫仲宣從軍良可樂欲看詩  
句出嶽崆更饒酒量開磅礴廣文顛顛獨何人男

兒三十四方身相逢得意吐然諾俸二百錢終不  
貧野橋僂僕風吹髮徒倚門關臨喘嶼江湖平日  
憶蘇侯更詠夕陽明觀闕蘇文子由上闕詩云  
落日回看觀闕明人  
語喧喧未聽回木蘭晚放水萍開黃昏下馬天似  
漆急雨傾屋翻狂雷

開梅山

開梅山梅山開自熙寧之五年其初連峰上叅天  
巒崖盤嶽閎羣巒南北之帝鑿混元此山不圯藏  
雲煙躋攀鳥道出蒼蔚下視蛇脊相黃緣相黃緣  
窮南山南山石室大如屋黃閣之記盤瓠行跡今  
依然高辛氏時北有大戎寇國中下令購頭首妻  
以少女金盈斗遍國無人有畜狗厥初得之病耳  
婦以盤覆瓠化而走堪嗟吳將軍屈死斫斫口帝  
皇下令萬國同事成違信道不容竟以女妻之狗  
乃負走逃山中山崖幽絕不復人跡通帝雖悲思  
淡往求輒遇雨與風更爲獨力之衣短後裾六男  
六女相婚姻木皮草實五色文武溪赤髀皆子孫  
侏離其聲異言語情黠貌癡喜安土自以吾父有

功切帝女凌夷夏商間稍稍病侵侮周宣谷中興  
方叔幾振旅春秋絕筆逮戰國一負一勝安可數  
邇來梅山恃險阻黃茅竹箭靈霧雨南人顛踣斃  
溪弩據關守隘類充亂一夫當其扼萬眾莫能武  
欲知梅山開誰施神禹斧大使身服儒賓客盈幕  
府檄傳徭初疑叩馬卒歡舞坦然無障塞土石填  
溪渚伊川被髮祭一變卒爲虜今雖關梁通失制  
後誰禦開梅山開山易防獠難不如管人閉玉關  
富春行贈范振

錢塘江北百里餘漲沙不復生菰蒲沙田老桑出  
葉竈江湖打根根半枯八月九月秋風惡風高駕  
湖晚不落鼓聲葵髮櫓嚙啞爭湊富春城下泊君  
家茅屋竝城樓不出山行不記秋越船吳帆亦何  
故今年明年來復去

胡戡秀才效歐陽公集古作琬琰堂

君不見廬陵公往爲學士修書日詔昇千金訪遺  
逸遺文逸字往往出故都易姓幾兵火量斃鼎腹  
細詰誦道人响嶼空有聞丘陵仙鬼事恍惚共和

十鼓記亡一嶧山肉在無復骨雲陽八體又瓜剖  
 至使漢童詭尉律世儒詭正何足臧公家安取千  
 軸藏仲尼猶及史之闕有馬借人吾敢志題籤甲  
 乙頰水陽後來胡君癖膏肓傾家自構璇琬堂捺  
 羅近出補厥亡荒林圯冢見未嘗南觀禹穴計渺  
 茫閉門睥睨在一床常恨平生好古家無力騎馬  
 蹊田觀斷刻中郎二字煩走驛率更三日勞野食  
 長年囊褚況易擲兒作摹朱婦遮壁願從胡君巧  
 無有十百數中聊取仿胡君今逸民盱眙不見十  
 五春坐令鈔繫老壯士朝廷豈無憂國人曩時豪  
 氣今誰在會面只謀千日醉聽君汗漫馳古先世  
 事無何付蟬蛻

和縉雲守關彥遠浮山作

在揚州城中提點  
刑獄之廨石色如

鐵其高可隱圖  
經湖之浮山

廣陵形勝谷所聞崑岡作軸江為門西來蜀道從  
 萬里伏堆藏阜爭崩奔盤挈感踏得江住精鐵一  
 畝巋然存半潛屋牖半出戶鼉龜見背熊羆蹲我  
 行平地是絕頂歎息但以指爪捫誰言一水限南

北壑過勢極逾騰騫不然安得江南之山踴躍出  
 中流浮玉猶齒翠操權高視競瓜分島夷索虜何  
 煩述木蘭水調更淒涼延和小語尤蒼猝周公卜  
 維貴坦平亦言有德易以興真人龍飛狐兔窘御  
 營周壑壓蕪城大明寺中老竹在九曲池上新荷  
 生君胡聞此不數往地中頑礦煩譎評自言家世  
 西湖側慣聞洗土開南屏欲空息壤發幽祕河曲  
 定笑勞精誠君不見珊瑚玲瓏石上吐海底有山  
 邠可觀

試院求李唐臣畫

有客攜來白團扇看君畫出翠微峰忽然陂水變  
 陰霧便有松林吹晚風松林陂水靜何極何處歸  
 舟天際識韋侯直榦儻不難杜陵東絹邠能惜

黃河

黃河鬻小吳天漢失龜鼈靈原潭下藕爛死只有  
 菖蒲不生節白馬橋邊迎送胡冀州斷道無來車  
 新隄築得高嵒嶮舊隄杵聲未可絕

酌李唐臣贈山水短軸

李為刑曹杜  
君章知賞

大山宮小山霍欲識山高觀石脚大波爲瀾小波  
爲淪欲知水澗觀水津營丘於此意獨親杜侯所  
與復有人不見李侯今五載苦向營丘有餘態齊  
純如雪吳刀裁小毫束筍縑囊開經營初似雲煙  
合揮灑忽如風雨來蒼梧決滌天無日澗巖老樹  
洪濤入榛林閭漠後狃寒苔蘚侵淫螺蚌溼紛紛  
禽散江千沙有風北來吹蒹葭前洲後渚相隨沒  
行子漁人崑徑失李侯此筆良已奇我聞李侯家  
朔垂跨河而北寧有之曷不南遊觀禹穴梅梁鏤  
澀萍滿皮神物變化當若斯元君畫史雖天與我  
論絕藝無今古張顛草書要劔舞得意可無山水  
助他日李侯人益慕

濟北晁先生雞肋集卷第九

濟北晁先生雞肋集目錄

第十卷

古詩

題惠崇畫四首

擬樂府十二辰歌

二十八舍歌

行路難和鮮于大夫子駿

跋遮曲

長安行贈郭法曹思聰

悲來行哭石起職方

鸞車引

贈戴嗣良歌時罷洪府監兵過廣陵爲東

坡公出所奪西夏刀劔東坡公命作

秋夜古風

茗雪行和於潛令毛國華

冤胸路

芳儀怨

五丈渠

賈碩秀才得兩圭有耶

閻子常攜琴入村

贈余樗年試院作

次韵都尉王晉卿天駒監邂逅作兼呈坐

客

濟北晁先生雞肋集卷第十

古詩

題惠崇畫四首

東風回江上渚何處來雙白鷺灼灼岸間桃依倚

蘭杜苗一街湍瀨鱗一下青林梢瀟湘綠水春迢

迢春

老柳無嘉色紅蕖羞脉脉宛在水中洲雙鷺羽蒼

白何須玩引頸顛到寫經墨惟應一臨流當暑珍

絺綌夏

一雁孤風乍臨渚兩雁將飛未成舉三雁羣行依

宿莽蘆花已倒江上風雲間分飛那可同秋

天高靄靄雲昏江闊霏霏雪繁渚下鴨方遠泛枝

間雀不聞喧鄙夫此志相依生涯稔稗同微欲具

沙邊短艇波濤歲晚人稀冬

擬樂府十二辰歌

鼯鼠食牛牛不知牛不願駢而願犂虎噉來風皮

見藉兔狡宅月肩遭脰欲兆幽烽二龍死獨微晉

澤一虵悲失馬吉凶方聚門亡羊臧穀未宣分沐

濟北晁先生雞肋集目錄終



猴冠帶去始慙木雞風雨漠何聞不須皎皎吠蜀  
狗阮子與豬同酒樽

二十八舍歌

戎菽有角原桑黃客愁啣噴聞扈充轉蓬無氏行  
役晚蟋蟀在房思婦惋男兒有心事孤矢十年風  
光隨馬尾長鬚春米婢借箕斗酒爲君聊解頤誰  
憐長夜飯牛苦安能臥泣羞兒女闕虛危平生未  
入君此室一廬儵然四壁立文章奎躔動圓天貧  
有餘富黔婁賢功名不羞爛羊胃滅鼎擒胡未能  
計誰能簡單老此生不用詠箭招忿爭世事參商  
君此行桂酒椒漿石井美山鬼幽篁衣薜荔葺江  
老柳繫婦船蛟宮涵星動深淵張帆自慣夕風恬  
九折摧輪鵠翼短他年君車當軫轉

行路難和鮮于大夫子駿

贈君珊瑚夜光之角枕玳瑁明月之雕床一繭秋  
蟬之麗穀百和更生之寶香穠華紛紛白日算紅  
顏寂莫無畱芳人生失意十八九君心美惡郵能  
量願君虛懷廣未照聽我一曲關山長不見班姬

與陳后寧聞衰落尚專房

跋遮曲

君不見魯中羣兒歌跋遮跋遮何語耶吳歛  
越吟初不省恐自塞北傳胡笳跋遮胡爲樂中華  
試歌河漲水漸尖車河中耕泥春種麻麻生三歲  
不開花霄菱兩角黑如鷓漁父笑且語誰能跋遮  
舞君不見前年大旱河草黃草中魚子化飛蝗又  
不見往年大雨雨決渠渠中朽瓜生老魚蝗飛食  
場穀擊鼓頽趨撲我家家具如箭束今年梁山撓  
濁淤兒無鋤麻姑來漁荷鋤往賣鋤買網空市無  
丁丁斲船斲屋櫨艇子如星喚施瓜夜唱跋遮曲  
羣鳴起白鳧

長安行贈郭法曹思聰

越羅作衫烏紗幘長安青雲少年客梁門門西狹  
斜陌飛閣氤氳多第宅南威十五桃花色簫管哀  
吟動魂魄銀槽壓酒傾琥珀青絲絡頭飛楮白韓  
狗胡鷹快多獲少年意氣區中窄金昆玉季盈十  
百君獨飄翻異風格十歲鈿丹事書冊豈徒新豐

困寒阨能犯龍頭請恩澤送君此行無愴惻努力  
功名傳烜赫它年尋我吳山側躑躅盈山禽磔磔

郭雅好山水  
嘗約遊吳

悲來行哭石起職方

悲來乎石君吾何悲夫斯人婉兮河之津厖眉白  
面照青春朱紱斯煌映路塵翩翩者驥銀鞍新東  
來奇意安所伸大野既瀦唯赤墳穀坐穎麻敷芬  
亡逋來復瓦鱗鱗高堂擊鮮會眾賓賓起舞君欣  
欣何人末至居客右西郭之一儒迂且貧迂且貧  
自隗始能招劇辛致樂毅四方遊士爭來奔戶內  
光儀亦可論大息拖縉紳中息氣氤氳小息秀眉  
目天上青秋雲朱旗画舸長隄曲去時簫鼓黃塵  
覆無復當年子產婦至今人作嬰兒哭西郭之一  
儒無事門生苦久雨足不行官街常時門前車馬  
客舊雨自來新不來聽我陳張叔卿孔巢父皆隱  
淪無人汲引長飢辛日午不出開衡門前侯後相  
安敢論憂殺口間縱理紋長慟吾邦對遺跡耿耿  
一心誰我識徐君已死劍不志心已許君那復惜

鸞車引 詠史

推鸞車伐鼙鼓從帝子迎天女天女喜立龍旂馮  
小寶光陸離雲斑斑覆銅山新城鳴鳩如乳鳥飛  
來為爾棲青梧控鶴府令雲衣裾僕射竄死令公  
誅婦懼兒無呼兒呼驚索胡宜都內人立次且手  
擎何物金唾壺請為大家畫長圖徐公子譁且止  
卿無來明堂屢舞覆龍盃覆盃之傍戲大鼠卿欲  
投之梁公懼

贈戴嗣良歌時罷洪府監兵過廣陵為東坡

公出所獲西夏刀劔東坡公命作

三郎少日如乳虎代父搏賊驚山東硬弓長箭取  
官職自說九戰皆先鋒將軍拳勇饋不繼痛惜靈  
武奇謀空城頭椰榆下俛走壯士志屈羞填胸平  
生山西踏霜雪洪府下涇號兒童聞名未識二十  
載初見長揖東坡公銳頭短後凜八尺氣似飲井  
壘檐虹只令不語當陣立望見已是千夫雄往年  
身奪五刀劔名玉所擐犀札同晨朝攜來一府看  
竊指私語驚庭中紅粧擁坐花照酒青萍拔鞘堂

生風螺旋鉉鏽波起春白蛟雙挾三蒼龍試人一  
縷立褫魄戲客三招森動容東坡喜爲出好礪洮  
鴨綠石如堅銅收藏入匣人意定蛾眉稍進琉璃  
鍾太平君子尚小愁戒懼邾小毋弄蜂舞千兩階  
庶可觀跳空七劔今何庸我爲蘇公起揚觴雅歌  
緩帶聊堪同從公請礪婦作硯聞公嘗諫求邊功

秋夜古風

瑤池始波縣圃風鄧林飛葉雲攬空人間樸社幾  
黃落曉窗洗黛悲青銅常嗟彭祖悔杖晚不見王  
母桃花紅安知帝怒削龍伯輿嶠已沒歸墟中楚  
人方復感時節申旦不寐同秋蟲虛堂氣入枕簾  
肅熟寐不復聞噤噤大言身塞不得仰了語無異  
鴻毛烘天如旋磨人蟻却更千萬日勞何功漢南  
種柳人笑爾江潭悽愴彫形容小樓遐觀午夜闌  
涼月不盡山無窟一身逆旅過萬物千古昨夢如  
驚蓬胡床收慮斲一息杲杲已上扶桑東

若雪行和於潛令毛國華

若溪清霄溪綠溪水灣環繞天目山間古邑三百

家日出隔溪聞打衙長官長髯帽烏紗不曾執板  
調大尹醉臥紫蘭花影斜紫蘭花開爲誰好年年  
歲歲溪南道不見西陵白髮人荆江夜雪唱陽春  
陽春絕唱和者寡客醉聞之雙淚灑夜來魂夢海  
中山縹緲雲濤煙浪間雲濤煙浪不可渡睡覺秋  
風落桐樹秦吉了秦吉了言語無人會無人會得  
奈君何且向紫蘭花下醉

宛胸路

棠梨葉戰風騷騷紙錢窸窣鳴空郊背人獨鳥歸  
寒巢子亦投村指橫橋茅檐霜月照征袍夜冷不  
寐聞狐嗥悼我爲生良已勞兩手如羸髀肉消青  
樓公子燒蘭膏雪壓屋倒飲方豪睡覺三竿紅日  
高

芳儀怨

事見虜廷雜記

金陵宮殿春霏微江南花發鷓鴣飛風流國主家  
千口十五吹簫粉黛稀滿堂侍酒皆詞客拭汗爭  
看平叔白後庭一曲時事新揮淚臨江悲去國令  
公獻籍朝未央救書築第優降王魏俘曾不輸織

室供奉一官奔武潏秦淮潮水鍾山樹塞北江南  
易懷土雙燕清秋夢柏梁吹落天涯猶竝羽相隨  
未是斷腸悲黃河應有却還時寧知翻手明朝事  
咫尺人生不可期蒼黃三鼓溲池岸良人白馬今  
誰見國亡家破一身存薄命如雲信流轉芳儀加  
我名字新教歌遺舞不由人採珠拾翠衣裳好淡  
紅退盡驚胡塵陰山射虎邊風急嘈雜琵琶酒闌  
泣無言徧數天河星只有南箕近鄉邑當時千指  
渡江來同苦不知身獨哀中原骨肉又零落寄詩  
黃鵠何當回生男自有四方志女子邠知出門事  
君不見李君椎髻泣窮年丈夫飄泊猶堪憐

五丈渠

五丈渠河水齧堤三里餘懸流下噴水渤潏訛言  
相驚有怪物潑東漁子浮兩舠清晨徑流雙鬣搖  
驚人跳起橫觸島大鱗十尺長夭矯殺之信宿不  
敢言竝村稍稍聞者誼伐鱗封肉擔揭去兩日一  
村猫犬飢夜來水泛州西原青青百頃白波翻里  
巫推變咎漁子豫且賊神實爲此此邦一年不穀

食賣魚取錢當常職聞道相家口津人無敢憑大  
魚死小魚靈

賈碩秀才得兩圭有邸

混沌既鑿元氣痛鴻源滔天堯曰吁羽淵之化三  
足通玄圭告功聞禹書姚虞班器奔九區塗山合  
瑞羣辟趨三股肆伐夏寶俘下逮皿祭仍騙辜饗  
有明德繫玉如霍山屬之醫無閭裂崖剖璞陳璠  
璵追琢出美山爲虛兩圭禮地四望俱尺寸可識  
形可圖緡城之西物色古霹靂野火燒牆堵大氓  
築室動千杵奔泉啓錡幽奇覩陰溪埋冰剝寒土  
濃氛却埽孤月吐森然聘立疑未舉榮榮幽光射  
敗筭鄰人進說田父怖張伯不敢私自取初來晝  
地爲予語邸圓中規圭合矩瓌奇未可一二數贏  
顛劉蹶分莽鹵禮嚴登降謹仰俯牲玉不加隨豆  
簞儻羊之存良小補此寶豈徒周石鼓鄴城尺鐵  
尚可神老蚪躍水生雷雨

閻子常攜琴入村

閻夫子通古今家徒四壁猶一琴今年二月雨霖

靈喜君龍麥如人溪屋間幽默咸池音高山流水  
我非聽聽我說君辛苦吟薛老村西十里地早日  
燎原無柳林芒屨曳杖逐鎌籠當午未食飢燒心  
芸芸麥田翻黃波蝻蟲盤穗如蝸螺麥未收打催  
種豆屋下跡少田間多閻夫子時我過我與夫子  
良同科四體雖勤口舖衆羹豆然其寤奈何人謂  
君琴語辛苦此曲無乃傷天和君不見夫子宋圍  
不慘猶弦歌

贈余樛年試院作

平生車軌周四方結交童胤老相忘異哉余子久  
彌芳吳人猶記稱周郎河豚入網荻芽長宜與菴  
畫煙水蒼風零春服真少狂不愧戴崇升後堂王時  
平父方致授昆陵樛年所最厚也橫戈筆陳倒千槍叔鸞獨步禹  
出羌封年秦藝開世儒膠擾何足臧說食不救飢  
求糧督息振衣千仞岡空林無人一繩床五車純  
束不在旁欲徹梯磴排空驥鍾山春水繞城隍從  
師不憚白笈裝矢鋒相觸塵不揚驪黃牡牝若滅  
亡子嚴主簿志不償厭見朱墨紛愴囊西風雲日

息帝鄉東華拜勅兒緞行黃昏闔闔飛驢蹕虛堂  
節候變金商閉門蟋蟀鳴我房吾君仁聖周成王  
屏驅虎豹開明光山龍粉米雜青黃多儒可贊至  
治香園檀山石豈荒涼潢汗蘊藻須豆臚願君與  
借羽翮翔賢書蠶列升未央君如病鶻待秋霜牛  
衣未可悲王章公朝道闢五達莊服襄按節緩勿  
忙夢松生腹渠不祥莫車上儻應循牆功成歸飲  
沆瀣漿發機要若黃閭張

次韵都尉王晉卿天駟監邂逅作兼呈坐客

平生杜元凱學問光奕世威聯帝室未要論烜赫  
功高羊叔子赤霄翔舞須威蕤孔翠文章豈其累  
崇臺作山池作湖富貴所要聲名俱酒樽詩句得  
過薄小隱山城殊未疎曹侯詞翰諸公客慣聽清  
歌耳傾側天閑兩驥看追風晴軒忽下飲河虹拳  
毛妙畫不可見顏公筆精如對面鄧張不醉無攬  
轡燒燭林間鵲飛起第語曹侯繼張燕鄰榼如澠  
不愛淺

濟北晁先生雞肋集卷第十

濟北晁先生雞肋集目錄

第十一卷

古詩

鄧御夫為窟室戲題

揚州被召者作佐郎自金山回阻水作効

退之陸渾山火句法

澶守諫議韓琦禱雨有應

依韵和子充雜言

徑山

次韵太學正宋遐叔考試小疾見寄

淮壖

寄懷壽光主簿四叔父

叔麥呈王松齡秀才

花林示楊彭年秀才

莎雞食蝗

題李偁推官頤齋

荅趙滋主簿

飲城西贈金鄉宰韓宗恕

荅陳履常秀才謹贈

和王仲甫病暑

贈送澶州監酒稅劉銓殿直

和顏隨飲酒

歷沙觀梨

過金堤劉景文

送趙燮

送石梁赴舉

濟北晁先生雞肋集目錄 終

濟北晁先生雞肋集卷第十一

古詩

鄧御夫秀才爲窟室戲題

君不學馮驩彈鋏從薛公貸錢燒券悅市傭又不  
學魯連約矢射聊城笑夸田單取美名何爲空郊  
獨坐一茅屋淡如魚潛遠蛇伏荒檐野蔓幽莫矚  
窺戶下投如墜谷其外桑麻雜蔬菽白水寒山秀  
川陸秋風蕭蕭吹首宿晚日牛羊依雁鷺朱書細  
字傳老子蠹穴蝸穿無卷軸我來不暇問出處但  
愛君居伯夷築九月九日秋氣涼芙蓉黃菊天未  
霜登高能賦豈我長從君此庵時相羊不用糟丘  
譏腐腸酒酣猶能歌楚狂我敬先生不敢量二三  
子者亦自彊潔身亂倫非所望

揚州被召著作佐郎自金山回阻冰効退之

陸渾山火句法

二年官楊猶一炊丞孽母害守不譏帝知無功呼  
返之具舟從江民不知道傍愚叟爲滄溟豈無愛  
人如爾爲我謝叟歸視汝兒風號鴻潦水澗陂水

塞川船不可移白蜺橫野光透迤寒威上射小日  
規旦行一里方午維十日繫野兒啼飢中無載盜  
過不窺官令十夫爲操椎耶許相力哀復疲我笑  
遣夫是安施霜不殺草聖所歆歲十一月水固宜  
逆天進亦不可幾爲兒搏餅兒安嬉寧三月暖猶  
流漸

澶守諫議韓濤禱雨有應

長蜺飲井井欲乾白鬮鳴窟淒風寒公馬未駕陰  
漫漫公婦溼幙濡旛霜刀不染鬣頸殷塗龍安  
享雩舞閑隰桑有沃柔可攀小麥青青大麥攢拜  
公起舞公顏歡明日空堦響夜闌屋漏不復愁衣  
單幘幪廣厦安如山

依韵和子充雜言

君不見東方朔避世金馬門侏儒倡郭同陸沈滑  
稽突梯意已淡不如孫登閉口逃蘇門身猶孤鳳  
無與隣心知嵇生未識真兒童讀書聞入孝遭時  
有用可以移於君孔子繫易辭尊乾而甲坤耦耕  
未足問禮則鳥獸固自羣荆榛孟嘗聲勢一旦消

歎冢上之牧良可悲苟爲貧賤不濟物身死泯然  
俱若茲聞君早慕棲竹林何忽作此悲來吟嚴君  
肥遯業討論少年宜自有異聞窮達俱性外學者  
所不陳惟勿枉道寧屈身豈欲行不由徑如滅明  
不然不欲乞醯於隣同微生白駒雖潔空谷難久  
將誰親當詩一篇差可人秋蘭麋蕪亭下生亦蕃  
夫人自有美子何足言採擷但慰吾愁魂吟詩作  
賦北窗詞更妍萬言不直一盃何足憐伊叻聊用  
窮吾年能來西疇清坐一榻橫長飢亦不轅釜云  
無羨荀卿論義榮逕庭大不近人情是非亦置之  
古人踽踽涼涼生何爲揚雄擇中庸反騷痛湘纍  
我今不見雄此心猶爲君子夷世間趣舍不同豈  
但羊棗餒陶潛自謂結廬人世無車馬喧心遠能  
爾安有鄭君其門如市亦能自謂我心如水

徑山

盤崖繞磴步步高僕痛馬乏游人勞五峰崛起干  
雲霄衆山奔走爭來朝我行直欲犯星杓意徹絕  
頂纔山腰松間鳥語如我招仰見白塔當林梢檐

攜上下若枯樺路窮飛樓鬱岩崑欽翁未來蔽菅  
茅山精木怪謹游傲磨馳虺竄往颺跳靈景晦昧  
何由昭忽然飛錫從江皋窮探不憚東峯遙曲腰  
丈人白絲袍再拜辭前風電飄三百年來響鍾鏡  
閩商海賈輸金刀直欄橫牖山周遭晨叅夜諷聲  
嘈嘈碧杉紫柏羅旌旄客來六月忘炎歊明月庵  
前醉松醪白雲峯頂瞰吳郊鷲毛一點錢塘潮錢  
王宮闕如累焦臨之股慄精魄超歸不得寐心搖  
搖合輝孤亭立曉峭此地覽景尤難逃五更月落  
禽嘲嘲陽鳥欲上海水燒晦明變化不終朝倏陰  
忽晴狀莫描夜闌燈青雨飄蕭偶坐兩客論幻泡  
探玄窟妙窺寂寥破除世事無絲毫不奈詩思猶  
彊豪歸時日沒紅霞消荒崖老木山蟬號

次韵太學宋學正遐叔考試小疾見寄

蕭然如裴叔則頰毛疎復長邈然如王夷甫高致  
宜廟廊功名四皓雲泉外詩賦三閭草木香君莫  
誇熙寧登科面玉雪只今未老鬢髮蒼不應彈琴  
酒鑪坐消渴還有禪病縛不忘相拋白社一歲長



浮我杜舉須十觴結交齊東李文叔自倚筆力窺  
班揚談經如市費雖黃水炭何用置我腸勝遊獨  
不思迎祥滄舟荷渚水中央

淮孺

淮孺日沒風卷沙黃昏飛雪如落花孤舟有客寒  
不飲欹枕關蓬夜憶家雪飛蓬底酒我額蓬隙虛  
明來曉色紙屏布被風颭颭驚起開蓬滿船白船  
頭雪重折黃蘆下有宿雁驚相呼天寒四野無行  
客凍臥孤舟愁盜賊厭聞淮浪打船聲原上風號  
天正黑土膏已動春陽來安得長風埽霧開豁然  
天外見白日為君挂席凌清淮

寄懷壽光主簿四叔父

我初就學首未冠叔父不以童兒看我今生年二  
十一叔父晚作東州官側身西望不得見淚下兩  
臉何汎瀾青春白日不照貧士屋使我四壁長年  
寒六年兩歲從進士晚學揚雄識難字貸錢乞米  
出都門鼓腹吹簾入吳市讀書擊劍老死終何爲  
古來慷慨無人知上有九重之青天下有百尺之

黃泥叔聲藏熱等雷火白楊蔓草秋風悲生亦不  
可料死亦不可量荆山長號別兩足何如船尾歌  
滄浪我不能鉤章抉句攀俊造又不能赤雞白狗  
追年少矯首翻腸無一言歸去吳松學漁釣主簿  
早官何所施秋來兩鬢應生絲阿宜已冠無成事  
猶憶它年冬至詩

叔麥呈王松齡秀才

晁莊寂莫依東山王莊負郭容往還東山刺薊淡  
一尺負郭家近饒盤餐穿鞋戴笠隨麥隴早日炎  
炎煙燎顏賤貧辛苦事當爾君屋鱗鱗三百間

花林示楊彭年秀才

花林遠望春陽浮卒然相值東山頭犢兒初乳毛  
物潤鴟子欲哺鳴聲柔一生會合盡天幸萬事反  
覆非人謀倒頭且擬醉千日相如渴病乾咽喉

莎雞食蝗

居貧得田不百畝天賜時雨苗氤氳遲明當熟晚  
未刈災蝗夜至如驚軍秋風吟茅雨洗瓦葉上穗  
落青紛紛常嫌莎雞聒麥隴紡車細掉喧晨昏莎

雞可憐爾吻利驅蝗逐蝻羣披分豈惟秋蟬畏蝗  
斧蝗亦為爾森跳奔天下災蝗凡幾郡安得爾輩  
盈千羣揚眉振羽如屯雲爾雖彊聒誰煩聞

題李侂推官頤齋

無捨靈龜觀朶頤自求口實君自知誰為此者君  
名之其說不煩求我詩君家嚴君業夔伊虎視耽  
耽雄四夷四方是維天子毗汶陽一室大澤陂我  
往受業拜門垂聞公一語洗然奇我歸睜若安可  
追君才固是麒麟兒幼讀父書壯息施不卑小官  
乃吾師況有內樂潛天倪荒城無人誰過之面城  
築室茲透迤去年秋雨河股移百草不生苔擁基  
蟻子綠礎蟻糞泥夜眠不穩憂為池今年閏早春  
氣遲牆根隙地稍可埤初植防風種黃耆萊州石  
鼎青琉璃地鑪宿火風鳴枝對君長語清未疲外  
輕內順生理宜問從何得聊我治平倉州夫子言  
可規麻田處士術安期今之崇丘歷九疑見人不  
語下臂馳遁逃乎陰食蛤梨君何儉囊不往隨與  
訪汗漫還無時還無時我何適北山之南南山北

荅趙滋主簿

我筇尋幽徑山上曾傍茗溪弄菱粲南臨天目指  
掌間隔嶺如聞笑言響年來清血斷征衣碧髮丹  
顏日夕非便欲相期煮白石與君晚入煙霞飛

飲城西贈金鄉宰韓宗恕

大夫盤中定州蓋三舉檐花舞凌亂請君行盞且  
莫稽為君起賦飲城西古道如澗淡東風吹  
沙不見林虛堂更覺野原闊榆柳浩浩波濤吟雜  
花一園來遠道兩株江南梅更好櫻桃已晚猶爛  
漫百株如雪聊可繞常時東風無此寒常時諸君  
無此閑且看瓶口似魚貫莫惜面文如纈斑大夫  
工為宋玉賦思不能涯字無數秀才酷類東野貧  
白屋青山愁曲身籍咸不肯羞北阮主簿高材即  
仇覽成詩午景已妍和罷洒花開應更多山翁歸  
不醉當奈峴山何

荅陳履常秀才謔贈

驅車觸熱中煩滿苦無蔗漿凍金盃陳君詩卷可  
洗心持作終朝晤言伴男兒三十四方身布衣不

化京洛塵白駒皎皎在空谷黃鳥睨睨鳴青春子  
桑之居十日雨人門不復聞人語形骸正是吹一  
映安用虛名齊后土文章初不用意成黼黻帝躬  
臨下民時花俚服請新巧牛馬安所辭吾名禹允  
幽奇行可疆江北江南正相望棄濤鼓柁何當往  
愛惜水仙桃竹杖不應越女三年畱相見還須未  
白頭蓬生知非苦不早巨擘夜半遺藏舟達人一  
言嚙矢疾相從琢磨悔去日菑莆正是可憐花我  
獨聞名不曾識

和王仲甫病暑

吳邦憚暑如蜂蠶河曲還遭長日曬蔗漿金盃賴  
蠲煩內託潛陰數爲敗黃昏乍快風吹髮驅拊蚊  
虻坐明發青衫主簿氣如雲茂陵無事悲消渴茫  
洋河伯何爲者兩涘無因辨牛馬何生狂夢涸婦  
墟喉舌湯湯未勞瀉能來一嗽華池津七椀清風  
立有神更尋齒下微妙訣遣君體適仍魂平案頭  
白紙如堆雪人事紛紛日將月與君未遇尤四時  
利害相磨生內熱

贈送澶州監酒稅劉銓殿直

頓丘淇水雄朔方官收權算資公藏晨朝百販羅  
庭堂望門逆鼻聞椒漿惜哉劉子氣方剛裝冠凜  
凜頤而揚丈夫有志固難量短袖不足供倡伴黃  
河七月鳴浮梁風埃瘦馬景山長劉子何之魏北  
鄉悲歌彈缺邀孟常馮驩一語驚齊王況如劉子  
足自彊讀書滿腹鉗爾吭鄴城埋寶夜則光士惟  
不用久乃彰不見將軍家平陽遭時有用名焜煌

和顏隨飲酒

樊山夜漲河鳴鼓奎火占中知溽暑顏闔居鄰胡  
子都共喜夏麋登宴俎叅軍河北主簿南騎馬相  
逢不相語市西老屋斷人居自覺天風生廣宇青  
菅席坐土階溼黃纒汲泉埽井古翩翩後至王將  
軍開口相投律呼呂丈夫得意吐然諾盃酒形骸  
安足數露頂張顛且勿憤起舞我能先衆客二豪  
禮法空是非一斗三盃眼方白中虛嘔冷腹橫絙  
汗嫺穉壤朝陽蒸沸然煩厭暫莫遏飲蛇不省疑  
吞繩稀苓卷桂導停飲兩日不咀公厨水長篇忽

聽鳳皇曲却似半嶺逢孫登君家鐙勺還應洗須  
我下床仍食美西池何似漢江長誰使蒲萄變新  
此醉捉蟹螯學五指吏部拍浮非在水抱琴寧復  
待招邀昨夜兩涼孤興起金丹定有換腸藥不用  
俗醫論表裏

歷沙觀梨

鄴城旁缺通清溝城南之水城中流白沙漲陸最  
宜果萬梨壓樹當高秋去年花開往獨晚不見瓊  
苞腸欲斷隆冬騎馬傍高原却恨枯枝寒日短忽  
然變化何處來一夜東風吹雪滿晴川極望百晦  
開三山銀闕正崔嵬雜花不容一朵間照眼冷豔  
雲爲堆堂中置酒對已好千葩萬蕊誰能繞暝景  
氤氳一片忙蝴蝶飛來落青草人間浩蕩看春光  
豈徒田獵心發狂向人慘澹迫歸興落日峴山催  
羽觴故園桃李春蹊沒惜哉拔去無奇術明日重  
尋儻可期暴雨流堦不能出

過金堤劉景文

雲間高堞如雲白草下淡濛如草碧逶迤隴斷出

平堤前見黃河如帶直官居乃在城西原荒臺古  
木烏鳥翻美人芳氣如秋菊坐令曠曠棄中園不  
憂洳澤豪不殺夜讖漢中龜鼈在借須走馬候水  
曹後時此會何由再霸陵往來初避名執賈不回  
人更驚無心躑躅路寢養服車安用仍一鳴未若  
捧甕何不可二豪螻蛉與螺贏况聞舉案良亦賢  
邨愛五花論酒錢不然慄慄坐歲晚風入衰柳催  
寒蟬我論李君其趣獨自喻愚公徙王屋是中聊  
可外形骸官閑方轡相與來

洳澤河源  
見山海經

送趙燮

趙侯慷慨諸公客少日論兵今髮白自言頗似韞  
上鷹老得一州聊鍛翻送行誰復雙眼青斷腸紅  
頰傾淥醺停歌自解水蒼佩醉騎紫燕黃河水

送石梁赴舉

鶴知半夜雞知旦歲晚淹留客心亂功名識時貴  
及早不忍飭牛衣至爵家居負米有季命能視明  
星弋鳧雁男兒業就可以行桃李榮時腰綬燦

濟北晁先生雞肋集卷第十一

濟北晁先生雞肋集目錄

第十二卷

古詩

送張緝子望太常簿

鄭彥能求擬江亭詩

贈楊景平

送吳黯赴闕

送陳逸之筠州

過劉季孫

贈段萬頃

次韵魯直謝李右丞送茶

與李文叔夜談

贈送張愈秀才

魯直復以詩送茶云願君飲此勿飲酒次

韵

次韵蘇公翰林贈同職鄧溫伯懷舊作

次韵文潛館中作

次韵太學黃博士冕仲同考試作

復用前韵贈祠部陳元興

復用前韵呈刑部杜丈君章

復用前韵再呈冕仲

送龍圖范文德孺帥慶

初與文潛入館魯直貽詩并茶硯次韵

同文潛館中韵贈蔡天啓

次韵魯直試院贈李伯時畫詩

喜文潛自淮南歸招飲西岡呈坐客

李成季得閩子常古琴作

濟北晁先生雞肋集目錄

終

濟北晁先生雞肋集卷第十二

古詩

送張緝子望太常簿

張侯於我丈人行十年江湖心鄉往平生獨立白雪曲少時妙譽青雲上胡爲四十尚飄蓬逢衣騎馬鄴城中將軍寶帳簪履肅開府畫筵簫鼓雄况復儒宮飽閑暇堂有叢書竹蕭洒論文不厭夜經過起看北斗插黃河相逢安得怨寂寞仲宣樓頭良可樂何當奇計出番禺未應長檄開印笮太常句稽亦不冗少卿淑問清時重俎豆之事則嘗聞男兒讀書業有用歸去天邊道路長東風春草滿池塘美人不來時晚晚誰與玩此林間芳

鄭彥能求擬江亭詩

亭下流泉三畝隘誰擬西江晴一派桃李佳名聞管人此言雖小可喻大寧非逐楚顛賴身當是羊裘傲漢人避世牆東王君公五經紛綸并大春端然養魚廢車馬一身環堵觀天下吾人鄭子詩句新高堂素壁開蕭洒何當湛湛見青楓白蘋落日

慰相逢一亭兩檻更何有波濤風雨船前後莫憶棄槎犯漢津莫憶樓船下石城盡醉漁陽無好曲短蓑銅斗平生足

贈楊景平

君不見華陰楊君漢孔子君生其後無乃似平居恐懼西北隅力行發憤尚不媿君今鳴櫓下長淮眼明清曉三楚開揚州行矣勿濡滯江南細雨收黃梅我今正是鳥折翼肺病三年廣文直咎時黃帽榜舟人却向西湖當不識寄聲關子老漁樵小山桂樹不須招棄槎東海未敢必欲去天台觀石橋

送吳黯赴闕

我初官此君未來君今去此我未往翫飛豈不慕緬邈畱滯何能悲執掌學道平生昧蹊徑半世端如走榛莽古人曾病田甫田切磋安可去吾黨東風消雪送鴻雁南國連山生篠簜爲當歸夢五湖中會有高名百寮上

送陳逸之筠州

居貧百草春，霍靡製作舞。雩春服，美愛君欲贈。華  
鞞鞞，思君何處無芳卉。三年眼花，祇欲眠驚夢。往  
往音，覺然單金安所用。吾技術成，正復遷劉累。不  
狩何由有，貍特錢。鑄須勤，晚方積。呻吟表氏日，已  
多恩流。三族功比河，告行風雨春。物空催花作，果  
黍芄芄亦從梁。汴卽清潁，湛湛已見江頭。楓嚴君  
被命分符虎，斧者無襦。今五稔未勞，負米迂山川。  
姑弟酒中從聖賢。一作奉甘未用君力  
田君弟酒中從聖賢

過劉季孫

劉侯歲覆春堤料，居不曾閑須我勞。未嫌清濁各  
有攜，匪報瓊瑤以爲好。吏訶單絃自可更兒笑，接  
離從復倒爲憐。徒步此青袍，重憶歸來著黃帽。官  
忙未向林野疎，時清不廢詩書傲。梨花如雪許重  
尋，秋實垂牆晚方到。

贈段萬頃

美人窈窕家南國，可與副筭親黍稷。平生寂寞鳳  
將雛，慙愧木桃猶報壁。石城三漿爲誰催，萬里清  
江凌不測。王門酒肉傲勝詭，豈有鄒陽仍下客。危

詞欲洗大夫，寃千載。獨懷吾祖賢，不量腹小文籍。  
博頗似井，峴輕飲川。丈夫趣舍無南北，情親非爲  
牆。屋連子真，正用臥谷口。乃有高名，誼日邊胸中。  
傀磊契何所，自笑柴愚得參魯。借令好問忘足，爾  
狐腋豈堪黃犬補。吾身櫟社真，寄耳趣取無用安。  
足數無心俎，几甌盤辱拳。曲不差人厭，覩土山出  
火石爲融。羲和當午車，隆隆通渠東。帶過者寡，乃  
獨葛巾終日同。傾困倒廩用餉我，我爲牙羽陳編  
鍾蟬聲入耳，廩節改別我整驂。無愧容。

次韵魯直謝李右丞送茶

都城米貴斗論壁，長飢茗椀無從識。道和何暇索  
檳榔，慙媿雲龍羞肉食。經源萬晦不作欄，上春伐  
鼓驚山顏。題封進御官，有局夜行初不更。驛宿冰  
融太液俱未知，寒食新苞隨賜燭。建安一水去兩  
水，易較豈如涇與渭。右丞分送天上餘，我試比方  
良。有似月團清潤珍，篆羊葵花瑣細胃與腸。可憐  
賦罷羣玉晚，寧憶睡餘雙井香。大勝膠西蘇太守，  
茶湯不美誇薄酒。

與李文叔夜談

中庭老柏霜雪裏北風烈烈偏激耳誦詩夜半舌  
入喉飲我樽中淥醅美升堂辭翰愧非有何異還  
家數其齒文章萬古猶一魚乙丙誰能辨腸尾更  
慙頗似會稽康欲語常遭士瑤梃廣陵八月未足  
言曾使醲醑忽然起安得譚如子枚子

贈送張愈秀才

秋水幽幽濟河道君挂蒲帆若飛鳥西風黃葉滯  
公車雞黍從君懷故廬男兒自有四方志世上相  
期獨榮利簪時馬周徒步動天子君今有用當如  
此

魯直復以詩送茶云願君飲此勿飲酒次韵

相茶真似石韞壁至精那可皮膚識溪芽不給萬  
口須往往山毛俱入食雲龍正用餉近班乞與鹿  
官誠覩頗崇朝一盤坐官局申旦形清不成宿平  
生樂此臭味同故人貽我情相燭黃侯發軔日千  
里天育收駒自汧渭車聲出鼎細九盤如此佳句  
誰能似遣試齊民蟹眼湯扶起醉頭湔腐腸頗類

它時玉川子破鼻竹林風送香吾儕幽事動不朽  
但讀離騷可無酒

次韵蘇公翰林贈同職鄧溫伯懷舊作

雪堂蜜酒花作醅教蜂使釀花自栽堂前雪落蜂  
正蟄恨蜂不采西山梅漫浪飲處空有跡無酒可  
沃胸崔嵬不知幾喚樊口渡五見新曆須清臺鄧  
公簪歎不可挽素衣未化京雒埃山中相邀阻箬  
杖天上對直同金鑿只今江邊春更好漁蓑不曬  
懸牆隈百年變化誰得料劍光自出豐城苔老儒  
經濟國勢定近臣獻納天顏開蜀公亭上別公處  
花柳未逐東風摧尚容登堂譚落屑不媿索米腸  
鳴雷因知流落本天命何必挽引須時來九關沈  
沈虎豹靜無復極目江楓哀

次韵文潛館中作

蓬山前臨九軌路三日街晴案吹土直廬鑿牖面  
宮垣青壁嶄嶄看垂雨殿閣風斜碧瓦寒翅溼蒼  
鳶不能乳却思窟巷亦可言一掃蚊虻通管苦鬱  
蒸書課未須忙午漏傳休聽天語

傳宣暑伏午平  
後罷投簪



生豪氣對樽酒山雞見鏡猶能舞城南寺近晚堪  
過笙歌涼月聞千戶但憂伏日細君須割肉無絲  
待婦組

次韵太學黃博士冕仲同考試作

日邊傳詔天街算草草西城車馬聚官曹一見故  
情親宴語識君心志古成安長孺澶淵守替君羈  
游所爲主我窮亦號成安客文采初無君一縷

冕仲俱爲韓  
澶州靖之客胸中萬頃復誰同正有君家賢叔度

官事留人何執掌廣文楊柳花飛戶好書老未置

鈎繫學經晚始羞草句窠槎况自風格有病輦邨

可形容慕成詩莫憚繼日傳青聽御史呼歸去

復用前韵贈祠部陳元興

行樂會聞戒遲算人生波上飛鳧聚蘭亭往事如  
過雨山陰脩竹空千古陳侯揮翰少年時三賦聲  
名動人主可是高才棄繩矩自然采繡非針縷五  
十天南把一麾猶得無孺歌叔度邂逅西城築冶  
墟王官繼日車連戶自言春晚洞庭歸日落江南  
得佳句傾蓋何妨許如故執鞭况是平生慕但憂

筆陳困攻堅儻許尋盟解圍去

復用前韵呈刑部杜丈君章

杜侯灑墨春雲暮紛紛滿紙棲鴉聚文章不犯世  
故鋒牛鬼荒虛瓦棺古平生傀磊寧獨此躋俗唐  
虞要遭主先君諸父盡金蘭申以婚姻况覩縷勞  
心吏卷官有程得意朋尊美無度尚憶花妍春仲  
時休沐黃昏來叩戶苦憐蟾桂將十分欲贈海棠  
無一句巷南巷北相遇稀而此從公慰懷慕安石  
榴紅儻可期公不來過我當去

復用前韵再呈博士黃冕仲

龍津之北雙溪鶩逶迤勢入龍津聚龍歸何處牛  
斗閑劍不可求江海古慘澹猶思八百年變化豈  
無神物主何當旋施入齋淪儻可焚犀照毛縷登  
樓邨有北客同把酒但看南雁度更邀桃葉遠臨  
水正值荔枝紅照戶入梁一曳鄒陽裾思越屢吟  
莊烏句竹林觴詠當日情峴山名姓它特慕一聞  
說盡青鞵游令我蔡風欲仙去

送龍圖范丈德孺帥慶

君不見先君往在康定中奉詔經略河西戎大順  
 胡蘆盡耕稼賊書不到秦關東邊人咸識侍中子  
 至今猶說將軍似給事文武龍圖賢大馮小馮安  
 足言紹年書傳有肝膽二十起家車檻檻蛟龍雲  
 雨時可用麒麟圖畫功非晚况聞馳傳厭山谷頃  
 時河隴嚴飛輓朝廷屬休爾會兵秦人倚慶為長  
 城時平斥候正須遠軍閑畱田未宜輕東風浩浩  
 吹榆柳相勸西城古原酒班春曷不問遺老先公  
 遠謀尚多有女郎山下萬貔貅部曲肥馬身輕裘  
 比曹賞賜飽無用談話豈得希封侯趙邊今日須  
 李牧士無超距姑食肉

初與文潛入館魯直貽詩并茶硯次韵

黃侯閱世如傳郵自言何預風馬牛草經不下天  
 祿閣詩入雞林海上海兼陳九鼎燦玉鉉竝綴五  
 晁森珠旒後來傀磊有張子姓名竝向紫府収青  
 春一篇更奇麗勢到屈宋何秋秋洮州石貴雙趙  
 璧漢水鴨頭如此色贈酬不鄙亦及我刻畫無鹽  
 譽傾國月團聊試金井漪排遣滯思無立錐乘風

良自與不淺愁報孟侯無好詩

用文潛館中韵贈蔡學正天啓

蔡侯飽學困千釜濯足清江起南土立談頗似燕  
 客豪快奪范睢如墜雨東城禽羽未足言柏直何  
 為口方乳蔣侯山中伴香火三年不厭長齋苦平  
 生傀落有誰同要得張侯三日語晝閑那自運甕  
 忙時清不用聞雞舞桓榮歡喜見車馬書冊辛勤  
 立門戶自當食肉似班超猛虎何嘗窺案俎

次韵魯直試院贈奉議李伯時畫詩

東房攜卷繞幕行西房卷作墮地聲紙山間出筆  
 陣橫李侯畫若禪眼透觀魚玄沙骨竦瘦舟中淵  
 明細若豆婦心祇愛玉花驄不須棘針學癡翁惱  
 渠愁作肩鬪紅

數物伯時試院所作

喜文潛自淮南歸招飲西岡呈坐客

春回三楚水生漪銀臺春夢歸心馳莫言上水百  
 丈苦淮渚東風一月期都城經春雪蔽地百花不  
 放須君至清晨一紙國門書走馬蓬壺下直初保  
 康橋頭燈照夜我馬鳴嘶向君馬得君豈但官局

同上鄰况近南城下文詞翊善知名久丈人令德

于公後同年廖季芸省郎吳門隱尉身姓張平時

花發值此客隨分東牆有春色宮壺賜酒玉流卮

請君但作畱春詩人生身外安所知為君借舞杜

廷尉對花有酒卮不醉

李成季得閻子常古琴作

咎人流水高山手此意寧從絃上有閻侯卷舌臥

閻里意向是中畱不朽似聞綠綺置床頭暑雨東

城無麥秋趙傳和氏齋五日吳得湛盧當兩州李

侯得意誇題柱成詩欲使邀諸路自有桓山石室

彈溪屋時聞繭抽緒無琴尚可何獨絃要識精微

非度數人生有累無非失我欲心灰木為質懶從

嶽的自疑塵老向詩書逾愛日自言結習久難除

猶理斷編尋止息焦城卜築近連軫歸約閻侯亦

蕭瑟舊聞君祖課木奴試買瑕丘百株粟

濟北晁先生雞肋集卷第十二

濟北晁先生雞肋集目錄

第十三卷

古詩

同魯直文潛飲刑部杜君章家次封丘杜

觀仲韶

次韵校書孔彥常校資治通鑑作

次韵蘇翰林廐馬好頭赤

送劉景文兩浙西路都監余舊與劉同官北門

送直閣杜君章守齊

次韵文潛瞻啓聖院旃檀像

送外舅杜侍御自徐州移使陝西

次韵文潛憶楊翰林元素家淮上夜飲作

贈麻田山人吳子野

送北京學生曹慈明之京師

東坡先生移守廣陵以詩往迎先生以淮

南早書中教虎頭祈雨法始走諸祠卽

得甘澤因為賀

至日同文潛舍人飲錢京兆穆父龍圖家

送李端叔從定州先生辟

和文潛期飲穆父家兼呈穆父

和東坡先生梅花三首

和王定國二首

次韻蘇門下寄題雪浪石

次韻和趙令僉防禦春日感懷

次韻和文潛真春卽事

用谷字韵荅提刑孔毅父治河橋

次韵孔毅父種花因送海棠廳三大字求

茶

再用治橋韵奉送毅父按部將行

齊北晁先生雞肋集目錄

終

齊北晁先生雞肋集卷第十三

古詩

同魯直文潛飲刑部杜君章家次封丘杜觀

仲韵

廷尉風流才絕塵最憐高髻歌陽春兩鬢亦解倚

瑟語催送花前紅袖舞黃張翰墨海内名席上生

風清夏宇封丘自倚筆勢豪不怕當筵賦鸚鵡對

酒含情古所憐樂事幾時如過兩阮公鑪邊不擬

歸陸郎班騅無用嘶長燈照出簾幙外缺月墮落

藩牆西斗酒雙魚何足貴李侯氣許山東吏正須

新麵雜青槐千里紫尊江上來長船刻玉流霞動

快引不須帆檣送自作新詞碧牡丹箸擊盃翻釵

墜鳳芍藥佳名聞管人滿插不辭婦帽重倒床任

作鼻鳴雷屋上啼烏還喚夢

次韵校書孔彥常校資治通鑑作

羣公愛我邀我居平生文舉情豈疎鈞陳玄武在

北極上帝之府森圖書趙韓魏降顯德尾司馬碑

媽世良史其人不見其言在青草生原歲陽止吾

君好學由生知成湯得尹方有爲應合它年尹躬  
學書成泣像麒麟閣

次韵蘇翰林廐馬好頭赤

君不見崑崙龍種非凡肉不但蹄高耳批竹區區  
吳蜀有二駿跳過斷橋飛出谷萬蹄縱牧原野赤  
汧隴收駒日復日未須天廐驚好頭冀北未空聊  
一歷

送劉景文兩浙西路都監余舊與劉同官北門

劉侯八尺力如虎遣守黃河千里堤閉門寒郊似  
淡隱蟲響秋巷牆懸黎我官北門四換歲訪飲屢  
過城濠西雁飛不到建章闕欲往何異車無輓詩  
篇驚人衆側耳蚤有高譽無甲栖詔綏兵馬吳八  
郡畫船下汴光生蛻西湖靈隱天下冠幽人釋子  
多招提松林竹塢我行地拂拭定有塵埃題山堂  
清酒小泥赤吳歌白紵雙蛾低少年放意入雲水  
只今塊坐愁冠笄君行日夜向佳景洞庭霜落羞  
鯛鯨莫誇能餽便鞍馬闔琛海賈通蠻谿時平游  
宦行樂耳屬有佳客須頻攜明年我亦丐一邑扁

舟江上隨兒翳

送直閣杜君章守齊

杜公文史不讀律平反世稱徐有功官爲列御位  
亦顯臯陶事與禮樂同書生骯髒笑法令弦歌不  
媿陵陂中衆賢和豫治乃舉但願主聖朝廷公白  
頭典投漢天祿未煩載酒如揚雄自言臣老應報  
國五馬便去如飛鴻京東耳聞事可數似說振貸  
倉儲空裕民誠患力不足措國豈與民俱窮才難  
所要遇事了仁厚未免無能蒙囊中食玉百未試  
千越在匣光生虹却嗟鉛槧坐棄日伊我何補羞  
兒童力能如虎安敢爾鬢毛幸未成老翁亦息一  
郡効尺寸官卑未許伸喉嚨飽知世事祇坐嘯又  
看馬鬣吹西風平生放意在雲水落身塵土禽閉  
籠經時無酒對佳客借與歌舞開心胸公行猫曼  
戴雙舸誰與客勸琉璃鍾

次韵文潛瞻啓聖院梅檀像  
至人如幻千億身若以色觀皆世人大千初自一  
漚發變化誰能知本因移天宮殿著人世斷取無

異陶家輪當年紫磨已殊勝後來浮海亦有神緬  
懷此地初啓聖真人繼出天下春莊嚴事祕理莫  
測萬世鎮守無陳新寶坊千柱衆八百衣食隨念  
何由貧天寒急景過駒隙坐穩不去同鷓鴣歸來  
想像發光影一洗百慮無餘塵

送外舅杜侍御使陝西自徐州移作

建隆以來論人物得士與古相低昂人才歷數仁  
祖世後生崑瑣無復望老成寂寞典刑在杜公玉  
立映班行少時學問聖賢說松柏歲寒觀老節得  
官烏府不須臾正色空聞動帷閫鏐金衆口未必  
然天與名城慰蕭屑王師項縛山西酋朝廷却懷  
西顧憂涼州旄鉞何足恃歧隴須公勤傳郵平生  
經國有雅意棄流得坎惟所值作官施設要近民  
金馬嚴徐等兒戲詔書寬大人樂生吏安爲菑威  
不行金城邨可無粟守堯舜與民寧並耕茶鹽資  
國何必古俗儒徇名不知務精神折衝在本疆要  
以雍容在蒼遽知無不爲公自期豈弟君子神所  
私泰山渭水照車馬屬城列縣觀威儀此行屬任

良不惡金魚新佩明光輝誰言直諫居內少淮南  
盜鑄煩撫綏時平王度日金玉歲晚汲公還見思  
次韵文潛憶楊翰林元素家淮上夜飲作

老人得坐安若山畏寒縮頸衣裘間不如公子擁  
樽酒詩材春亂詞濤翻想見楊家美人出玉面朱  
脣映琴瑟水舩著炬光照淮雪亂風筵飲方逸只  
今愁坐私自憐寒書凍硯塵滿前人生何者非昨  
夢還如歸去散花天老人已復形槁木真幻椰知  
然不然蚓鳴小鼎藜羹熟閉眼圓蒲不是禪

贈麻田山人吳子野余見待制李公誠之於汶上蘇密州在焉始聞

子野名

汶陽我咎見蘇李人言吳子歸未幾長嘯春風大  
澤西却望麻田山萬里不逢鄭老溪上翁欲致朱  
公路傍米今年窟巷絲生髮馬尾吹風化衣袷定  
知赤鯉驚波濤何意黃冠驚僕妾琅函萬過陰魄  
悲心無丹白鱸生兒山中種芝豈無侶成都醉眠  
未當去願從王烈或見呼試訪孫登竟無語棄家  
內愧非此流此身天地一虛舟未應齒豁塵埃裏

乞與青精救白頭

送北京學生曹慈明秀才之京師

魏武子孫今寂寞唐來只有畫將軍鄴城初見黃  
須面尚喜登堂詞若雲乃公白首圖籍裏小心恐  
懼教其子文章錦心仍繡腑屠龍殫家安用許半  
年繫船康海門官忙不共持一樽岡頭梨花吹散  
盡淮口汴流來正渾鄙夫日欲向吳越官滿一封  
飛魏闕著書虎觀未敢言蔽身蟬葉真癡絕

東坡先生移守廣陵以詩往迎先生以淮南

早書中教虎頭祈雨法始走諸祠卽得甘澤

因爲賀

去年使君道廣陵吾州空市看雙旌今年吾州歡  
一口使君來爲廣陵守麥如櫛髮稻立錐使君憂  
民如已飢似聞維舟禱靈塔如絲氣上淮西雁隨  
軒膏澤人所待風伯何知亦前戒虎頭未用沈滄  
江龍尾先看掛清海爲霖功業在傳巖如何白首  
擁形幘世上讒夫亂紅紫天教仁政滿東南青袍  
門人老州佐于世無成志消情封章去國人恨公

醉笑從公神許我瓊花芍藥豈易逢如淮之酒良  
不空一醵孤鴻煙雨曲平山堂上快哉風

至日同文潛舍人飲錢京兆穆父家

大尹孤標琢崑玉舍人骨相飛食肉弊裘羸馬愧  
我寒喚飲東齋散膚粟少時獨識孔文舉不交餘  
子平生足尹門如市立相躡尹心如水清可掬鄰  
無惡少歸醉臥不遣長鬚訟騎屋閉門不出三日  
雪冷坐西軒花眩目未妨詩句敵青春痛飲何由  
髮還綠

送李端叔從定州先生辟

中山老帥巖廊姿不用猶作諸侯師毛錐變化有  
風雨餘事亦足疲羣兒龍門爭鶩貨趨肆求貨安  
知於此市百年用舍我何有一語重輕人取是李  
君懷璞世又嗤世人不實公收之乃知士固伸所  
知黃金鑄作鍾子期不如晏子共一時時平關鍵  
一臂持於何用此賓主爲鞭長未可施馬腹要以  
高名譽殊俗應戴接羸攜高齋笑談過市人隘坊  
勿憶平山如峴首它日我名同不朽有年公咎但

吟詩無事君今姑飲酒只憂我似蠹書魚無復驥  
首鳴鹽車一麾儻許從方伯要著韎韐親丈席登  
臨相與看劉公長嘯犬羊空漠北

和文潛期飲大尹穆父家兼呈尹

野人骯髒無與鄰世人共笑子獨親沛然有餘不  
矜飾我亦謂子誠可人萬魚噉喙困復却看子撇  
挾黃金鱗人甘如醴飲者醉我獨蜚口如薑辛淮  
南歸來兩鬢雪閉門自不羞骯塵無衣可換江頭  
醉有誰肯載樽中醇愧慙救渴京兆尹空缸尚可  
供十巡放言與子一傾倒非子畏人嫌我真府中  
貴人玉比德堂下和氣天回春醉人多忤貴人怒  
來呼莫憚衝泥頻

和東坡先生梅花三首

霜晴十月玉溪村見梅開早客迷魂山阿若有人  
舍踰跋望不到霜煙昏東西野寺通兩徑上下竹  
籬開一園落身趨蘖盆盎裏晨坐對花無酒溫婦  
來山月照玉蕊一盃徑臥東方噉羅浮幽夢入仙  
窟有屨亦滿先生門欣然得句荔支浦妙絕不似

人間言詩成莫歎形對影尚可邀月成三樽  
幽閑合出昭君村芳潔恐是三閭魂無人嶺上更  
儼好不與俗花名合昏蒼官森出劔珮列甲夫密  
裏旗槍圍數株臨水欲仙去一笑向人如玉溫火  
維草木百名字十月不冷常炎噉同心紫蒂宜上  
苑啄人虎豹司九門借令驛使能遠致要比桃李  
終無言豈惟千里共明月亦可千里同芳樽

梅花落盡上饒村腸斷子規啼月魂慰人獨有白  
玉蕊不到窗前只醉昏坐鑪環甕不舉首浮花浪  
蕊空滿園海山有客心似水揮塵自散炎洲溫松  
風亭下亦如夢不見枝雪流初噉孫登一絃百韻  
足有山便足同蘇門似聞對客但長嘯獨謂此花  
終日言一篇尚可三致志聽人酌去如衢樽

和王定國二首

可憐好月如好人我欲招之入窗戶人言明日當  
大暑君看繁星如萬柱想君映月讀書時清似列  
仙臞不肥我正甘眠愁日出朝騎一馬昇還歸  
還朝便與山水疎只有此月隨吾居莫論人隔十



日面猶勝犬傳千里書清虛有物濯煩暑藤床對  
月如對雨賦成鴻雁入周詩未覺宣王似吾主

次韵蘇門下寄題雪浪石

居庸滅烽惟畱屯時平更覺將軍尊鈴齋看雪擁  
衲坐急鼓又報邊城昏百壺高宴黎粟圃千里未  
盡桑麻村天憐公老無以樂一星飛墮從天門得  
無遺履穀城化恐是喫草金華魂不然荆棘霜露  
底兀然奇怪來無根女媧擣鍊所遺棄奔濼尚有  
河漢痕豈其謀國坐不用聊以永日寧復論跳梁  
不憂牧竝塞綏納可使魚游盆公歸廊廟誰得挽  
此石萬古當長存

次韵和趙令僉防禦春日感懷

春旌雪消龜兆坼凍柳冰蒲俱好色走馬城東眼  
乍驚可憐前日非今日結交從古天地間百年誰  
見一人間王城塵土化衣袷五鼓驅車休夜闌况  
我崎嶇二子子聖恩釋累從甌蠻雄豪久鍛酒量  
窄更懦新長詩辭慳王孫物外有高興數攜王趙  
兩紅顏上書自去千牛衛挂席欲過三神山灰餘

方烈竈下響霧廓初見岩中斑醉吟誰共可憐春  
江南太守舊詩人賡酬不減笙磬蒼秀發更爲煙  
霞新萬卷藏書韋杜曲憶子陳詩一言足得意鱸  
魚故未饜多情桃李應相逐努力閒平盛世名婦  
及春風雙鬢綠

次韵和文潛算春卽事

南歸見君百事足如何一官曾不閑寒衝雪泥暑  
郭日老面只今如繡斑憐君與我自同調久溼不  
食猶寒泉功名櫟社直寄耳顏色不同誰後先黑  
牛白犢未渠怪物理儻自相回旋愛君此語亦不  
出勝處紫芝詹宇間飲中八人半寂莫最豪焦遂  
今誰班凝祥池上舊游處海棠亦恐非管年春波  
一眼詩句好兩腋尚覺風翩翩投閑方轡政可勉  
何用不飲空三歎

用谷字韵荅提刑毅父治河橋

兩堤馬頭高作山兩津車路滾成谷截川天矯竄  
虹背排浪參差動蛟足七牛蹴河猶怒目一牛從  
能<sub>平</sub>往不復借牛使河此聖時強飲不須求馬玉

次韵孔毅父種花因送海棠廳三大字求茶

東園老槐春不發舉頭只見中條雪江梅去國亦

悽然一萼聊堪映庭月未信河灘宜海棠十株立

致非所望為君大字書堂榜報我匾中越焙香

再用治橋韵奉送毅夫按部將行

降羌當有甲齊山叛虜應無馬量谷莫憂斗米千

錢貴自可航河一葦足繡衣不但捕羣偷赦書蠲

租亡者復知君勞倦神亦充白髮何妨面如玉

濟北晁先生雞肋集目錄

第十四卷

古詩

再用發字韵謝毅父送茶

贈常州感慈邦長老大通門人

及第東歸將赴調寄季成季

復用前韵答明略并呈魯直

復用前韵答魯直并呈明略

復用前韵并答魯直明略且道見招不能

往

復用前韵答唐公唐公有一日紙貴傳都

城之句且訟其不知我也并呈魯直成

季明略

復答唐公并呈魯直成季明略

復用前韵呈明略

家池雨中二首

再用韵和陳伯比二首

用寄成季韵呈魯直

濟北晁先生雞肋集卷第十三

復用前韵遣懷呈魯直唐公成季明略

復用前韵荅十五叔父任城相會見和詩

任城有李白舊游處錄於詩中

聞文潛出試縣約毅父尋春

次韵唐美述志

湯村逢陳安性

過熊耳山

送公為之淮南

即事呈閔中順之二年兄二首

順之將攜室行而苦雨用前韵戲之

飲謝公輔家

以蒼陵谷引水記呈毅父惠詩次韵

春雪監中即事二首

晚春二首

示張仲原秀才二首

村居即事

夏夜雨意

蒲萄

謾成呈文潛五首

試院中秋

直廬聯句

濟北晁先生雞肋集目錄

終

濟北晁先生雞肋集卷第十四

古詩

再用發字韵謝毅父送茶

開門覩維不敢發滯思靈胸須漂雪煩君初試一  
槍旗救我將曠半輪月不應種木便甘棠清風自  
是萬夫望未須棄此蓬萊去明日論詩齒頰香

贈常州感慈邦長老

大通門人

君不見大通方丈空無物亦不拈椎并豎拂本原  
自性未出喉已向頂門遭一咄感慈神駿渥注流  
壁上高僧莫遣酬霹靂一聲龍破柱此中何處有  
裴休

及第東歸將赴調寄李成季

先輩觀濤滄海口長嘯橫槎拂牛斗野人醉著夢  
游天九門歷盡驚復還嘈嘈廣樂猶盈耳出門依  
舊重人間不知先輩今何往仙標玉骨天應賞千  
里東歸草景清桑麻暗地日銜城黃金宮闕初回  
望青草恩袍偶自榮歸來澣濯親甘旨却歎京塵  
誤遊子家人餽黍慰辛勤鄰媪壺漿佐歡喜君不

見馮驩一劍星闌干短歌慷慨不堪彈男兒得意  
貴穎脫功名有分勞躋攀折腰正爲五斗米得飽  
約君尋故山

復用前韵荅明略并呈魯直

廖君憤世談刺口人言寧食蕙三斗軒然羈鼻頤  
隱肩日日醉市驅驢還我初目病視髣髴君有  
異大人間新豐兩行惜不上竹林風來虛自賞俯  
頭落筆千人驚一戰取齊餘兩城田生龍甲賴東  
葦詭勝尾熱安知榮盈盈府中誰憐此爲君愧慙  
黃夫子論功欲識非戰罪試使啗嚙走揚喜君不  
見方朔高才良獨難割肉要令生自彈北軍給食  
誰致爾羊求平笞安能攀偶然捧檄忽擲板曷自  
知還雲出山

復用前韵荅魯直并呈明略

黃子人談不容口豈與常人計升斗文章屈宋中  
阻艱子欲一身追使還離騷慄慄悲草木幽音細  
出芒絲間陽春絕句自雲上折楊何煩嗑然賞橫  
經高辯一室驚乍似遠人迷廣城隔河相和獨許

我枯枿亦有條之榮廖君不但西南美誰見今人  
如是子多髯府掾正可龍蠻語參軍寧素喜君不  
見古來皆醉餽糟難沐浴何須仍振彈斲冰無處  
用蘭拽芙蓉木未安能攀只無相報青玉案自有  
平子愁關山

復用前韵并荅魯直明略且道見招不能往  
銅斗承糟醉張口口和漁陽拍銅斗去年拋却青  
竹竿女類婢媛呼我還我初不解世中語淡面邨  
久王侯間未須頭出千人要廖君黃子賞竹  
林清風前日生豫章冥冥雲擁城二人不來草木  
長帶缺陸離誰與榮步行奪馬從此起談笑封侯  
誰氏子平生不識笳鼓悲虛讀君詩舍然喜君不  
見大賢遠抱與俗難何須酒盤柔指鳴哀彈二人  
高韵已廖廓黃鵠之飛邨得攀繩橋可度見可喜  
家貧馬骨高三山

復用前韵荅唐公唐公有一日紙貴傳都城  
之句且訟其不知我也并呈魯直成季明略  
諸公辭壯懸河口墜落紛紛珠百斗井陘耐戰我

已慳赤幟忽立無由還唐公斷後不容北腹背未  
殊秦宛間明光侯印懸天上下有死夫緣重賞書  
生懦志安足驚饑死索米長安城獻君賜帛等優  
笑覆醬未知傳紙榮泮宮先生誠國士可是同年  
予二子雜吟未減聽匏竹能使寤愁發孤喜君不  
見新聲欲至舊聲難十指勞君千萬彈平生不遇  
感知已過此身外誰能攀它年常侍幸見訪不因  
豆落悲南山

復荅唐公并呈魯直成季明略

窮邦無以餽吾口歲歲荒山收橡斗商歌白石不  
勝寒非爲荊州三往還天下無人知我意得君相  
合一言間三書丞相何煩上再見客卿寧用賞願  
聞關中季布名何得此聲梁楚城論心四子誰許  
我百金一諾茲爲榮唐公才非今世士不見聖人  
見君子我今正似逃虛空聞人寔然已心喜君不  
見玉川月蝕詩律難不獨蝦蟇遭罵彈憑陵百怪  
付公等青天蜀道寧容攀它時鄒湛名亦好常在  
我知因峴山

復用前韵呈明略

茅焦逆許磨虎口何似淳于飲一斗終軍棄傳驚  
 漢關何似富春投組還天下同心乖出處豈徒黃  
 白馬毛間鄙夫紛紛煩舛望負日可堪希國賞竹  
 林居士亦何營江花無限老江城那知橋上駟馬  
 寵能作山間蕙帳榮典國寺中四月尾海棠雪落  
 生紅子呼門日午醉不磨昨夜君恩賜聞喜君不  
 見卒然佳會高歡難幸值野王聊一彈人生歧路  
 易南北明發雲散何由攀知君未試餐玉法我亦  
 欲返焦城山

家池雨中二首

小池初鑿新得雨一部鼓吹從何來有蟾正碧亂  
 草色時出汨沒西南隈并榦跳梁百不少洞庭魚  
 龍何有哉能歌得勝莫入月涼夜與爾俱忘回  
 不作太白夢日邊還同樂天賦池上池上今年有  
 荷葉細雨游魚噉輕浪教兒讀易不應舉幽人一  
 父吾得尚此池便可當長江欲榜茅齋來蕩滌

再用韵和陳伯比二首

田里馮生寧屑去湖海陳卿時肯來詩書好在  
 四壁蒲柳翕然城一隈騎上下山益疎矣儻從容  
 出何樂哉市橋十步即塵土晚雨蕭蕭殊未回  
 築臺危可瞰垆牧朝來小雨猶十上雖無峻嶺有  
 脩竹不減山陰同放浪青門正爾堪邵平雲中何  
 必須魏尚小池更廣勿近牆畏與濁渠同混流

有渠通舟

用奇成季韵呈魯直

懷英名高長史口獨以一人當北斗黃公崛起與  
 之班奄有斯名唐以還文章破觚賴聖世筆墨未  
 逃蹊徑間湖州太守諸儒長可獨進賢無上賞會  
 語黃公四坐驚競吟佳句汶陽城丁巳年余謁蘇州於汶上座  
 中為余誦魯直詩飲茶未勝薄酒傾若人所辱伊人榮鳳  
 兮德衰衆鳥恥陳蔡不憂顏氏子窮吟百軸傳未  
 已短髮頻搔為君喜君不見富貴及時行樂難雖  
 無趙女有秦彈夢中自古不識路月在雲際勞梯  
 攀何時半嶺聞清嘯相值蘇門百尺山

復用前韵遣懷呈魯直唐公成季明略

涇水爲渠食萬口一石論功泥數斗嗟涇獨不似  
涇閑安流赴海又西還天下梗柁盡隆棟何如櫟  
社不材間無能飽食猶天上巧智憂勞緣利賞我  
無懋功突厥名橫身爲國作長城又非石堡將軍  
勅帶刀奪取紫袍榮世上此身愚莫比霧縠翻懸  
漢童子壯心雖欲彊自挽晁足元慳續非喜君不  
見西京對策濟時難羞死王嬌馬上彈時平鳥雀  
須食爾鴻羽可用高難攀從今識路窘捷徑求我  
莫傍終南山

復用前韵荅十五叔父任城相會見和詩任  
城有李白舊游處錄於詩中

太華玉蓮甘適口我欲求之青壁斗崑崙不覩覩  
大宛何異學射中涂還平生傲世予南阮臧否未  
容畱齒間七賢遠跡冥鴻上咸也復幸青雲賞歸  
來濁酒厭獨傾疲馬却走諸任城紅桃白李晚寂  
莫黃菊獨暴秋陽榮謫仙酒樓餘舊址明月年年  
飄桂子不見山東故小吏斗酒雙魚誰共喜慟哭  
窮涂自古難不應更待雍門彈瓜田今歲初自墾

柴車後日復誰攀東阿下望有歸意且爲子建留  
魚山

聞文潛舍人出試院約毅父考功尋春

上界官府多文書我懼猶比山澤儒閒忙態異  
羊等一月不見霜侵鬚雖無京兆白花灑還有太  
官青玉壺武安曾孫我外弟聞君得人助君喜可  
能餅果饜兒童不有枉檠到隣里去年南歸飲王  
家把盞猶見黃梅花城南尋春成歲事忍不省顧  
隨泥沙世事何須還刺口輕薄論交翻覆手自憐  
只似永州昨歸喜地存視吾缶柳子厚說永州煨  
爲太醫採地者曰  
視吾缶而吾地尚  
存則堯然而明

次韵棠美述志

仲子甘心織屨避萬鍾淵明不肯折腰爲五斗一  
年鴻雁識來往終日沐猴何去取甥詩意慕兩君  
閑讀書要在存心久平生所談性命與長棄不憂  
金石朽我今頗習鷲子定猶復晨朝怖頭走剗心  
先擬謝聲名不作羊郟悽峴首雲梯兩矢集無方  
我已心灰同墨守恐甥自是禹門鱗未可潛逃入

吾數琢磨晚覺孟光賢畏我放言時被肘甥能鋤  
我青門瓜正午時來休老手

湯村逢陳安性

束裝清曉來江浦瘦馬羸童犯山雨解鞍入寺聞  
鐘聲堂上僧齋日初午故人聆我足音喜紗帽相  
逢坐東廡別來幾日領生須相見驚疑更問語念  
昨與君俱隨書貧賤不為人比數侍郎門館乏容  
悅舉子文章慙講藹言彊獻亦何有君去東州  
我之楚可憐今日江頭路草草逢君具雞黍我貧  
無策未容飽君祿雖微不猶愈如今未可計得失  
且作新詩致醇醪

過熊耳山

殺一不辜神所恫呂母何預於樊崇蜂螳無王求  
所止一朝積甲齊熊耳兩峯相向猶耽耽千載定  
林餘一龕我來捫石望荆杞此山閩人亦多矣

送公爲之淮南

陶靖節云既耕亦已種  
且還讀我書此其意也

負米萬里緣其親運甕無度憂其身讀書莫學流  
麥士挾策勿比匹羊人乃翁辛苦到白髮今汝疆

勉當青春咎時管鮑以君霸此兩士賈寧非貧

即事呈閣中順之二年兄二首

蠖軒屈首詩書人自喻適志非求伸聞蟬熟寐白  
竹簟見客一整烏紗巾語言無味寤鬼志香火有  
緣居士身明年得去不及汲種竹待筍猶須春  
吾兩同年俱可人平生一爲知已伸何由利口似  
虎圈應不拭吐煩龍巾卜鄰只約二三子看山擬  
分千百身綠鬢哦詩欲成雪朱顏得酒尚能春

順之將攜室行而苦雨用前韵戲之

十旬九雨龍淫荒林蟬砌蟪俱悲涼豐隆不閑行  
澤足猶喚脂車煩阿香我知此咎非風伯憑憑暮  
天爾勃敵王郎行李望秋晴莫汚北飛雙鳳翼

飲謝公輔家

皇天於春自著意安排未遣東皇家朝雨已教潤  
壓土曉風更將寒約花詩篇驅使到老得酒船拍  
浮卽生涯四年逢春今日好可是芳物年年加

以蒼陵谷引水記呈毅父惠詩次韵

與君算從栖岩東有泉鏘然發溪谷人言祥符行



幸城無水跨野疏泉此山足後來修廢吳與李誰  
其記者江休復我欲重銘章聖功借君巨筆鑿寒  
玉

春雪監中卽事二首

愁雲欲雪紛來族微霞錚鏦先入竹舞空蛺蝶殊  
未下迸瓦明珠正相逐僕夫無事困薪蘇鳥易不  
鳴依室屋肺病惡寒望勸酬枯梗作湯良可沃  
白雲自非桃李族陽春且止聽黃竹江風吹葦暗  
天地鷗鳥紛紛起追逐請看萬瓦變璠瑒平日塵  
寰無此屋閑居幽事亦堪論小逕苗生土增沃

晚春二首

春呼羣豔與偕藏殘英風勸作清狂消愁賢聖酬  
醉寡破睡槍旗幽興長

春歸風雨一朝盡晝靜園林諸趣嘉蜻蜒出水羣  
掠蚋鴨鳩衛巢雙赴鴉

示張仲原秀才二首

去年鉅野張狂瀾黃河水不到魚山焦城有屋仲  
子築它日能來相往還

城頭急雨昏長川城邊清流鷗鷺閑城西雲黑電  
腳落斜日正在城東山

村居卽事

小麥青青大麥稀蠶娘拾繭盈筐放牛薄暮古  
堤角三四黃鸝相趁飛

夏夜雨意

凝雲遮漢月不舒微電時照東南隅風條不動柱  
礎溼初夜淡砌吟螿蛤

蒲萄

蒲萄新條易扶疎椿花鎖碎滿庭除旱乾只喜雨  
破土潦潤不憂河決渠

漫成呈文潛五首

無心看春只欲坐偶騎馬傍春街行可憐愁以草  
得暖一寸心從何處生

花如怨人不近眼溪院一枝春得知東風不是不  
愛惜剛爲花愁真是誰

十年閉戶不作舞爲客一整紅羅裙莫倚琵琶解  
寫怨朱簾坐下阿誰聞

平時無歡苦易醉自怪飲樂顏先酩乃知醉人不  
是酒真是情多非酒多

不是生情薄桃李廣陵一株名最高俱飛蛺蝶莫  
猜忌端為蜻蜒避伯勞

試院中秋

秋風吹空雁旁午長天無雲月呈露為須通曉照  
清樽莫遺中宵生薄霧

直廡聯句

上閣井泉甘若醴蓬山點茶竹陰底未庾伏思容

午課休宮殿初涼朝雨洗補身閑出飲官不嗔日

長睡足長精神未未慙便作蠹魚老拔毛濟世知

何人補  
之

濟北晁先生雞肋集卷第十四

濟北晁先生雞肋集目錄

第十五卷

律詩

北山道中示公為

和關彥遠雪

試院次韵呈兵部葉端禮并呈祠部陳元

輿博士黃冕仲

吳松道中二首

濟州道中寄葉勛秀才

原上

荅劉季孫

病起荅關景暉

同魯直和普安院壁上蘇公詩

次韵黃奉議序致仕作魯直仲父求作

次韵履常見貽

次韵鄧正字慎思秋日同文館九首

聞慎思說壕塘居

陪發運右司叔父集金山次韵

送趙正夫京東漕

次韵八弟西園課經二首

千秋嶺上

蒲津繫橋次李茶韵

次韵練定祥符聽法

自畫山水寄无斨題其上

贈別張堯詢

寄題寶應无斨鳧島堂二首

憶廬山示无斨弟

秋夜西崗聯句

凝祥池上聯句

濟北晁先生雞肋集目錄 終

濟北晁先生雞肋集卷第十五

律詩 五言

北山道中示公爲

吾方賣劬日汝正抱孫歸昭代無官守平生近釣磯  
青山上野艇白水到林扉曬棗日猶烈鳴枝風已威  
荒陂民事少迂徑客行稀傷雨蟬知默違霜雁見幾  
卜居南縣早收課北莊微行李牧兒識生涯田叟譏  
丞嘗了歲事登屨息塵機反舍從爭席行衢莫振衣  
潛逃多落莫放浪少獻獻文字陪吾老功名許汝非

和關彥遠雪

春雨翻成雪朝鑪未覺炎拂檐驚乍響綴袖喜初霑  
庭薄寧堪跡空繁詎可瞻正憐風共起終恨雨同漸  
疎箔光來細重屏氣入嚴形容樗櫟隱意象俗嵩添  
孤潔憐牆仞虛明快屋檐棲枯偶猜蝶穿隙暫疑蟾  
詩案閑飄楮粧惟誤酒匝縈盈仙縷結瑣屑女針鈿  
屐上長干足頤間角里髻手龜良欠藥膚粟重遭爛池  
憶秦龍死河懷漢馬潛三章滿

嘗吊兩騎望能占有德羣汚化無威衆動恬堅凝  
 我無必皎潔爾何嫌僵臥安非介甘餐武亦廉妍  
 辭大子簡拙與客兒鹽搏作隋珠燦坐爲紂箸尖  
 公車貧笑跣洹水夢憂穢斃鶴清宜繞衣狐窶莫  
 兼且當除諷渴未暇怯樵店戒婢當遲埽呼奴更  
 出規攬來真可數消去豈堪拈便洗埋灰釜行操  
 割肅鎌它時玄尚白今歲突應黔漕府君黃綬儒  
 宮我絳幘寒吟無與律貧病不須砭玉筱流脂滑  
 金羹割尾纖山陰子猷興歸去爲誰淹

試院次韵呈兵部葉員外端禮并呈祠部陳

員外元輿太學博士黃冕仲

盛世天休沓真人寶歷開太任當政闈元老位公  
 槐莫盛官人始相從試士來鳴珂咸俊彥索米獨  
 塵埃未歎官曹隔多慙賞鑑陪成川須睺澮崇厦  
 要條枚文武中銓集丹鉛百卷堆豚魚聊可辨皮  
 弁不應恢左選試經義右選試兵策虎出爭亡矢蛇成屢奪盃  
 詢鍾求雅濫烈火試珉瑰綠暗驚庭葉朱明換律  
 灰得梟夸艾捷聞鶴悼堅摧繭絡談飛塵灑波酒

把罌賡酬皆絕韵搜索病非才半是仙槎客會隨  
 禹浪雷遭時魚奮角失路劒生苔膽氣衝星在詞  
 源卷漢回聲名改閭里軒冕映輿臺諼草懷堂北  
 燈花聚婦臆涼風吹枕夢薄雨滯城隈號奏天官  
 近臚傳御史催康衢驥鳴躍歸檐僕謹哈華省漢  
 福鑰衡門翳草萊尚懷休假遠別語重裴徊

吳松道中二首

停舟傍河許四顧盡荒原日落孤鳴豕天寒大吠  
 村繫帆凌震澤槍雨入盤門悵望夫差事吳山闕  
 楚魂

曉路雨蕭蕭江鄉葉正飄天寒雁聲急歲晚客程  
 遙鳥避征帆却魚驚盪槳跳孤舟宿何許霜月繫  
 楓橋

濟州道中寄葉助秀才

曉路入西郊新霜著鬢毛貧交借羸馬慈母授征  
 袍野靜狐狸出天寒雁鵠高艱難憶親舊清淚漬  
 平皋

原上

閉門遺日月原上感年華久早無場藿重陽有野  
花蕭蕭幾家靜脈脈一歧賒向晚悠然去秋風馬  
尾斜

荅劉季孫

高臺擷黃菊獨上憶同登灌木閑相揖寒鴉偶自  
朋酒憐旁舍熟賦喜故人能寂莫西風裏籃輿興  
可勝

病起荅關景暉

臥病車馬絕初非遺世人逍遙乍形散邂逅却情  
真見護屏能力相扶竹亦神閑來佐歡喜漉酒用  
陶巾

同魯直和普安院壁上蘇公詩

畏暑聊尋寺追涼故遶池雨園鳩喚婦風徑燕將  
兒散篆縈簾額留雲暗井肩龍蛇動屋壁知有長  
公詩

次韵黃奉議序致仕作

魯直仲父求作

聞道家書至山中不厭寒近臣多白髮此老獨黃  
冠金少從供具身輕莫據鞍勞心爲功業持與世

人看

次韵優常見貽

人皆愛陳子新雨尚能來但使門多客何嫌室自  
埃弓旌無遠野城郭有遺才底日常侯舍傳聲四  
輩催

次韵鄧正字慎思秋日同文館九首

平生鄧夫子文墨晚相依臺閣佳聲在湖湘爽氣  
歸慎思潭人再入館詩誇束筍密髮歎耨苗稀勤若干秋  
事川明水孕璣

雄淡張子句山水發天光黃鵠愁嚴道玄龜困呂

梁愛君豪穎脫嗟我病僮囊驥尾何當附西風萬

里長屬文潛

蔡侯南國秀經緯耿昭回文史蛙生甌風雲蟄起

隈吾君求助意之子爲時來萬縷防秋費何如一

士才屬天啓

高堂置書几連幕與雲齊暑服猶便葛秋祭已飭  
黎官醪聊足醉古錦不成題空對燈花喜重城隔  
夜闌

輟直警書館聯裾校藝場騰驥來萬匹挺拔出千  
章直鈞何妨得餐風未必香搜才賴公等要助俗  
成康

憶臥蓬萊閣同聽午唱雞星辰望天北簪組隔城  
西幾日宜魚鑰長驅響月題更憑催鄧子要割玉  
如泥

風雲日夕改秋氣襲堂闡映葉無蜩響依叢有蝶  
歸官壺催賜耐却杵急成衣畱滯真何補尊鱸興  
又違

氣入中秋勁更傳午夜長青燈蛾舞急白月雁啼  
涼羈旅生來慣淹畱久却忘吟詩酬鄧子畢昂出  
東方

前世諸生選平居數路開鄉閭自相與巖穴亦時  
來射雉空亡矢為她更奪孟千金曾市骨聊用作  
龍媒

聞慎忠說豪塘居

聞在豪塘飲松林日百回當年鹿何往異世鶴歸  
來未許茅齋竝終期蠟屐陪丹畱杉不死夜氣看

星魁 慎忠家臨湘豪塘晉陶淡隱此山常養一白鹿蓋蔡鶴仙去藏丹於杉今大十餘抱矣

陪發運右司叔父集金山次韵

報國身無用還山計欲成煙霞異塵世江海慰高  
情幸繼阮咸集恐慙疎受聲清詩逢絕景未覺負  
平生

送趙正夫京東漕

朝持使者節騎出大明宮霜拂蓬壺外春生海岱  
東清時憂國事白首問民風我亦何為者丹鉛點  
勸中

次韵八弟西園課經二首

禾熟秋原靜高蟬尚遠音半荒愁雨菊獨秀畏風  
林老覺田原好慵疎里巷尋心知阿連勝新向佛  
築溪

懶曠期陶謝呼兒讀晉書葛巾傾泛漱蠟屐上嶽  
嘔回向空門舊措磨意地初未堪朝市隱且欲去  
衡廬

千秋嶺上

永日倦高躋盤回四望迷松根危抱石嶺路曲隨

溪馬腹飛雲薄山腰過雨低陰崖不可度誰此構  
長檣

蒲津繫橋次李茶韵

激箭波濤上爲梁木石雄鐵牛驚陝右流馬出關  
東潦集連艘斷冰融一水通詢謀自誰可賢有贊  
皇公

次韵練定祥符聽法

彌天一滴水何處是曹溪若作聲來解還成澄發  
迷白雲遮剎遠翠竹向檐低是物元非物莊周未  
可齊

自畫山水寄无斲題其上

湘吳管窳覽懷抱自難忘毫素開塵牖江山入草  
堂寄君花縣裏虛我竹林傍何物酬斯贈清詩要  
一囊

贈別張堯詢

趣操幾前輩詞章近古風身名沈飲外生事放言  
中鵠鶩從龜吉舩車送鬼窟支離不征戍高臥有  
奇功

寄題寶應无斲晃鳥堂二首

賓戲令晃子名堂無乃迂何爲仍負弩祗合便飛  
晃彭澤且市隱太丘猶世儒解嘲吾亦勸繫雁一  
相娛

第才方濬發兄老更疎迂君自軒軒鶴吾今泛泛  
晃何方折腰具能作列仙儒釣是亾羊事清樽稍  
可娛

憶廬山示无斲弟

湖口西江外廬山已目前太虛藏不極彭蠡浸無  
邊五老寧行地香爐自供天芝田隔人世應有讀  
書僊

秋夜西崗聯句

城南遠人跡蟲響最先秋河漢橫疑近補星辰爛  
不收露濃枝上月未風駛苑中籌下直身田野補  
相忘世馬牛市聲城郭夜未遙色草茅幽寂莫容  
還往補之文章得獻酬天依閨闔轉未斗直未央雷  
清洛東輸海補之夷門北拱州寒燈知苦織未濁酒  
識窳愁飽食客高議補之蒼顏媿薄遊黑貂寒事早

青史素心適附驥容吾鈍黃金試絡頭補之

凝祥池上聯句

粉垣周十里補之丹碧煥神宮未樓閣晚多雨梧桐

天早風補之人來夕照外未鳥起白蘋中補之何用厭

城郭滄洲佳與同未

濟北晁先生雞肋集目錄

第十六卷

律詩

廷賢求賦先春亭

送會稽關彥遠罷官河北

已酉六月赴上饒之謫醇臣以詩送行次

韵畱別

對雪和王仲至

春雨呈文潛

魚溲懷家

次韵金鄉宰韓宗恕寺丞見贈三首

出都呈十五叔父

贈歐陽成判官

次韵蘇注承議天鉢元長老像前拈香

次韵王正甫馬陵感事

送顏長道容滑道士

別關景輝二首

送曹子方福建轉運判官二首

濟北晁先生雞肋集卷第十五



飲按理盛居中家次韵二首

次韵按理盛居中上元

次韵蘇中丞喜文潛病間

鎖試呈同舍三首

試院呈文潛用前韵

慎思聞家弟无斃捷解見貽用前韵

復用前韵寄題慎思壕塘居

呈曹子方

泗州王諫議明叟留飲

招緡雲寺彦遠教授曾彦和集平山堂次

彦遠韵

陪關彦遠曾彦和集龍興寺詠隋時雙鴨

脚次彦遠韵

閻醇老作默齋

與曇秀師別坐二十年而後相會於金山

作

送曇秀師歸廬山夢齋

戊子六月十三日曝書得史院賜筆感懷

時監修丞相儀公也

濟北晁先生雞肋集目錄終

濟北晁先生雞肋集卷第十六

律詩 七言

廷賢求賦先春亭

築圃名亭盡可人東皋百卉故先春丘原滿目皆  
安在桃李成蹊又一新薙草煩君開蔣徑漱醪容  
我著陶巾青門瓜好平生事欲遺朱轡便卜鄰

送會稽關彥遠罷官河北

君年長我二十五偶以氣同均第易三歲吹沙禹  
河曲一身飛艇越雲門未緣狗監知才思端向牛  
衣無滄痕秋月圓時應待我慧林孤磬澹朝暉

已酉六月赴上饒之謫醇臣以詩送行次韵

畱別

小雅思淡志不悲反騷未與管人違五車謾苦君  
何益三徑都荒我未歸要過香鑪屢屐步却從彭  
蠡一帆飛它年笑向張公子應帶煙霞滿客衣

對雪和王仲至

鸞鳳交橫逐雨華玉城銀澗共縈斜且看霧散千  
峰瘴未覺雷驚萬谷芽碧落高情元物外金閨清

夢自天涯寧知夜半寒歌客煙斷鄰牆四五家

春雨呈文潛

倦將烏帽障黃日一雨新開春已融忽驚宮瓦出  
新碧更喜海棠舒小紅愛酒鄰張不可奈聽歌老  
謝無由同春如行客祇欲去若為挽取須壺空

魚溝懷家

生涯身事任東西藥笥書囊偶自賁柳嫩柔柔鴉  
欲乳雪消冰動麥初齊沙頭晚日檣竿直淮上春  
風雁鶩低歸去未應芳物老桃花如錦遍松溪

次韵金鄉宰韓宗恕寺丞見贈三首

漶濤無意犯星躔好在琴尊且樂全彭澤孤吟成  
小隱蘇門雙嘯劇登仙平時主父言多困晚節揚  
雄學始傳鮑叔可能知管子勞君相許寄忘年

蜀客高詞詫割鮮直吞雲夢氣仍全自憐單闕窮

為賦不向元和共得仙未仁云若使漢廷重用賦子虛應恨不同年故以是

答嘉論一朝傾蓋合新詩半夜叩關傳西窗却話

巴山事它日相逢憶此年

公子翩翩出世賢少時術業已成全閑中道義輕

三事醉裏文章敵八仙客舍寒齋聊可擁縣樓昏  
鼓不須傳河陽花發期相過卽是新年換故年

出都呈十五叔父

凌兢瘦馬不堪驅寒眼紅塵暗九衢太學齏鹽聊  
樂只故園桃李且歸歟上書北闕三年困種豆南  
山一半蕪忍志動心天相我莫慙關吏辱陳餘

贈歐陽成判官

一言子產識然明白首憐君獨抱經去馬來牛隨  
白日落花飛絮得浮名曳裾五府非良計發憤三  
書亦漫成便作婦休豈無食木蘭垂露菊含英

次韻蘇注承議天鉢元長老像前捻香

蕭然方丈病儀成蓑笠忘來一境清應作是觀寧  
有相實無得度卽非情日當居士行時午月在生  
公講處明能識微言只夫子可憐惟我最初程

次韻王正甫馬陵感事

風雨關河浩蕩愁騷人慷慨對清秋追君舊事何  
堪聽投我新詩不易酬紙上安知百年後酒中聊  
可一生浮言歸歎段誰能約正有疎頑馬少游

送長道客滑道士

海山兜率事悠悠底處仍須著力修莫認箭邊曾  
有鹿安知蓑外是無牛社榜共作支離病園絮同  
爲汗漫游亦見顏公爲言此春風過盡不擡頭

別關景暉二首

鄴王臺上幾追陪臺上鴉鳴古甕摧每對燈前青  
玉笛不辭花下白銀杯昔彥遠家物九重幽夢驪駒近  
百卉佳時鶉鴉催更約歡呼須繼日從教河漢卷  
星迴

筆陳雲橫未易陪雁門端見壓城摧櫟中麋出君  
搏飯地上蛇成我奪杯好在田園心事懶罷休簪  
組鬢毛催稽山爲有知章否欲泛扁舟定却迴

送曹子方福建轉運判官二首

談經草檄鬢華生初擁閩山傳節行江入桐廬青  
欲斷溪從劔浦碧來迎茶雖戶種租宜薄鹽不家  
煎價欲平要使祈招歌德意君恩不爲遠人輕  
侏儒未用笑先生孟博聊堪攬轡行學有人民可  
嘗試詩須山水與逢迎邊夷豈識朝廷治耕釣唯

知吏政平臺閣時清多俊彥蕭生雅意未宜輕

飲技理盛居中家次韵二首

騎彎玉府盡仙真短羽愁攀天漢濱詩嬾便應推  
老手飲豪獨未後諸賓宮壺銀箭剛知夜籠燭金  
華已報春倒載微吟笑兒稚時清寧是習池人  
一倒南齋玉宇醇絕勝不醉楚江濱驪駒且莫催  
歸御鳴鶴何妨屬坐賓我尚少年新白髮君須痛  
飲敵青春未愁驅使無詩句怕遣壺空花笑人

次韵技理盛居中上元

四見都城燈火春看驅肥馬走朱輪天傳九奏虛  
幕籟海踴三山跨萬鱗追賞謾逃淡禁直拜迎祇  
望屬車塵預知短髮非歡事只有觥船未愧人

次韵蘇中丞喜文潛病間

攜筇過子約朝朝况是門無百步遙午臥檐曦茶  
可煑夜談窗霰栗堪燒范魚何用驚生釜鄭鹿應  
知夢覆蕉試作文殊問居士從今一飯久如消

鎖試呈同舍三首

官局悠悠共此行來時庭菊未含英五更脫葉驚

書几一夜寒砧滿禁城詩似涼風來有思酒如清  
露挹無聲何時驄馬催歸去更有林端魄一生

天街初月映天河拜敕東華走馬過解榻暫如龜  
遇木閉簾還似雉嬰羅倦依書冊工催睡悶倚詩  
篇足當歌可待紛紛厭朱墨晝閑唯有飲無何  
周行櫛比未應充薦廟方求古鼎鐘經眼乍愁千  
紙積解頤聊喜一言逢黃花庭檻時雖過白酒鄰  
槽願可從更促寄衣真似旅曉堂初怯露寒濃

試院呈文潛用前韵

神交千古聖賢中尚想銅山應洛鐘傾蓋十年唯  
子舊知音一世更誰逢天如蟻磨駸駸旦談似綠  
車查查從鄰榻鄧侯邨不共擁衾百首與方濃

慎思聞家第无敦捷解見貽用前韵

吾弟平生辛苦同匹雛志舉百鈞鐘自慙操瑟尚  
不斥勸使力田終有逢青眼故人欣捷報白頭老  
母喜占從書林儻預西城集醕子酣酣杏正濃

復用前韵寄題慎思豪塘居

玉泉飛落白霞峰散入山田畝十鐘鄧子結廬真

世外陶公脫屣更誰逢  
鶯啼春竹風煙近  
龍起秋堂雨電從  
誰使山人空  
蕙帳蓬萊金殿興  
方濃

呈曹子方

曹子金門等陸沉  
壯年裘馬四方心  
傲傳白羽從沙井  
詩寫紅巾遍  
武林兵甲胸中無  
敵國絲桐世外有  
知音相逢不飲何  
爲者祇作寒廳擁  
鼻吟

泗州王諫議明叟畱飲

雲水東遊蚤歲懷  
半生塵土却教回  
兩行堤柳關心在  
一點淮山入眼來  
北省主人誇酒好  
南風稚子喜帆開  
揚州底事牽行色  
端爲瓊花芍藥催

招縉雲寺關彥遠教授曾彥和集平山堂次

關韵

蜀岡勢與蜀山通  
龍虎盤擎上紫空  
小語還憂驚太一  
高堂元自在天中  
少師楊柳無遺跡  
承旨歌謠有舊風  
斜日蕪城易興感  
忘懷猶喜故人同

陪關彥遠曾彥和集龍興寺詠隋時雙鴨脚

次關韵

風起雷塘陵上塵  
雨荒苔院兩株春  
樓臺有跡皆

餘燼草木無知尚  
見珍博士獨能名  
玉斐使君還許壽  
靈椿宣城此物常  
充貢誰與連艘送  
萬困

閻醇老作默齋

淨名良久文殊歎  
此是如來不二門  
要識結瘡非是默  
應知分別亦無言  
一絃曾得嵇生愧  
三復能令孔子尊  
正復立談封萬戶  
時清何害口瀾翻

與曇秀師別登二十年而後相會於金山作

詩筆多生習氣牽  
老來經唄亦隨緣  
何妨偶入東坡夢  
未害閑依北固禪  
萬里波濤憑檻語  
一山風雨竝窗眠  
未甘白首塵埃地  
更約相逢二十年

送曇秀師歸廬山夢齋

扁舟又過楚江東  
廬阜霜晴翠埽空  
四海五湖皆逆旅  
千巖萬壑正秋風  
會觀沙界無華處  
何必茅齋是夢中  
已悟三生舊知識  
不因天竺寺前逢

戊子六月十三日曝書得史院賜筆感懷

修丞相儀公也

君王孝悌慕修意  
丞相忠良典領宜  
却恨身爲周柱史  
不令人識漢官儀  
當年請郡新進笑  
今日曝

書陳迹迷猶有院中宣賜筆不妨林下醉題詩

濟北晁先生雞肋集目錄  
第十七卷

律詩

和二叔父少監入館見賜詩

次韵四叔父寄賀二叔父入館并見寄詩

送歐誠發

守蒲次新安先寄府教授之道弟

再用前韵荅之道弟府教授

澠池道中寄福昌令張景良通直

次韵毅父提刑將至蒲見寄

次韵毅父戶部兄游栖巖寺

廬山

敘舊感懷呈提刑毅父并再和六首

用評字韵和荅府教授十二弟

次韵邠倅王正夫

雙軒孤坐寄曹南教授八弟

次韵袁疇耕道見貽

寄懷八弟三首

濟北晁先生雞肋集卷第十六

感興

次韵畱守王公喜春

游華嶽歸道中望仙掌

潼關道中

自蒲赴湖早行作

罷蒲乾濠道中寄府教授之道弟

次韵文潛尉福昌日壁間清暑亭詩

亭在永竹

中

赴蒲道中寄洛倅王定國

時定國董役永安

再寄定國

荅閩中願之

濟北晁先生雞肋集目錄

終

濟北晁先生雞肋集卷第十七

律詩 七言

和二叔父少監入館見賜詩

梗柎要是晚方成雄朔遺風世共驚  
屑去未驚容必去逃名還自得  
高名歌行元白辭濤壯書畫鍾

王筆勢精牽馬輜車何足算  
不將稽古愧桓榮

次韵四叔父寄賀二叔父少監入館并見寄

琅邪太守魯儒英典校還高劉更生已似諸荀竝  
才子復如羣竇占詩名尚吟河水憐孤姪應與鄉

詩

人痛伯兄老鶴長鳴近天漢可容叢灌和驪庚

送歐誠發

春風共載揚州路屈指都疑夢夜闌可是重來俱

白髮只堪歸去却黃冠爲郎我賴文書少作邑君

逢政令寬自古江山勝塵土莫輕故步愛邯鄲

守蒲次新安西先寄府教授之道弟

文章之子日翹翹恐不能如豈有超助我形襜問

民俗煩君泮水採風謠預知薄宦妨同處且可清

樽約屢招十月驅車漢函谷冷雲高處望中條新安

漢所徙  
函谷也

再用前韵荅之道弟府教授

文辭便是升堂賈談辯寧非入幕超已謂囊中能  
出穎邨知車下正哀謠但從袁盜無何飲莫笑馮  
公不見招伴我河山訪陳迹明年紅紫滿陽條

澠池道中寄福昌令張景良通直

十年一夢間湖湘欲往從之道阻長可但知君愛  
彭澤不應言我薄淮陽馬穿峭底流泉白鳥下關  
頭落照黃愁作驛亭寒不寐懷人思古九迴腸

次韵毅父提刑將至蒲見寄

騎報山雲見旗脚吏趨原雪沒靴翁竭來定坐玄  
猶自捷去還憂易又東他日江湖空白首只今關  
隴有清風登流契分南遷夢十五年來事事同

次韵毅父戶部兄游栖巖寺

恐是初禪弟一天千秋龍象鎮危巖坐看玉井蓮  
飄葉絕勝香鑪日照煙點點蟻封知晉甸紛紛雁  
背向秦川要須浩蕩奇言稱付與南華舊老仙

廬山

丹碧沈沈虎豹閑松幢引度九重關人間未覺渾  
無路天上還驚更有山瑤草紅泉供挹酌金風白  
露送躋攀良游自歎平生誤便作歸來鬢已斑

敘舊感懷呈提刑毅父并再和六首

兒童豪氣自堪驚未入鄉人月旦評叔向亦聞呼  
使上子將一見便知名平生蘭省追高步老去秦  
川共此行賴有蒲城桑落酒高樓條華慰人情補之

初舉進士毅父  
為考官即首送

賦成庚子尚魂驚往事如風未暇評長樂鐘前偶  
相對凌煙圖上等浮名登車豈是君無意襍被何  
妨我自行更許心親遺貌敬老來尤見舊交情

二人射策幾人驚要與三蘇共入評先聖子孫多  
異稟累朝圖牒有高官書傳科斗猶須定安鈞拂  
珊瑚未可行巢父子墨文章豪氣在登臨懷古一舍

情

須彌納芥事堪驚千歲聊堪一日評世上相逢俱  
夢寐古來何處是功名簿書聽我依俛了雲水陪



君浩蕩行便與此山同不朽不應惆悵復牽情

郎潛如我未宜驚戶部須推宰相評曾丞相云戶部不可無孔

中他日碧山息却走當年紫府已收名共知白髮

生青鬢未廢長歌續短行樽酒不空多坐客君家

餘事足陶情

親見揚雄自不驚吾人要使後人評白圭未可輕

三復小草須防得二名太華聳天如劔立黃河感

野似軍行栖遲自憶衡門後可是登樓不稱情

用評字韵和荅府教授十二弟

君詩飄舉似鴻驚書入揚州子弟評聖世由來升

俊造少年已自得聲名六經正可三冬足萬里聊

堪一日行更約彌敦同姓樂能來觸詠暢幽情

次韵邠倅王正夫

函谷雞鳴滿面塵夫君泛愛尚為親清時有味俱

吾黨黃髮相看更幾人物理未驚翁喪馬世情應

笑子知津似聞絕塞風沙苦只約航船莫負春

蛟軒孤坐寄曹南教授八弟

畏暑經旬不涉街蛟軒孤坐壁生苔出檐碧筍猶

爭長映戶丹榴故後開雙蝶風前愁夜去一蟬雨  
外送秋來曹南瘦弟應相憶白首遷兄未放回

次韵袁疇耕道見貽

閱世紛紛共旅亭歸來眼為里人明老夫未歎嘗  
三已吾子何憂取一名仁義夙心成自誤文章小  
道得高評曲池遠市偏宜暑攜卷同來看月生

奇懷八弟三首

君好作官容我隱我專築室待君歸古來奇特俱

安用老去疎慵自不違五府交書何怪密雙林白

社未嫌稀先君門戶觀之子葵藿吾今遜益肥

平日鴿原左右手居齋反叩前後未須論清秋淮

上多詩句白首籬邊近酒樽杜舅高情篤兄弟先

君至性厚閨門兩公與爾同師法相待歸來老此

園

揚州全盛吾能說鴨脚瓊花五百年忽見山光好

詩軸却思淮浦舊漁船柴荆故俗真虛老松菊幽

齋已重遷便作扶藜望衡霍清秋隨分有風煙

感興

淵明褊志迷歸去叔夜支辭謬養生道有窮通千  
世運命無天壽四時行我能為蝶斯同化子亦知  
魚乃至情謂馬謂牛無不可楚肝越膽太分明

次韵畱守王公喜春

午窗爐火不應殘春許花期特地寬塞雁初驚池  
藻暎谷鶯猶怯井梧寒未須園裏幽尋去且更樓  
前遠望看四牡行春定何日亦聞鐘鼓滿城歡

游華嶽歸道中望仙掌

深巖踏遍尋歸路仙掌依然在碧虛無限游人重  
駐馬豈惟狂客倒騎驢挂圖天漢朝霞上落影泰  
關夕照餘千古全生纜一士可憐登覽盡丘墟希夷

祠堂在觀中

潼關道中

塵土長安古道淡潼關依舊接桃林使君驄馬來  
何後道士青牛去莫尋春半河山猶寂莫日長坑  
阪正崎嶇平生冷笑元龍誤老覺求田負寸心

自蒲赴湖早行作

小隱幽情薄宦身五更騎馬壽安塵春如流水行

隨客曉與青山氣逼人報國丹心千載事對花霜  
鬢一番新秦吳絕域從來恨我已能知莫問津

罷蒲乾濠道中寄府教授之道命

衝寒到郡待花開花未開時却遣回敢意三年容  
我隱只如千里訪君來二嶠較擊何為者五老雲  
壺安在哉更約劄詩猿虎谷它年重過埽莓苔

次韵文潛尉福昌時壁間清暑亭詩

亭在水竹中

梅福當年守此官荆山誰見韞琅玕人如脩竹三  
冬好詩與清溪九夏寒未信簪裳妨小隱蚤時雷  
雨起溪蟠春風攬轡河陽縣痛飲狂歌憶舊年

赴蒲道中寄洛倅王定國

特定國董役永安

莫嫌馬上過春風得句桃溪柳澗中王事勤君急  
星火客程驅我正萍蓬媿來尚可輕千里歸去何  
妨共兩翁學道如今有微力作官求了不求功

再寄定國

河南少尹古矐僊銷盡新緣窹舊緣草字更無千  
載聖談言自有一家天遠游輕世唯何甚少貶求  
容否不然選壯坐任俱齟齬社稷元自可忘年

荅閔中順之

黃卷翛然遇古人千秋遺恨一朝伸  
久乾文舉尊中酒虛負淵明頭  
上巾纓冠未暇念同室閉眼自  
欲觀吾身幸有元和文似錦不妨  
白雪和陽春

濟北晁先生雞肋集卷第十七

濟北晁先生雞肋集目錄

第十八卷

律詩

自蒲赴湖至板橋逢杜謀伯

和石明叔喜雪

次韵韓求仁南臺朝請晚過南湖見寄

再用前韵和荅

用前韵荅李行正教授

次韵和求仁不赴照碧堂會呈無愧之作

求仁復示怨句次韵

元符戊寅與无斃弟卜居緡城東述情

次韵信守李秬二首

再和嘉父見貽

次韵嘉父喜雪

次韵信倅練定夢雪中過王侍郎

次韵李秬靈山亭宴集寵戲之句

次韵李秬梅花

次韵李秬祥符軒

次韵李秬重修宴亭

次韵李秬新菴

次韵李秬新移牡丹二首

次韵李秬約賞牡丹

次韵李秬雙頭牡丹

次韵李秬賞花

次韵李秬除曠

立春日呈通守資中通直

題文潛詩冊後

次韵杜天達見寄

景修二十歲褒為鄉舉之首晚乃尉青田

無不遇色其里人晁補之為賦五十六

字以別且勉之

赴元老劉元之集呈十二朝請十五推官

二叔父兼呈元老邦式諸公

次韵棠美甥晝眠

和王定國見寄

和歐陽宣德經野步

目錄 終

濟北晁先生雞肋集卷第十八

律詩 七言

自蒲赴湖至板橋逢杜謀伯

二年兩度踏京塵猶喜常逢杜子春文學老來從  
舊日金蘭同好更何人身慙隨檄終難疆計欲歸  
排未敢陳正是桃花紅似血不應無酒但霑巾

和石明叔喜雪

解凍南風故未熏六英先歲舞車塵盡消日觀千  
巖雪初破江梅一萼春立召金閨通籍客更呼花  
豔大堤人使君日飲無功業同樂何妨亦為民

次韵韓求仁南臺朝請晚過南湖見寄

浮花浪蕊信東西何許尋芳去自遲流景不須驚  
石火寸田應已長瓊枝想君清興聊堪發遣我憂  
心久欲爽便作崔丞日臨水見行趨尾不須知

再用前韵和荅

當時同赴飲城西傾蓋論心已恨遲湖海可無年  
少氣雪霜還有歲寒枝功傳汗竹藏王府詩人文  
政動島夷不會書生安用此眼前睫固未曾知

用前韵荅李行正教授

見我淮南被召西重來學館尚棲遲未容小隱通  
三徑聊可甲飛共一枝飲罷玉山方突兀賦成筆  
陳已淫夷霜荷葉歎青衫舊聞子修身自畏知

次韵和求仁不赴照碧堂會呈无愧之作

政成歡誦沸田萊畱輪雍容更上才繚郭平湖從  
管好倚天朱檻為誰開曳裾况是他年舊倒載何  
妨盡日陪自有登高能賦客可容清坐詠南臺

靜坐一爐  
香見傳燈

求仁復示怨句次韵

聞說高情久沈寥縈維誰與永今朝五車猶累方  
書好萬物先從辯說彫已向季咸心獨醉更緣順  
子意都消清秋壁月凉如水莫遣纖雲翳紫霄

元符戊寅與无斁弟卜居緡城東述情

四海一居何處卜北窗祇取見家山要無名利來  
心曲便有園林出世間拙宦莫與三黜歎老婦未  
厭百年閑先君餘慶期之子吾駕如今不可還

次韵信守李柜二首

誰榜鈴齋作面山晦明終日卷簾看賦成夜燭纔

銷寸衙退朝曠未半竿枉渚孤吟愁旅雁以况蘇  
薄宦

門雙嘯駭朱鸞以况二  
公贈酬平生五袴何須詠一借黃

鍾變谷寒

愛山何必踈歸山薄領忙時撥置看閭闔自應行

發軔珊瑚終未拂墜竿樽中屢許陪文舉庶下猶

堪寄伯鸞便作功成同范蠡白鷗盟誓不教寒

再和嘉父見貽

使君心賞在高山標社寧煩匠石看能似鼠多愁

渡谷仕如鮎鈍笑綠竿見歸  
田錄威儀披霧窺文豹音

韵當衢聽玉鸞曾共廣陵花下醉綸袍應歎一何

寒

次韵嘉父喜雪

六出先春兆物華故撩高韵發車斜散榆天上齊

飛筴布玉畦中盡吐芽梁苑俊遊風不極剌溪清

泛月無涯雄豪樂事幽人詠都屬江南太守家

次韵信伴練定夢雪中過王侍郎

夢覓毗耶看雨華玉城銀澗過縈斜乍疑霧廓千

峯障未覺雷驚萬谷芽碧落清談元物外上賦金  
圍高興共天涯上賦寒雞喚起新詩就誰憶袁安

正卧家

次韵李拒靈山亭宴集寵戲之句

勝游誰繼竹林賢峴首高情自逸然寶刹千尋出  
天半靈山三面落樽前梅花摘得寧煩驛挑葉呼  
來不用舩南楚何須說窟巷且陪鈴閣聽鷓鴣古詩  
桃葉復桃葉  
渡江不用楫

次韵李拒梅花

寒巖幽霧不曾開殘雪猶封宿草萋一夢故應先  
臘破百花渾未覺春來慙非上苑青房比誤作唐  
昌碎月猜常恨清溪照疎影橫斜還許落金盃

次韵李拒祥符軒

雲端紅粉拊雕欄謝守綸巾語笑間游客乍驚人  
外境居僧初識面前山暫來猶足畱公賞借與真  
堪著我頑鈴閣多餘賓從少誰教平餅盃不曾開  
補之  
自謂

次韵李拒重修宴亭

壁間雙記快沈冥山畔譙門水畔亭相國名因稽  
古白使君眼為好賢青廢堤不復風搖柳新檻依  
然月滿汀羈旅從公厭游樂欲圖佳致作幽屏

次韵李拒新庵

無心何用說心灰庵在青蘿綠篠隈自可談間公  
事了不妨閑處道書開更攜邀月清樽上只著登  
山小屐來桃李他年應勿剪使君嘉譽在圍臺

次韵李拒新移牡丹二首

史君著意與深培為向吳宮好處來得地且從三  
月暝明年應更十分開漆傍芍藥羞香骨江裏夫  
容妬豔腮雲雨鴻龍摠非比沈香亭北漫相猜  
笑倚東風幾百般忽疑洛渚在江干玉容可得朝  
朝好金盞須教一一乾送目漢皋行已失斷魂巫  
峽夢將殘七閩溪畔防偷本四照亭邊更著欄

次韵李拒約賞牡丹

天紅濃綠總教回更待清明殺雨催一朶故應偏  
晚出百花渾似不曾開常誇西洛青屏簇久說南  
陔紫線堆任是無情還有意不知千里為誰來

次韵李拒雙頭牡丹

寒食春光欲盡頭誰拋兩兩路傍毬二喬新復吳  
宮怯雙隗初臨晉帳羞月底故應相伴語風前各  
是一般愁使君腹有詩千首爲爾情如篆印膠

次韵李拒賞花

天香國色競新奇初過清明未覺稀困舞尚迎風  
嫋嫋醉粧猶弄日暉暉飄零洛下千金價慙愧江  
南百草非謝守多才最憐爾百篇能伴羽觴飛

次韵李拒餘醪

天紅瑣碎競春嬌後出何妨便奪標雲鶴嬉晴來  
萬隻玉龍驚震上千條葦收見蕩風前仗葶綠飄  
翩月下綃曾向瓊林亭畔見天涯相遇一魂銷

立春日呈通守資中通直

搖軒柳態未應還正在憑高望遠間一夜春風吹  
北渚清晨佳氣滿南山動頭樂事從今數信手詩  
章莫放閑但惜灘陽蔡公子鸞花爛漫向京關

題文潛詩冊後

君詩容易不著意忽似春風開百花生苑離宮曾

絕豔野牆荒徑故幽葩愜心芻豢非雜俎垂世江  
河自一家頭白昏昏醉眠處憶君頻夜夢天涯

次韵杜天達見寄

冷屋寒舟兩處懷一封歸信隔年開愁容頓與河  
冰泮佳思先隨岸柳來射雉便甘忘我矢畫蛇何  
怪奪君杯端知雪裏清吟好未減山陰興盡回

景修二十歲衰爲鄉舉之首晚乃尉青田無  
不遇色其里人晁補之爲賦五十六字以別

且勉之

一尉三千五百里咎人嘗已歎沈英陸機文賦成  
童妙梅福官資向老清盡說江山多勝事且臨風  
月慰高情它年見我長安道貨藥無心更避名

赴元老劉園之集呈十二朝請十五推官二

叔父兼呈元老邦式諸公

故鄉等作異鄉愁常笑吾生不自謀百日狂風春  
草草十年歸夢客悠悠倦游情話陪諸父老罷親  
鋤學故侯得坎棄流兩皆可名亭應不用三休

次韵棠美甥晝眠

炎歊暫臥北窗涼更覺甘如飴稻梁幸我糞牆譏  
敢避孝先經笥諳兼忘憂虞心謝知更雁安穩身  
如掛角羊要識熙熙不爭競華胥別是一仙鄉

和王定國見寄

請說當年王武子淮南別棄謫仙人自從金馬還  
通籍直恐瓊花便不春遺愛誰方府中步舊時獨  
掃壁間塵平山送目思公子自許詩成覺有神

和歐陽宣德經野步

時入汴流

遡風何敢祝淮神青律飛灰氣自醇願我衰容唯  
帶酒因君佳句始知春山中桂子年年好觀裏桃  
英日日新延對彤廷須努力時歐陽君詹生學問方就引對  
及昌辰

濟北晁先生雞肋集卷第十八

濟北晁先生雞肋集目錄

第十九卷

絕句

國子監算婦

荅李令

身世謾悠哉

禱雨宿九曲池三首

譙國嘲提壺

書周開祖子抱一發願文後

和荅魯復一高士

讀易

題宗室大年畫扇四首

閻子常求琴絃

濱州道中四首

館宿

季夏卽事

濟北晁先生雞肋集目錄 終



濟北晁先生雞肋集卷第十九

絕句 六言

國子監算婦

杖屨清晨往，縑囊薄算婦。閑官廳事冷，蝴蝶上階飛。

荅李令

知音慙李令，問我復何爲。道義惟添睡，功名只有詩。

身世謾悠哉

身世謾悠哉，田園首重回。春來亦何事，忽忽歎庭槐。

槐

禱雨宿九曲池上三首

微月淡蕪城，飛螢縱復橫。蛙魚涼亦樂，跳港觸荷聲。

聲

荒城孤絕處，猶指玉鉤亭。涼月徧宜上，江南山更青。

青

同輦笙歌地，荒池風露天。無心更懷古，涼夜正甘眠。

眠

譙國嘲提壺

何處提壺鳥，荒園自叫春。夕陽深樾裏，持此勸何人。

書尚開祖子抱一發願文後

欲愛生諸穢，俱成一草囊。應從持犯入，當發紫金光。

和荅魯復一高士

四觀以爲隣，朝霞以爲竈。贈我不知名，千古巖下草。

草

讀易

學不到忘言，崇朝守韋編。使我能解化，此物爲蛇蟬。

蟬

題宗室大年畫扇四首

柳動燕初來，波生雁將去。惟有小崧高，蒼蒼自如故。

故

鸚之仍鶴之，爾名今是非。人言不踰濟，何事滿苔磯。

磯

西風入叢竹，慘澹帶秋陰。驚起中泝雁，衝陽萬里

心

王孫蘊奇意 純素澹雲煙 借與王摩詰 含毫思邈然

閻子常求琴絃

先生三尺琴 斷絕絃上音 欲求鳳喙膠 弱水毛猶沈

濱州道中四首 六言

身隨符檄塞 墨家與琴書 鄴都白酒清 談憶汝黃花 佳節愁子

月墮孤村露 合日出高原 霧開道遂故 河西去人將 新雁南來

三徑蔣生里 第再見虞君 客卿多病增 子歸思少年 許子高名

林下囊裝夙 典雲間鴻雁 悲鳴行役正 嗟子第言旋 當復諸兄

館宿

殘雪封條未 乾蘭臺襍被 春寒斜日房 櫳吏散鳴鳩 飛下欄干

季夏卽事

紅葵有雨長 穗青棗無風 壓枝溼礎人 霑汗際蒸林 蟬烈號時

濟北晁先生雞肋集卷第十九

濟北晁先生雞肋集目錄

第二十卷

絕句

新城塔山對雨二首

同柳戒之夜過三學院

汴堤算雪懷徑山澄慧道人

送李知章下第歸河北

曉發長蘆

晚雪示閻仲孺

村居卽事

流民

先塋治事歸

陌上花八首

外舅杜寺丞永城守水作詩寄呈

都門

甘雨

約李令

和胡載七首

坐蓮庵

張傑以龍茶換蘇帖

和王拱辰觀梨花二首

次韻兩蘇公講筵唱和四首

復至凝祥池上

題工部文侍郎周翰郭熙平遠二首

呈文潛

和文潛

謝王立之送蠟梅

和文潛試院道舊

夜聞慎思吟諷

赴廣陵邑中三首

出城三首

揚州雜詠七首

題僧法芝鍾山詩後

復和定國惠竹皮枕謔句

和荅曾敬之祕書見招能賦堂烹茶之句

二首

守蒲過洛思十歲時侍先君寓居泣涕成

詩二首

澠池道中

次韵提刑毅父送茶

次韵閻仲父病起二首

濟北晁先生雞肋集卷第二十

絕句 七言

新城塔山對雨二首

山外圓天一鏡開山頭雲起似浮埃松吟竹舞水  
紋亂坐見溪南風雨來

竹枝草履步蒼苔山上孤亭四牖開煙雨濛濛溪

又急小篷時轉碧灘來

同柳戒之夜過三學院

步月尋溪過佛齋溪邊石蘚溼芒屨虛窗獨臥聽  
松竹半夜一山風雨來

汴堤算雪懷徑山澄慧道人

朔風吹雪亂霑襟走馬投村日向沈遙想道人敲  
石火冷杉寒竹五峯深

送李知章下第歸河北

鬪雞擊劒鄴王臺萬古英雄死不埋子去悲歌宜  
有和露螢白首亦常材

晚發長蘆

船頭勾曲洪濤外船尾長蘆白霧中千里山容初

濟北晁先生雞肋集目錄 終

上一江帆影盡棄風

晚雪示閻仲孺

拂檐點砌靜如沙無限寒林頃刻花明日窳檐深  
一尺不知何處覓袁家

村居卽事

十載京塵化客衣故園榆柳識春歸深村芳物無  
由覓蝴蝶雙尋麥隴飛

流民

生涯不復舊桑田瓦釜荆籃止道邊日暮榆園拾  
青莢可憐無數沈郎錢

先塋治事歸

先人簪墓栖山樂賤子今懷陟岵悲柏葉初生石  
牆短况無金帶買豐碑

陌上花八首

事見蘇先生詩

補之方謀葬先子家貧未能故及也

郊外金耕步帳隨道邊游女看王妃內官走馬傳  
書報陌上花開緩緩歸

朝雲暮雨山頭宅暖日晴風陌上花絳幕何妨行  
緩緩送春歸盡妾還家

娘子歌傳樂府悲當年陌上看芳菲曼聲更緩何  
妨緩莫似東風火急歸

荆王夢罷已春歸陌上花隨暮雨飛却喚江船人  
不識杜秋紅淚滿羅衣

吳歌白紵怨芳菲腸斷懷王去不歸陌上如今小  
花伴山前山後白鷗飛

臨安城郭半池臺曾是香塵撲面來不見當時翠  
辮女今年陌上又花開

雲母蠻牋作信來佳人陌上看花回妾行不似東  
風急為報花須緩緩開

陌上偷來為看花饒聲鶯鴂莫天斜犢車緩緩隨  
芳草不去桃源阿母家

外舅杜寺丞永城守水作詩寄呈

雪消冰動看通津草長江南岸春莫唱龍舟五  
更曲揚州楊柳解愁人

都門

飄零何處是生涯瘦馬都門踏落花芳物攪心看  
不得綈袍遮眼畏風沙

甘雨

唵唵轟轟有物催端如鬼駕北溟來百昌一種得  
甘雨蛇不耆乾茗卯摧古語云一蛇耆  
乾獨不得甘雨

約李令

茅檐明月夜蕭蕭殘雪晶瑩在柳條獨約城隅閑  
李令一盃山芋枝離騷

和胡戰七首

達則經綸隱著書管人於此孰親疎王通持底蒼  
揚素汾曲先人有敝廬  
相逢樽酒未辭深握手盱眙十載心車馬淒涼人  
夜別出門落月與橫參

聞說歸心已浩然蘇門况有子雲屢廣文不去慙  
官長繫馬堂階要酒錢

住近蘇門有白雲閉關却掃道逾尊相逢不語忽  
長嘯今日豈無人姓孫

時平未用入山深歲晚何妨木秀林間說熊羆參  
後蔡可容牛下有哀吟

千首清詩競夜長真成蝴蝶爲春忙莫教流落人

間少雷電它時下取將

少時豪氣恨沈淪繆意詩書可庇民長笑壯年無  
一事微吟只有故人親

坐進庵

海魚水擊三千里決起還須九萬程坐進庵中纔  
一步初無行處若爲行

張傑以龍茶換蘇帖

奇茶換字真佳尚此事人間信亦稀它日封厨失  
雙牘應隨癡顧畫俱飛

和王拱辰觀梨花二首

海棠十韻詫芬芳慙愧梨花冷似霜賴有樂天春  
雨句寂寥從此亦馨香

壓沙寺裏萬株芳一道清流照雪霜銀闕森森廣  
寒曉仙人玉仗有天香

次韵兩蘇公講筵唱和四首

白髮歸聯侍從榮未應江海歎飄零禽魚不與釣  
天觀想見羣龍舞洞庭

李公素譽壓朝端曾泝龍門鬣未乾雖愧彭宣惟

賜食未慙貢禹亦彈冠

纘服憂勤未有言諸儒經術侍彤軒九疇咸敘今

天錫三畫何人答夢吞

金玉誰人詠德音太平無象屬人心日高初散露

門講天上五雲宮殿深

復至凝祥池上

去歲相攜此地遊西風坐果奉靈湫春工變化渾

無跡紅滿枝條綠滿洲

題工部文侍郎周翰郭熙平遠二首

漁村半落楚江邊林外秋原雨外天誰倚竹樓邀

大鵬天涯算色已蒼然

洞庭木落萬波秋說與南人亦自愁欲指吳松何

處是一行征雁海山頭

呈文潛

無計河西尋杜家海棠空詠去年花煩君爲謝郭

少尹欲買纏頭迎犢車

郭明遠妓尤知名

和文潛二首

阮籍空貪步兵酒陽城猶戀集賢書飽知世事非

人力可是因玄更泊如

索米彊知當世策種芝欲訪隱人書未應只有鄰

邦約投老相看事事如

謝王立之送蠟梅五首

未教落素混冰池且看輕黃綴雪枝越使可因千

里致春風元自未曾知

恐是凝酥染得黃月中清露滴來香定知何遜牽

詩興借與穿簾一點光

上林初就詔羣臣紫蒂同心各自新誰見小園深

雪裏破春一萼更驚人

詩報蠟梅開最先小匳分寄雪中妍水村映竹家

家有天漢橋邊絕可憐

去年不見蠟梅開准擬新年恰恰來芳非意淺姿

容淡憶得素兒如此梅

立之家小鬟

和文潛試院道舊

壁月照歌淮上舫姚花引醉福昌城何如閭闔門

西北臥聽秋風枕畔聲

夜聞慎思吟風

疎林小雨月隴明商領琅琅半夜聲鄧子弓彊殊未發欲馳系本犯堅城

赴廣陵道中三首

醉臥符離太守亭別都絃筦記曾稱淮山楊柳春千里尚有多情憶小勝

南都雷守使雙鬟勸酒小勝其字也

急鼓繁琴下泗州却瞻金塔在中流帆開朝日初

生處船轉春山欲盡頭

楊柳青青欲哺易一春風雨暗隋渠落帆未覺揚

州遠已喜淮陰見白魚

出城三首

祝邵伯  
東新堤

桃欲呈紅柳弄陰麥田青已沒鞞深春堤細雨籃

輿溼婆餅焦聲在竹林

故國龍舟休水調高城雉堞尚雲間蜀岡朝雨如

輕霧不見春江草外山

堆案文書無了畢竝堤船舫且縈回非關重役年

年事自為春郊得得來

揚州雜詠七首

舶商不入古鹽溝疏鑿纒爭土一杯未說與圩灌

田事且還歌吹舊揚州

雷陂新作麥田荒曾說風興沒兩郎誰似當年李

刺史春波還引句城塘

欲穿九曲通淮子只費春夫數日工但見荷花三

十里何須更有大雷宮

蜀岡茶味圖經說不貢春芽向十年未惜青青藏

馬鬣可能辜負大明泉

早莢村南三里許春江不隔一程遙雙堤鬪起如

牛角知是隋家萬里橋

龍興寺裏青雲翰后土祠中白雪葩五百年間城

郭改空雷鴨脚伴瓊花

楊徐僭盜雄圖熾高呂陵夷霸氣闌猶有峴岡作

龍虎千秋原廟奉衣冠

題僧法芝鐘山詩後

明珠出袖四百琲座有煙霞草木香斷取鐘山擎

石掌那知不下淨名床

復和定國惠竹皮枕謔句

老來山水興彌深不在長安俠少林它日只為林



下計不將錦被作呻吟

和荅曾敬之秘書見招能賦堂烹茶二首

玉泉吟鼎月隙輪姑射風標兩絕塵只欠何郎窗  
畔雪戎葵爲我作餘春

一盃分來百越春玉溪小暑却宜人紅塵它日同  
回首能賦堂中偶坐身

守蒲過洛思十歲時侍先君寓居泣滄成詩

二首

建春門外柳依依迸淚當年綵服嬉窮子更無逢  
父日匿王空記看河時

先君欲築伊川意四十年間萬事非他日一屨從  
可卜白頭持此欲安歸

澗池道中

虎狼敵國易良圖望見將軍要引車不畏秦疆畏  
廉鬪古來只有藺相如

次韵提刑毅甫送茶

烹羔煮餅漸宜秦愁絕江南一味真健步遠梅安  
用插鷓鴣金盞有餘春

次韵閻仲甫郎中病起二首

伏波七十老蹙孤意苴何曾適病軀高臥輪公無  
一事評詩校画是功夫

脫略軒裳陶隱居肘書百卷事寧軀夜岑日長東  
山澀早晚柴車命僕夫

濟北晁先生雞肋集卷第二十

濟北晁先生雞肋集目錄

第二十一卷

絕句

東臯十首

卽事

望金陵

金陵南數十里江心烈山崢然特起猶金

山也家人云安得隱於此作一絕

采石李白墓

宿采石追懷沈丘叔父

過銅陵南望九華

連日順風

皖口遭風

馬當風濤中

大風過彭浪磯

題彭郎小姑祠

江心望彭澤作

過分江口

湖口

大孤山祠

題廬山

開先寺前望瀑布

栖賢寺三峽橋

舊說廬山有紫芝田百畝人莫得見偶於

開先栖賢林中步兩日各得一枚正紫

如玉戲成

宮亭神甚靈云有婢名如願以借客有所

求叩如願卽獲神又能於湖心分風使

上下各得順風故劉刪詩云回艫棄派

水舉掉逐分風

彥魯遯字號卷余擢爲開封第三用彥魯

韻

孔雀院後蒙泉

貴溪徐氏招隱園晉王表避亂居此山依

之者數千家其詩云逍遙入南斗者也

遇赦北歸

移竿山五杉歸植里弟

皖口寄懷前太守陳公度

鍾山有石故名

初上安仁灘清見毛髮其中奇石五色可

掇拾也從縣令借圖經溪曰雲錦溪村

曰玉石村

弋陽道中

齊山怪石森聳其西峯曰小九華

次韻無極以道寄金山寺佛鑑五絕

清口懷應書時雪中舟行

舟中卽事

魚溝遇大水

祝家墩阻水旦起舟人云天上風花順矣

作一絕

懷緝居

欲求閑局理舊學作

初望廬山

由開先萬杉栖賢羅漢入城南康守云惜

君未至紫霄峯也因以此荅

望香爐峯

題周廉彥所收李甲畫三首

鵲

雁

鴨

松菊堂讀史五首

仲光寄紵袍

寄家人

濟北晁先生雞肋集目錄

終

濟北晁先生雞肋集卷第二十一

七言絕句

東臯十首

屋名盡掛陶家榜人物應慙菊畔身解作文章肯  
歸去不應陶後說無人

郭外朝陽一巷斜青槐廳事帶丘麻路逢扶轡雙

童問不是城東太尉家

小閣高原最上頭下床莫遣許公羞如今老罷欄

邊意不是元龍百尺樓

壁間最好管丘筆臥看三峯憶舊過夢入幽林小

谿去絕勝千騎向南柯

新植青桐小徑成兩行萱草一時榮春風百卉芳

菲盡長夏幽花却稱情

登登策策不須呼時動圓荷觸短蒲五步濠梁亦

堪樂相忘何必是江湖

四海萍逢兩弟兄百年膠漆幾張陳紅塵陌上相

逢子華髮林間偶坐身

屬元

尺五城南未足高只今小杜更飄飄算煙疎雨從

君勝玉子文椒聽我饒屬天

李君禪味詩情裏解作黃金不潤身目斷白衣檐

酒闌何妨聊破一罏春屬子

城市何妨亦隱淪賈君無意向紅塵東臯瓜豆如

雲處嫌我幽棲不卜鄰屬煥

卽事

半刺還為權刺史朝衙不坐坐鈴齋按頭通事通  
何事昨夜東園芍藥開

望金陵

龍盤虎踞望南津餘烈崢嶸尚霸陳醉者不知風

揭屋可能楊素是江神

金陵南數十里江心烈山岬然特起猶金山

也家人云安得隱於此作一絕

山如浮玉一峯立江似海門千頃開我欲此中成

小隱莫教山脚有船來

采石李白墓

客星一點太微傍談笑青蠅玉失光載酒五湖狂

到死只今天地不能藏

宿采石追懷沈丘叔父同應詔渡此今二十  
七年矣而叔父謝世補之方遠適泣涕成篇  
二十七年前應詔黃昏同上木蘭舟江山依舊人  
琴寂白首南遷淚迸流

過銅陵南望一山高出雲上奇秀可駭余未  
嘗至江南遽曰此九華也問之言是

雲端忽露碧孱顏如髻如簪縹緲間驚駭舟中齊  
舉首不言知是九華山

連日順風

咎日肩吾上國行魚龍黑浪自堪驚我今懶頓西  
風穩却是江神不世情

皖口遭風

欵起驚濤渺去程扁舟三日滯長汀無心坐使羣  
鷗舞莽眇吾知未可棄莊崗云棄莽眇之  
身出六合之外

馬當風濤中

從祖管爲州別駕上書嘗欲徑樅陽棄危更覺息  
遺跡慙愧篙師戒馬當

大風過彭浪磯

山東江窟方峰起江盤山過却重回無風此水常  
呼洶正用風狂水鬪來

題彭郎小姑祠

山與磯名從地志姑兼郎號出江民世間稱謂無  
眞實聞說雙祠自有神

江心望彭澤作

青山缺處大江奔江口山顏見縣門一世定無紆  
戀處故應來此著琴樽

過分江口

不行盆口更湖口明日廬山自此過猶恨西江不  
窮覽沅湘聞道亦無波

湖口

彭蠡宮亭浸全楚號呼噴吐出喉中此間曠蕩無  
窮水何處還容地火風

大孤山祠

江吞湖卷氣俱豪崛起孤峯百仞高歸爲嬋娟買  
絲屨却應還我所忌刀

題廬山

南康南麓江州北五百僧房綴蜜脾盡是廬山佳  
絕處不知何處合題詩

開先寺前望瀑布

白虹晝下崑崙頂半入青林久不回下洞水輪穿  
地底冰崖吼怒却重來

栖賢寺三峽橋

絕壁秋標天外劔深溪冬吼地中雷上宮未信無  
人到朱閣飛從頂上來

舊說廬山有紫芝田百畝人莫得見偶於開

先栖賢林中步兩日各得一枝正紫如玉戲

成一首

千古芝田人不到深林繼日拾瓊瑰從今為記晁

夫子曾到芝田百畝來

宮亭神甚靈云有婢名如願以借客有所求

叩如願即獲神又能於湖心分風使上下各

得順風故劉刪詩云回纜槩派水舉棹逐分

風

同舟自古無胡越南北東西路不同不問宮亭借

如願只求四面與分風

彥魯邇字號卷余擢為開封第三用彥魯韻

寂寂醒醒誰得知萬重故紙壓須彌不緣饒舌豐

千道拾得山間底小兒

孔雀院後蒙泉

檐頭山作屏當砌石眼泉為鏡照窗我亦困蒙如  
可擊此泉從戶到西江

貴谿徐氏招隱園管王表避亂居此山依之

者數千家其詩云逍遙入南斗者也

鬼谷西來一丈清三山箕拱慰高情時平尚欲依

王表南斗道遙畢此生

遇赦北歸

山猶故險水猶奔無復前年濺淚痕自是人心隨

境別櫓聲帆色盡君恩

移羊山五杉歸植里弟

一丘一壑感歸心過盡青山幾茂林自載五杉如

碧鳳欲看春兩舞庭陰

皖口寄懷前太平守陳公度

龍舒人

常愛東陵早拂衣  
我行曾不叩荆扉  
憑君天柱峯頭望  
看我扁舟幾日歸

鍾山有石故名

江上秋濤噴玉巖  
風鏤月鍊白雲緘  
爲君一叩無人境  
要聽洪鐘出萬杉

初上安仁灘  
清見毛髮其中奇  
石五色可掇

拾也從縣令  
借圖經  
溪曰雲錦  
溪村曰玉石

村

行盡江南最遠山  
却尋千越上清灘  
秋晴雲錦溪中過  
玉石瑰奇一萬般

弋陽道中

千日千程不厭行  
一丘一壑可隣生  
常憂束縛名韉死  
聞健尋山却稱情

齊山怪石森聳其西峯曰小九華

山上有山俱龍從  
谷中通谷更哈呀  
借君筇杖穿奇嶮  
直至西峯小九華

次韵無極以道寄金山寺佛鑑五絕

埋頭塵土欲忘年  
重過初禪第一天  
唯有兒童見

河性不將老面共蒼然

不應無手是無拳  
且看毛端現四天  
似向吾家得

消息鼓山餘響尚轟然

鶯子猶應昧此緣  
室中那有久如天  
饒師擲過三

千界浮玉西津故儼然

無極世緣如嚼蠟  
人言當住夜摩天  
此郎久學無

生忍此事吾知否不然

鼓角聲中特地傳  
只今鼻孔已撩天  
不應常作裴

休諾拚口何妨也默然

清口懷應書時雪中舟行

蚤歲單舟此水濱  
雪花都蔽引舟人  
重來五馬眞何事  
笑雪空成鬢上春

舟中卽事

終日平沙望渺瀰  
青林何許近漁磯  
波衝側岸淡蒲靡  
一點穿人翠碧飛

魚溝遇大水

沙行水宿幾江南  
石闕龍求久已諳  
秋水故應旋面目  
順流東望爲君慙

祝家墩阻水旦起舟人云天上風花順矣作

一絕

依依牛馬辨平沙三日扁舟近祝家明日揚颿應  
復駛蒸雲散亂作風花

懷緝居

自種雙桐已四年秋來匏瓠小籬穿上床不怕陳  
登歎我欲歸求許汜田

欲求閑局理舊學作

莫求致仕且分司此等劉伶笑婦兒投老寸陰如  
寸玉從君了事只名癡

故園歷歷眼中分非禹誰教不入門何處功名有  
成遂玉初不厭足猶存

初望廬山

休說江南青未了一菴一徑可容身宦程正迫西  
風急未是廬山矧足人

由開先萬杉栖賢羅漢入城南康守云惜君  
未至紫霄峯也因此荅

南康南麓江州北五百仰籃似蜜脾萬室千門俱

面勢不應獨是紫霄奇

望香壚峯

危樓曲徑羣岩遍蠟屐青鞵到處逢更上五峯雙  
劔表香壚依舊半天中

題周廉彥所收李甲畫三首

上林花妥逐鶯飛愁絕江南雪裏時嗶喏何須旁  
擔喜毡毳相對雨寒枝

右鵲

網羅無限稻梁微憐爾冥冥亦庶幾戲鴨眠鳧滿  
中泚衡陽無意更南飛

右雁

急風吹雪滿汀洲迎臘淮南憶倦游小鴨枯荷野  
艇冷去年今日凍高郵

右鴨

松菊堂讀史五首

不作文饒將相官野人亦罍黨人間籌邊措國俱  
無用空對平泉草木閑

吾慕斯人不以官會昌一夢中興間何須更作竊



愁誌秋雨長時睡正閑

明光甲挫三言內悉但謀虧一算間成敗關心不  
瞑目我今無此只應閑

平生精爽舉夔內一世功名貝錦間再夢令狐亦  
何事可能到死未心閑

當年伏地全楊李公亦何知愛惡間千古論心許  
公近百年歸意與誰閑

仲光寄紵袍

手裁白紵製新袍犢鼻應憐犬子勞倚仗衡門聊  
服此良人身不屬臨洮

寄家人

孟光家世自清芬鴻亦幽情慕隴雲汲水挽車歸  
去好荻苓日日長松根

濟北晁先生雞肋集卷第二十一

濟北晁先生雞肋集目錄

第二十二卷

絕句

子固席上雪得芟字

泊舟山陽偶題

及第後將謁告先歸畱贈成甫

貴溪在信州城南其水西流七百里入江

遊龍虎山舟中望仙巖壁立千仞者不可

上其高處穴中往往如囷倉棺槨云蓋

仙人所居也余意大水人宅山上所作

泊忠禪寺呈廖明略其地蓋千越寺在琵琶洲上

和雜酒十二弟見隆羌赴闕

和洛筍小發

叔與戲云謂我窮我嘗傷食從而嘲之

將別歷下二首

將行陪貳車觀燈

定陶舟中

栗區村與无斃別

與子真諸人飲求仁不預作怨詩因戲荅

題毅熟驛舍二首

送永嘉縣君回至鹿邑東門外作

謫宋徙毫初聞周璠琵琶

題伯時畫

虹縣逢无斃自玉山歸二首

省曹夢游山示无斃

東坡公以種松法授杜子師為作詩子師

求同賦

自畫山水畱春堂大屏題其上

自畫山水寄正受題其上

次韵芸叟文潛體之觀音院題名

贈許體之

呈毅父提刑

十月九日初謁衛真大清真宮二首

寄李成季

累得周同年鏐書

燕都對酒憶玉函山

題段吉先小景三首

綴古詩懷家

題僧曇秀鍾山雜詠後

赴齊州道中

題袁耕道所收小飛來

讀蘭相如傳贈李甥師蘭

濟北晁先生雞肋集目錄

終

濟北晁先生雞肋集卷第二十二

七言絕句

子固席上雪得芟字

新霜一夜草如芟午酌臨軒雪點衫不怕夷門清  
著骨故教詩句聳巉巖

泊舟山陽偶題

五歲淮山一夢新扁舟曾繫市橋春津亭石磴雙  
垂柳見我依依似故人

及第後將謁告先婦畱贈成甫

還家消息約薔薇眼看薔薇日日稀不踏龍頭遊  
碧落君恩許伴晚鸞歸

貴溪在信州城南其水西流七百里入江

玉山東去不通州萬壑千巖隘上游應會逐臣西  
望意故教溪水只西流

出遊龍虎山舟中望仙巖壁立于仞者不可

上其高處穴中往往如困倉棺柳云蓋仙人  
所居也余意大水人宅山上所作

稽天巨浸洗南荒尚有千峰骨立疆民未降丘應

宅此舉頭天壁有困倉

泊忠禪寺呈廖明略其地蓋于越寺在琵琶  
洲上

遲君于越忠禪寺彌月忘歸住翠嵐忽見琵琶洲  
上月始驚全室在天南

和雒酒十二弟見降羌赴闕

二鳥蒙恩豈有知車書混一是昌期知君不化伊  
川祭右倚門牆恐見麾

和洛筍小發

叔夜青山肯長往不應石髓化山堅君會籜龍纜  
小發恐君心未老伊川

叔與戲云謂我窮我嘗傷食從而嘲之

羊踏胸中昨夜蔬不應捫腹怪如壺婦家得餽猶  
須忍莫索檳榔笑爾臞

將別歷下二首

來見紅蕖隘渚香歸塗未變柳梢黃殷勤酌突溪  
中水相送扁舟向汶陽

鴛鴦鷓鴣繞漁梁搖漾山光與水光不管使君征

掉遠依然飛下舊池塘

將行陪貳車觀燈

行歌紅粉滿城歡猶作常時五馬看忽憶使君身

是客一時揮淚逐金鞍

安陶舟中

繚繞春堤去欲窮參差煙場到還通依依潤柳侵

晨雨細細吹花傍午風

栗區村與無駁別

十年投分昔卿相四海論心只弟昆老憶躬耕困

隨牒春風揮淚栗區村

與子真諸人飲求仁不與作怨詩因戲荅

結習徐看蕩劫灰天花從自落空塔似聞滿室唯

澄水投礫何因出定來

題穀熟驛舍二首

驛後新籬接短牆枯荷衰柳小池塘倦游對此忘

行路徙倚軒窗看夕陽

一官南北鬢將華數畝荒池淨水花掃地開窗置

書几此生隨處便為家

送永嘉君回至鹿邑東門外作

冬溫榆柳未全彫黃蝶飛飛綴野蒿華髮不堪悲

世故斜川歸興滿東阜

謫宋徙亳初聞周璠琵琶

棗園慄慄檜廳寒醉倚琵琶倒鶻冠不似江州白

司馬只成怨恨不成歡

題伯時畫

單于射獲明妃笑勸酌蒲萄跪小胡不恨別宮昆

莫老應憐超蔡子南夫

虹縣逢無駁二首 自玉山歸

清河慘執汴河逢萬里悲歡一夢中不作常情問

京雒魚山好在故園松

千載昌期尚此逢詢謀多在布韋中南歸已後鍾

山集猶憶君王代塵松 鄭譏對陳主鍾山陳主與松枝令代塵尾

省曹夢游山示無駁

萬里歸來兄弟樂百年多病井廬思如何騎馬穿

靴地只夢登山著屐時

東坡公以種松法授都梁杜子師并為作詩

子師求余同賦

不學栽橙業種松未慙履稀笑屠龍許君盡得東坡術已與先生一事同

長錐散子巖巖遍短竹扶條歲歲添待得烹茶有松葉不應更課木奴鎌

佩牛未敢邀君出射虎何當許我從要看堂堂冠劔叟蒼然十萬甲夫中

自画山水畱春堂大屏題其上

胸中正可吞雲夢盞裏何妨對聖賢有意清秋一作扶入衝霍為君一作毛一作無盡寫江天

自画山水寄正受題其上

虎觀它年青汗手白頭田畝未能閑自嫌麥隴無佳思戲作南齋百里山

次韵芸叟文潛體之觀音院題名

壁上棲鷄粉剝紅萍游無定得風同故人妙墨何人識文豹依依霧雨中

贈許體之

樓下無心臥許公求田已約算年同詩來正值花

如雪心事春風浩蕩中

呈毅父提刑

不酌公榮有意哉可能元亮此公儕但讀離騷攻須酒不應須為菊花來

十月九日初謁衛真太清宮二首

虛庭下拜初形肅祕殿瞻容更魄驚何必囊函窺至妙始知塵垢負平生

帷間角塵千年白庭下髯源一點青當日棄雲無馬跡只今遺木盡龍形

寄李成季

聞驅傳節向秦關何日重來玉筍班猶勝譙都拙司馬苦無官况不教閑

累得周同年鏐書

譙都司馬拙依然翻手為雲絕可憐唯有鳳翔周錄事手書連月寄同年

譙都對酒憶玉函山

齊州西樓對此山

不遣西樓對玉函宋譙頻綴副車銜今年重汗花

前酒猶是揚州別駕衫

題改吉先小景三首

慘澹天雲欲雨低  
秋山人靜鳥聲稀  
似聞谷響飛黃葉  
恐有孫登半嶺歸

人生何事踏塵埃  
閒處胸襟足自開  
不作終南養高價  
小山幽桂好歸來

碧天無際日悠悠  
風靜沙平不見洲  
彭浪磯邊亦如此  
危峯獨木繫扁舟

綴古詩懷家

二月已破三月來  
蝴蝶忽然滿芳草  
正是歸時君不歸  
及至君來花又少

題僧曇秀鍾山雜詠二十首後

明珠出袖四百非  
坐有煙霞草木香  
斷取鍾山擎石掌  
那知不下淨名床

赴齊道中

淮南蒙召鬢毛斑  
乞得東秦慰病顏  
曉整輕鞍汶陽北  
却衝微雨看青山

題袁耕道所收小飛來

藏山常恐負而走  
壺中九華安在哉  
憶似冷泉亭畔見  
為君題作小飛來

讀蘭相如傳贈李甥師蘭

岷岷六國共愛秦  
獨有相如智不羣  
完璧東歸何足道  
最賢能下怒將軍

濟北晁先生雞肋集卷第二十二

濟北晁先生雞肋集目錄

第二十三卷

挽辭

欽聖皇后挽辭二首

欽慈皇后挽辭二首

王拱辰太尉挽辭二首

趙開祖挽辭一首

蔡州叔父金部挽辭五首

蔡州叔父金部挽辭別二首

秦國夫人挽辭安門下母二首

秦國夫人挽辭三首

任承制挽辭

濟北晁先生雞肋集目錄終

濟北晁先生雞肋集卷第二十三

挽辭

欽聖皇后挽辭二首

神開大馬表坤祺象配黃龍耀母儀艱棘從權非

本意憂勤復辟竟先期欲書皇極難倫事不在關

睢卷耳詩陵作因山名改聖君王仁孝自生知

蒼黃大策中先定洵涌姦言外獨驚可但觸山憂

地坼只應鍊石見天成江湖自谷波濤遠日月如

今晝夜明盡作兒啼送文母不知簫鼓若為聲

欽慈皇后挽辭二首

仙馭飄飄不可尋西陵寶冊縫衣衾禮遵章懿因

仁志謚酌欽慈自聖心感泣萬人隨遣奠恩勤千

古詠徽音一言能使民忠勸要識吾君孝治深

弓鞬它年事炳靈紅光滿室眾潛驚人言薄氏誠

君子天與文皇兆大橫聖有至情風不止邦傳慶

祚日重明百神陪扈朝陵寢想像登輿動珮聲

王拱辰太尉挽辭二首

賈山辭賦妙升堂十八高名擅雒陽遭主聖人千

載事濟時賢獻萬夫望已加壇上將軍鉞未促齊  
中相國裝曾有新詩介翁壽悲歌何忍送歸牆  
童年已切耆英慕壯歲初陪後棄遊衛幕橐弓皆  
廣建梁筵進牘竝枚鄒雲臺生面丹青古馬鬣新  
封草木秋是事公應付蚬甲蒼霞誰見揖浮丘

趙開祖挽歌辭

萬里歸來兩鬢霜故人如玉閨幽堂淒涼長吉無  
題句冥默淮南未試方空復藏書如冊府何由載  
酒更僧坊諸郎文字能傳業開府風流未渠央

蔡州叔父金部挽歌辭五首

文詞蚤歲諸儒上操行當朝國士期清世急賢千  
載事白頭齋志一州麾

省中共幙青綾出關內同驅五馬行何許書來一  
千里西風淮上淚縱橫

青史他年羨二疎功成脫屣向迷塗薄遊竟後拋  
官約常愧都門長大夫

聞道一屨親卜築亦求百畝伴鉏犁卹知湖海歸  
來日只及鄉閭會葬時

竝直儀曹前後廳當簷種竹已青青平生不試南  
宮筆可忍圖公地下銘

蔡州叔父金部挽辭別二首

書來猶勸還鄉早路梗誰令去棹遲曾綴鏘金拜  
先壘可堪扱衽送靈輜

學比我公常恐後身於餘子似蒙知心驚竝直儀

曹夜淚盡孤吟海浦時

秦國夫人挽辭安門下母二首

瓜瓞傳仙裔鳴鳩媿積功龍章看子貴鶴髮與夫  
同揄翟丹青裏珠襦鼓吹中秋原送車淚斜日起

西風

城南塞冠蓋哀挽送何人吉卜郊連浚恩封國號  
秦相碑空復古蒿里不知春應奪居廬念朝廷佇

弭臣

秦國夫人挽辭三首

指李仙源後與唐帝胄餘家傳湖北句人誦嶺南  
書知子唯賓客揚名屬起居平生操史筆遺事一

歎獻



相國家風獨夫人壺範如寶珣宜服象文錦合軒  
魚感慨溫成議光華慶壽餘非夫聞敵退應愧此  
生虛

酷好春秋學親書列女篇胡兒吟敢竝逸少字方  
傳餘事猶閨範高材自世賢凱風君莫誦秋柏已  
成肝

任承制挽辭劉投勘槩求作

生業清談外浮名痛飲餘誰令力如虎坐使食無  
魚壁冷猶鳴劔床空未卷書呻吟待河潤秋柏只  
遺墟

濟北晁先生雞肋集卷第二十三

濟北晁先生雞肋集目錄

第二十四卷

書

上皇帝北事書

濟北晁先生雞肋集目錄

終

濟北晁先生雞肋集卷第二十四

上皇帝論北事書

臣晁補之謹齋戒擇日昧死上書皇帝陛下臣竊年抱經志願局促綠衣紵絮多學無益竊甘野人自曝之溫輒味廣厦重裘之煥退無尸祝尊俎之位進于庖人操刀之職不計僭越冒言天下之事陛下赦其狂瞽而矜其市井草莽有介然之心一賜察省天下幸甚天下之治莫大於制禮作樂而臣之愚以謂二事有在於施設之後者其所先舉者以定天下晏然則禮不制而備樂不作而洽凡此所缺特北胡一事而已臣患之至深以謂陛下神道設教紀綱旣正天下大定燕居而高拱百工安職四民樂業矣而不能無一朝之事或經聖慮者庶幾在此迺臣之狂瞽而深患所至有取萬一則臣區區窮年抱經志願局促猶不爲綠衣紵絮多學無益夫豈惟天下幸甚臣之師教臣亦若此也北胡猖狂敢冒故疆使天下百年有爲兵不得藏今四野肅清邊不告遽而縉紳先生四方寒士

或北首憤悻爭道利害者非願於太平無爲之時生事覓功特以中國之地前王之舊有未復而已獻言陳計者踵相接於國陛下優而容之如假種借耕久貸不償亦不以券責豈非周慎再思萬舉萬全以謂將欲取之必固予之不欲以所重試所輕哉內治未具不遑外憂心腹旣寧手足當治以今準筭莫利此時置而不念何以異夫宿雨坳池科斗所流不以時去設不害事而鼃黽日暄乃臣之所願爲陛下深患者特曰以中國之師責中國之地得地而師解不爲無名如此而已陛下知兵之道愈於黃帝復古之功過於宣王披圖在目長想遠慮則窮髮龍堆螻蟻藏情不待前箸而臣私憂過計竊不自揆忘已之愚不敢膠柱鼓瑟御馬以書陛下發天光使得竭忠則言而有罪非臣所敢避也夫北胡之盛莫盛漢唐而所以制胡亦漢唐爲得三王以前事則經見戰國之際人自爲防徧舉悉數則孰與四庫之書終始爲備百執之謀同異致詳故臣輒皆置而不論論漢唐之所以

制其疆者其疆可制則方其弱時不論可知漢病  
匈奴唐病突厥至於畿內鳴鏑渭橋按轡後宮辱  
於瓊表宗室降於絕域其形如此之逼也然而列  
五單于滅兩突厥擒回紇制延陀漠南塞北皆漢  
之賦盧龍松漠皆唐之府臣深患至此然後知北  
胡之盛雖莫盛漢唐而所以制胡亦漢唐爲得也  
冒頓烏維力足以弊漢而武帝雄才數戰不倦匈  
奴絕幕自以漢不能至而漢率二三歲一出或二  
千里不見一人故匈奴至於孕重墮殯罷極苦之  
夫搏鼠當庭善遁易失灌垣熏穴則生無聊賴故  
欲戰在我則不欲戰在敵此其情自咎然也頡利  
突利進如颶風而太宗知兵善戰虜在其術中而  
不悟兩陣馳語二主坐攜六騎臨水羣酋奪魄靈  
朔之境曰我將滅之命有司更所與書爲詔若敕  
患摩屏懦至感恩流涕願爲一犬守吠北門蓋五  
十年無突厥患臣嘗壯二主以謂得一時之權置  
三王之事則漢唐之事猶在中策何遽無策乎今  
臣又計之耶律雖桀鷩其疆亦未有以過匈奴突

厥者陛下神武不殺高越前世制之得術可使繞  
指惟上之命何至越百餘年而不暇營哉臣請爲  
陛下言契丹可取之形五古者北胡無大君長種  
落部族不相統攝搏鬪擊疆者爲制往往而聚  
者百有餘戎勝不相推敗不相愛尺地一民不自  
保而有也無城郭邑居故其民遷徙難制無耕田  
作業故其人食足不勞無文書約束故其人一而  
易使無管陣行伍故其人戰自趨利彼以其智力  
之全不治四者而一之於鞍馬射獵中國亦以其  
智力雜治四者日夜不息而以應戎狄之至開故  
其自視常以無法勝中國利則烏合課而從人不  
利則雲散四去欲追無所自冒頓盡有北陞之地  
胡人始不安其舊而有侈心尺地一民皆欲保而  
有之不能去也其後衛律教單于穿井築城治樓  
以藏粟或者以謂胡不能守降及唐世尤以合中  
國之好爲重至佩印綬服爵命廢一置一皆決於  
朝廷亡虜之在中國者或樂而忘歸胡人自是益  
雜中國之俗乃臣以今料之則盧龍范陽中國故

地又非特如此而已城郭邑居耕田作業文書約束營陣行伍四者皆因漢俗而胡無一焉雜處而交治欲其胥而胡不知彊勉之難堪此其可取之形一也冒頓烏維伊種皆席匈奴之始彊能以其力爲中國患武帝中年力盡於北胡而朔方之患無歲無之然匈奴卒不能踰塞而南以有漢尺寸之地而陰山艸木茂盛單于之所依阻者漢輒奪焉匈奴失陰山之後過之未嘗不哭也頡利突利延陀之兵皆號精悍數入寇唐一旦至渭上薄畿內唐亦以其南征北伐之餘力完不弊日削月剝至奪之地而緣都護府不敢輒怨蓋未有坦然肆志窟宅中國之地藏獲諸夏之民如耶律之侈者臣嘗計之其君亦非有冒頓頡利等輩沈毅雄勇之姿阿保謹特有天命而德光之暴以謂晉之立自我晉亦不勝其德而屈之驕子不制日益侈大割地弗厭至踐中國此如黔中之驢土所不產方其一鳴虎爲遠道而其技止此亦足悲也夫人之情勝則驕驕則不自彊棄秋未霜則水濱之腐草

猶足以爭明於陰夜天寒既至萬物將肅則莫或使之一夕而零其理然也璟與明與賢皆柔懦不事事隆緒稱多謀不能復振焉宗真好樂兩母爭權至內相殘當是時皆有可棄之隙而中國不取迄於今四十年彼其君苟非有過人之才臣知今日之治與璟明宗真未大異也夫知敵之主知敵之將則每戰不殆彼曲我直我整彼亂此其可取之形二也石氏之割地當其需人之力制命在外無以異於晉惠公河外之列城買人而已無積仁累義之資一朝而有天下舉天下之大德儼然常恐其不能守何暇重割地哉窟室之人驟獲千金不能經營販夫孺子皆得以起而制其弊富家巨室力足以仁其四鄰則四鄰之外所衣食者猶我有也尚誰得而嗇之哉石氏既亡京師不守中國爲之一虛當時人君內憂其腹心外病其四鄰中國狼顧自救之不暇故胡人得以竊計其不及圖已而跳踉虛喝求以堅中國不動之心至於柴周天下小定以其享國之日淺乃能用一朝之議一

戰而勝以復三關由是言之胡雖彊中國雖積衰之緒猶足以勝之况治朝哉律耶明時胡已浸盛柴周之取三關蓋人有告之者曰此本漢地何惜之有然則彼其平居驚然不顧跳踉虛喝豈固敢吝其非已有之分爲所常守之資哉求以堅中國不動之心而已今國家百年太平而陛下神武不殺高越前古心有所懷威動萬里柴周叔世臣豈敢議然以今天下言之運偶聖人時在千一富萬柴周力萬柴周將賢則萬柴周士勇則萬柴周斷而必行鬼神且避以懾小寇勢易破竹此其可取之形三也太祖龍興不折一矢不馳一馬而有天下天下稽顙而稱臣五國委命而下吏夏商之興莫若此之捷也當是時舉中國之兵十二萬而已太宗皇帝繼以神武之資經營四方至于大定并汾之討師久於外雖迄奏功然倉廩之美士卒之銳殫億於河東太宗爲社稷長慮慨然太息有恢復心士不弛弓馬不解勒倍道兼行越數百里一日出塞金鼓之聲如在天上虜不素備而燕城遂

圍分軍收城所向輒靡天下以謂遂無胡矣幽燕之人老弱登埤而望樂輿無意復戰虜之計自謂力不足抗乃爲先聲張言兵至號五十萬太宗重愛民命不肯以力服虜欲退脩德以懷之而師久翱翔士馬南首亦有息意幾舉而捨燕旣釋圍而諸將所下輒復爲胡蓋臣聞之城中有謀執其帥而降者王師旣還莫不泣下雖然胡人自是始有疑中國之心四方已定中國厭兵景德之役蔡中不虞大舉來寇章聖北巡天意助順曠弩竊發遂隕達覽虜相顧自失屈首請命亦無復鬪志當時之議以謂蔡勝席卷兩翼遮前大軍從後可使無遺噍而天子嘉其旣服亦棄不戮虜始痛自懲艾以謂中國不可得而侮也夫太宗以收并汾之餘力計議無素倉卒北狩然而一舉幾復章聖以寇出不虞至犯輔郡出師逆擊然而一戰遂却况今陛下席祖宗積累之舊虜不加彊而中國之盛則倍前日肉食之謀芻蕘之言壘數十年已審已備計成而動何慮不獲此其可取之形四也太祖

神武有希世之謀御將訓兵臨機料敵出人意表舉天下之衆宰制役使如視嬰兒嘗謂胡人之衆不過二十萬吾以十縑購一胡二百萬縑足矣以太祖神武左右之將不滅衛霍滅越滅吳滅江南滅蜀滅河東天下已安四方之金帛充於內府士卒平居無事奕博超距志意無所聘當是時中國特不舉設有爲虜孰能禦之者天下百年無水旱兵革法度攸脩人物阜安以三十年之通制國用山積水委漢唐所無則成太祖之志臣以謂固在於今日陛下建學設科使爲士者知兵頒教立法使爲兵者知戰十有餘年愴慢疲軟之氣旣復極矣而堅甲利兵羨於四邊偏州小戍不移而具臣竊以北道三數者言之通都要路一庫之藏足以衣被十萬况濟之以大司馬之備也驟騎西征編師南略河隍六城交州九郡歸命內附而飛輓之煩不及於邊民此其美古未有也舉事動衆宜百日之費者今千日之費不憂乏宜百金之賞者今千金之賞不憂匱蓋非徒以厚費重賞爲得也要

以爲前世之所不爲者知今日之能爲之而已順流建瓴如風靡草以臨不加彊之虜此其可取之形五也兵法曰形兵之極陛下亦旣知形則不圖而何待臣請爲陛下言所以入胡之策夫欲興大事所病者兵不衆食不充天下之言者必曰舉二十萬衆度百日糧鳴鼓而攻之以臨不加彊之虜如孟賁之戰嬰兒何往而不可入而臣獨計以謂非勝之難所以入虜者實難以樊噲之驍悍自意得十萬之衆足以橫行於匈奴而或者曰樊噲可斬夫使好奇之人不度是非不量利害高論而愾慨其言固甚可喜然空語無施於實事則陛下尚誰取之今臣則不然舉二十萬衆度百日糧非三年經營之不可借使以國家之盛一朝而可集銜枚縛馬口千里奄至雖計甚秘而人固有知之者矣縣十許州塘水之浸以彼入非易故我入亦難阻塞而陣燕亦起而拒白溝之南兵雖衆食雖充非勝不能入也臣請爲陛下下効臣之狂計蓋管者尉陀畔越漢兵出豫章出會稽而唐蒙獨上書發

巴蜀罪人下牂柯以出越人不意卒擒尉陀蜀姜維拒劔閣鄧艾乃潛自陰平馳無人之地七百里卒降劉禪兩人者若按之以事而索其情則皆近乎不知迂直之計而臣則以謂論越與蜀者不如是則不可得而入今虜之勢亦何以異此臣請先爲樓船百艘精甲萬人浮膠東待渤海而勿發使大軍出次於王畿聲言以十萬出瓦橋瓦橋敵所備出亦此入亦此在兵法則所謂以正合者也潛軍其東以五萬則自滄趨平州同時而偕發濟軍其西以五萬則自代趨雲州同時而偕發平雲非敵之所素備則滄代之兵宜易入兩翼偕縱則燕之東西可擾矣東軍入平州戰且誘以稍西行附於瓦橋之大軍西軍入雲州戰且略翱翔乎蔚朔之間而東以牽制敵勢敵必分軍以禦雲州然後瓦橋之大軍與東軍合勢而偕入則涿州新城不戰而可收東軍既棄平州平州備少懈然後渤海之精甲可以乘閒入平州平州下則營并舉矣乃間使渤海之師通高麗曰中國責故地高麗宜以

爾兵從而析渤海之精甲三千背道絕險以徑中京之南緣古北之後奪關而守之謹守勿戰虜狼顧自救然後雲州之西軍鼓而東以取易州而與大軍合吾兵益張乃稍棄勝逐北則燕城可圍矣度燕城之大二十七里而止一人而守地六尺三圍之則滿卒三萬守地無餘以二十萬衆頓燕南攻而圍之若適三萬則是野戰以拒虜之大軍者猶十七萬也度虜之大軍亦不過二十萬盡燕城之大而以五萬人實之不能容矣虜之名統軍在燕城者其所護契丹奚渤海兵馬數才滿三萬而其曰侍衛在燕城者騎一萬步一萬而止借使臣所聞未實虜能益之度燕城之大不過容五萬則既勃蹊矣而大軍相持僮囊未決其勢不相救以三萬銳師濟以臨衝雲梯之械并力而急攻間使張良陳平不愛千金從反間以啗城中臣虜之子孫能以禍福喻其衆使內附者許以封侯萬戶之賞彼其在虜或身居將相而服衣食飲不免於輿阜之賤一聞德音宜有發憤內應如望并汾之師

者一人有心則舉燕城之內其勢搖矣燕城可圖則山前後之地雖未盡復可徐致也臣又率臣之意料之使虜能出上策中國之師始動虜無空國逆戰亦以二十萬拒大軍而更練奇兵間道它徑反棄我隙我大軍遠戍深討而虜兵出於不意釋燕而自鬪則前功一發而盡廢欲勿釋耶而自治未可安能治人然而舉塞上十許州言之大軍出瓦橋矣又五萬出滄五萬出代虜亦以其軍三析之而應我滄翼其右而霸與信安保定介其間使堅壁勿戰則虜雖出奇兵亦必不能入霸入信安入保定代翼其左而保與廣信安肅介其間使堅壁勿戰則虜雖能出奇兵亦必不能入保入廣信入安肅何則吾爲之守者素也置是數者自渤海之東言之操舟於水固非虜之所宜便而其所不當忽萬一可虞意者其西北之疆乎晉唐安祿山以范陽亂稱兵道胡中犯京兆不期月耳臣嘗考之圖志則祿山所行自燕而西其跡具存不可不察也國家方恢復河湟全秦之力河湟之所仰或

者患患而豫防之益全秦之地以待虜之出於不意如此而已臣又率臣之意料之今單于之才不聞其沈毅雄勇敢爲難制如冒頓烏維頡利突利等輩比者其左右賢王谷蠡亦非有如張說所稱關特勒噉欲谷之徒超卓過人之才帖帖然慕中國學文字工語言是口尚乳臭安知出上策哉虜計出於數者而皆不能遂則臣之所料不過舉國與師烏合蟻聚而已使虜先能扼古北口而守之渤海之舟師無以伺其利則我東軍扼彌老符家私亭口之右以西軍扼挑峪紫荊金坡口之左使其東西不能出奇而後大軍鼓行而陣以挑其南虜進不能拒退無所逃不力戰求勝則必有內顧自保之心此在兵法所謂窮寇臣請勿薄勿逼緩而持之置曹王居庸等關而無奪以開其生路我亦視白溝之南塘水之浸所從歸者狹何以異於淮陰泝水之傳食東西與北三面薄阻而背阻塘水則士卒無所往其心宜固當是時陛下得人如韓信使塞其會則攘而扼之於井陘莫利乎此顧



爲陛下將者如何耳臨衝雲梯器械致修士力致完以中國之善攻而加不能善守之虜則二十七里之城而已何爲而不下燕城下空其積以賞戰士以臣度之三年可以無飛輓自京東西與河朔之列郡更輦縵穀以實之臨以重臣列亭障於外燕可守也陛下以河湟六城之富孰與全燕河湟遼遠城中素空匱中國且能保而實之則全燕之富其易守可知也惟其城郭邑居耕田作業文書約束營陣行伍無一不出中國之舊今以中國之法守之其民宜易安燕城旣守則凡石氏之故地猶不盡舉者未之有也雖然臣猶有說者則在乎先勝而後戰夫人人之地欲其不迷不可以不知地索人之情欲其不匿不可以不明間地可知間可明而軍無選鋒則兵不可以交有選鋒而不較長短不合外助則雖多猶寡也臣請爲陛下言所以必勝之道陛下誠得數十將用之則何患夫四五者爲今之慮士已知兵兵已知戰而臣獨過計以謂今選於班列以將名官者患未試而已夫將

欲興大事不可以無重臣重臣君所信功業已試可使士卒素附可使四夷知畏可使位重德亦重可使權重威亦重可使舉一軍二十萬之衆而重臣得其人軍之命定矣千夫長萬夫長才各不同則舉二十萬之軍大吏偏裨二百人而後可也夫安能皆得重臣者而使之將委之有司之選耶則天下必有蕭何之至明然後可以知韓信之未試不然則趙括之易言不窮天下幾何其不以言而信之人之才有不能治一妻一妾者有不能耘三畝之宅者持籌挾算擐甲百萬守地千里儵然不勞乎其間忘咎之短也平居自喜袒裼而按劍志如飄風而聞金鼓之聲失氣而死此人之情也然則將其可以不試哉天下之言兵曰微妙者祖孫吳然臣以謂是何以異於宋人之遺券密數其齒而曰吾富可待豈不誤哉陛下知人能哲興大事選大將帥旣已得其人矣凡此臣不敢議然臣以謂舉二十萬衆而爲之吏者二百人所試者在此而已子文之治兵終朝而罷不戮一人子玉之治

兵終日而罷鞭七人貫三人耳然而君子與子文李廣之行軍逐水草不擊刁斗程不識之行軍嚴斥候擊刁斗自衛然而士卒樂李廣將之才固不可而一也孫武之試於吳也以婦人孫臍之試於齊也以上中下馬用之於婦人用之於馳馬非將之常也兩人者唯其無所不可用以成功故卒之武能將吳以入郢臍能將齊以却魏豈不用其試哉驪山之閱天下撥戎服以令賢如郭元振幾以失軍容而誅而薛訥解琬乃獨有不動之軍教使然也今天下之吏以將名官握兵柄習軍事者環列於輔郡迫數十人平居無事大專駟馬洋洋乎國中與之言兵而不能者幾人若此臣豈敢以爲遂乏才哉凡所以必待試而後可用者特不敢以能之於平居無事而信其用之於倉卒擾攘也陛下知人則哲能官人用人之仁去其食用人之勇去其暴用人之智去其詐皆得其所以用則向之四王者凡可以委之夫將而已以二十萬之軍度百日而後罷斲役在焉人日糒二升則率兩日而

食非萬石不可百日則百萬千日則千萬邊儲不足以給則不可不權而入之於民今天下之買爵者緡錢五千高得一尉下乃助教極矣爲之說者曰商賈之子孫不可以揭而加之於民上此爲說者之過也天下無賴之民游守不業計窮力盡者皆起而爲兵能犯矢石致頭首有一日之勞則紆朱懷金美爵厚廩往往而加之民上者皆是也何獨至於民而疑之天下之民不幸而陷于盜賊白日殺人而奪之財亦可棄矣甚者竄山林晨夜聚嘯州里爲之搖動其中有一人焉造利而自言則賞千金而命之官未始疑也則夫商賈之子孫雖其類則賤矧未至於盜賊哉臣請爲賣爵如漢故事惟勿爲郎而已其餘皆可易之以它秩得比朝籍與京師官率能入粟於邊滿三萬石者爲之等級以授事定而止不過假百人粟可充也晉武帝用晁錯議卒弱匈奴乃臣區區意竊在此陛下幸聽焉則其詳有司可得而講也何謂之地夫四夷之與中國其土地風俗剛柔險易之不同猶之城

市之與山林竝得其宜各便其欲未嘗同也百蠻之地皆阻山負海遠者去王畿數千里一隅有故不得已而應就其近者調之則兵少不足以用欲置大軍則病道里之遼首尾衝決倉卒不救設或遂能致之其土地風俗皆非國之所習知萃百萬之衆而頓絕微之下欲深入不可欲致敵不能譬之逐兔叢林遇穴而失則良勢逸足猶翱翔傍徨雖巧而無所効其理然也東南西南羣夷皆絕遠致險論其近而與中國比者則莫若北胡古者北胡則本非與中國近且比也險塞而北至於寒露遠野人跡所不至者乃稍稍屯聚蓋李牧破林胡雖斥地千里而胡不能吝自漢至唐迄於五代始侵尋曼衍浸有中國之地自王畿而言則白溝之南千里而近耳置驛十數則舉朔漠之事十日而傳之可聞城郭邑居漢也耕田作業漢也文書約束漢也營陣行伍漢也舉山前後之地而言之無爲而非漢者臣嘗披圖而觀起白溝趨燕城二百里而止居庸曹王大安黍谷崆峒之山環抱如箕

而燕城峙其中自白溝而北衆山而南燕城之四隅在箕中者其地如掌由燕城之三隅東西與北衆山之塞川關要害遠者不過四百里近乃二百里而止山非不可涉也水非不可涉也土地風氣水泉百物之產又非中國之所不習也徒可徒騎可騎車可車何動而不可圖正可正奇可奇伏可伏何動而不如欲願爲陛下將者如何耳何謂明問夫書生之論以謂仁義之兵無術而自勝此臣讀孫子至所謂賞莫厚於間事莫密於間非聖智不能用間非仁義不能使間非微妙不能得間之實臣始不信今乃知之夫使仁義之兵無術而自勝則敵衆我寡亦勝敵彊我弱亦勝敵實我虛亦勝敵逸我勞亦勝敵有備我無備亦勝而聖人者何事乎教民七年而後卽戎而其曰不教民戰是謂棄之者又何用也夫仁義王者所以無敵於天下不得已而去焉兵可去而去仁義則不安至於不得已而用兵仁義非可忘而所謂權焉者蓋聖人亦多有之而未嘗去也孫武無王佐之才而其

言有用於王者之事間非平日之所宜先也故非聖智不能用非仁義不能使非微妙不能得其實如此而已聖君叅之以獲夷狄之心賢將持之以制三軍之命士卒獲之以幸封侯之賞夷狄取之則四境不能以是一日而安其理然也秦得由余而八國賓燕入秦關而東胡破漢厚闕氏而冒頓解唐語突利而頡利疑此中國之以間勝夷狄者也韓王信在胡而匈奴入太原盧縮在胡而匈奴入上谷中行說在胡而漢不得美幣市匈奴以至於唐突厥以萬榮侍子而寇瀛州回紇以僕固懷恩而入涇陽此夷狄之以間勝中國者也自咎兵家之用間者一勝一負不可得而數姑以中國夷狄之制勝負者言之在中國則夷狄憂在夷狄則中國病此其理易知而其事難成不可不察也今臣以北胡之勢言之山前後之民大槩皆思漢并汾之事王師在燕有謀執其帥而降者誠能得張良陳平不愛千金以致內應猶反掌耳唐周鼎失沙州州人胡服而臣虜歲時祀父母衣中國之服

號慟而藏之河廣武梁故時城郭未墮龍支城堊老見唐使者拜且泣曰頃從軍沒於此朝廷尚念之乎臣讀史書至此則慨然知燕之地士大夫之子孫宜有發憤不辱飲氣南首而望王師者徒患無以發之耳以契丹之舊法言之其得漢人皆僕妾役之仕宦而顯者婦見其主如舊禮殺漢人而以牛馬償之弗誅也迨蕭氏乃始徙漢人益北居而以契丹奚渤海之民雜處幽薊殺漢人者如殺人之罪自以謂漢人之子孫可懷矣然臣度之燕之人皆謹厚朴茂世漢種也終不能胥而胡白溝新城崎立而相望漢之俗良美也不幸而子孫世世爲虜痿人不忘起盲者不忘視勢不可矣天下誠不乏張良陳平之智不愛千金仗社稷之神靈所麾前移所指前死五間俱起莫知其道是謂神紀罽幽薊之城百日而平使彼粟實可因而食使彼粟虛可因而墟也地可知間可明夫然後合三軍之士而表其技且勇者此之謂選鋒越有君子五千人秦之鬪士倍於晉若此皆選鋒也凡兵尚

義而保氣義之所勝愚可明氣之所加柔可彊人之情非有鈍利之殊也顧上所表之者何如而已一夫當死市袒楊而不呼則千人爲之失色童子按劔而先登則七尺之丈夫全軀保妻子者猶爲之却也然則人之情豈固難知也哉前有大壑臨之則魄墮而懼狼顧却踵則身在平地夫誰肯舉足而蹈其危使爲士卒者知有死之榮無生之辱夫然後顧平地不爲安蹈大壑不爲懼則攻何患堅城戰何患堅陣哉吳起臨陣有一夫不勝其勇遽前取首而還吳起曰雖勇非吾法也斬之吐蕃逼奉天渾瑊進單騎馳之挾虜一將躍而出一軍皆謀臣以爲若此者皆可賞勿誅而吳起反之此用兵之過也鋒可選然而不校長短則臣以謂兵不可以交何則天下皆以北胡爲善用兵而臣獨計胡非能出奇合變循環無窮也顧其長在騎射而已自圖志言之多馬之地半出於胡而其能挽弓騎射蓋亦天性使然趙武靈王變服從胡騎射而由是以取中山此其爲策之得者非以其所

長制其長哉冒頓控絃百萬白登之圍駢馳驪白各以其方之色自古以馬戰未有如此之盛者也漢武帝中年銳意馬備阡陌之間盛或成羣比戰數勝匈奴罷極矣而其後亦以馬少不能復出則度漢之能以其長弊匈奴亦在騎不在徒明矣唐薛延陀不知以所長抗中國而自恃其數以徒勝執馬者旣收而徒不能復爲卒以取敗胡人自是蓋自知其短於徒而中國亦暴其所長而術制之比者朝廷置騎射又教民蕃馬意良而法美矣而或者民之馬雖蕃而未教故臣以謂置義勇置保甲則民馬皆可以假而習夫馬生其水土則人心可知然而教訓之不安以之當胡馬之新羈朝夕馳騁乎荆棘斥澤之地體安而心調者恐非敵也陛下誠用臣說則義勇保甲之籍於民者方其教時皆使之習騎騎不足則更借之乎民馬嘗入而藉諸官者番假之則民力不勞而馬不病不過三年天下皆可用之馬以是佐軍則漢之戰何以易此雖然猶有所需者則外助而已自咎爲國未嘗

不以夷狄制夷狄其說以謂海濱之蚌鷸兩自斃而後人能并得之匈奴方病漢而烏孫昆彌亦自以不得與中國通漢藉烏孫撫諸夷以孤匈奴之外援投尉常惠護五將軍兵擊胡而昆彌常力戰爲漢軍鋒所殺過當匈奴遂虛於是丁令攻其北烏桓入其東烏孫擊其西而匈奴折其兵支三敵國以南與漢爭一旦之命卒以困弱至于裂五單于昆彌與有助也臣嘗譬之鄉邑之小盜三人而爲輩則百不得以力擒一人焉爭財而不平則二人者不制而自弊何則其素相知者審也陛下南面負宸冠帶而朝百夷四海之內八荒之外心有所懷唯上之所命迺者高麗折於胡不敢越遼而西以効其一日之力於中國陛下能撫之至絕海踏越綿數千里而入貢闕廷陛下嘉納遣賜報聘增美於祖宗之禮臣聞之其國見使者至皆歡喜擁道自慶未始獲也彼其折於胡久矣宜有以逞其志如烏孫昆彌者而臣未敢言焉凡此數者陛下得一重臣而委之與在廷一二之士嘗得預聞

腹心者皆可以使之雜而議然後臣之策庶幾乎可効也兵旣定石氏之故地已復臣請謹封疆嚴斥候戒邊吏無得以非中國之地而利絲毫以爲功且示聖人以天下爲度而致誠信以結之虜雖失燕知其本中國之舊而不以爲吝中國亦與之講好修聘權猶管時可使如伯氏之奪邑沒齒而無怨言此百世之計也臣身未嘗爲吏則凡國中之議是非利害不知其果何從姑以臣深忠所得發於啾啾憤悱之忠而不能以自掩者獻之闕下陛下好問如虞舜亦幸擇焉韓愈曰凡此蔡功惟斷乃成故臣至此猶願致其愚者則曰必行而已以臣之幼而學壯而欲行之心而又幸出於聖人之世三代之時以戴非常之治沐無窮之休褒衣博帶學古人之事而名諸生之列每聞陛下德音雖在市井草莽欣喜自幸如第五倫其所願伸喙道說以求補於萬一者豈特此書之所敘而已然臣竊以謂禮樂爲大而必其所先舉者已定天下晏然然後禮不制而備樂不作而洽區區之愚蓋

在於此臣身賤跡外其學甚野輒敢不避鉄質之誅而冒言其所不當預之事懷不能忍憤悱自致無以異於傳之所謂怒龜而幸人君之一式陛下揭日月之光而葑屋之幽得以容則臣疎遠之言庶幾乎可採而無罪若乃安畎畝之賤而不知聖人之世三代之時非常之治無窮之休親逢之會為難遭則臣之俛偃不出門庭其失時亦極矣伏惟陛下萬機之間一畱神聽焉天下幸甚天下幸甚臣無任俯伏待詔激切之至臣補之誠惶誠恐謹昧死再拜

濟北晁先生雞肋集卷第二十四

濟北晁先生雞肋集目錄

第二十五卷

罪言

上皇帝安南罪言

濟北晁先生雞肋集目錄

終

濟北晁先生雞肋集卷第二十五

上皇帝安南罪言

臣補之昧死言臣聞杜牧曰國家大事牧不當言實言之有罪則自以其書爲罪言安南之舉賤臣輕言之亦罪也夫仁懷義率智謀信結而出之以勇聞然而鼓堂堂然而陣身被堅執銳奮臂大呼以先三軍使三軍之士進旅退旅如驅羣羊如視嬰兒與之往與之來莫知所之若是者臣不能布策挾龜迎日計月望雲占風觀星候氣雷聲雨沐虹垂霧橫暈珥光怪背建向破從孤擊虛六窮三刑生王囚死以察害凶以明利吉使三軍之士逆之以止順之以行不厭不疑至死無所災若是者臣不能畫地聚米相險度夷左青右白前身後龜無當天牢無處龍首高陵知逆背丘知向林木之隰葭蔣之陂一迂一直一亟一遲使三軍之士所由以入所從以婦交挂圯絕不失地宜若是者臣不能馳一蔡之車掉三寸之舌不甲不兵以行賊營曉以禍福諭以利害使賊交臂受事屈膝請和可

以無戰而屈人之兵若是者臣不能深溝高壘清野以待示以所害欲戰不可三時務農一時習武百姓家給人足雞犬相聞使賊不敢南下而獵於嶺東出而漁於海徹關棄傳內外爲一若是者臣不能臣負不能之才五且少孤不幸墮在荆棘泥塗之中荒楚幽穢不得預聞下士之議而私慕庶人所以傳語者是以不勝犬馬心願効一言雖然凡所言者亦非曰能之特其理勢之然否可道者也自交趾犯順侵軼郡縣溪嶺騷然檄書日聞陛下仁愛遠民若保赤子憂勤宵旰思所以禁止安集者臣雖不備行列有目有趾莫非王臣故忘其怯懦以自試鈇鉞之誅謹叅古驗今先論其所宜勝與所爲未可取者而次條愚計於後以備執事者擇焉傳曰不先時而起不後時而縮又曰敵加於已不得已而應之謂之應兵兵應者勝陛下以父道育四國四國所宜歡欣咸以子來而交趾不道乃干大順陛下謀於心謀於卿士以逮庶民設壇授鉞應而討之兵應者勝此其理勢必勝一也



兵起之初五管莫備賊至城下市合不知而邕州刺史蘇緘家世儒者不識金革汗馬之勞卒遇天變乃能奮不顧身閉城築壘連鬪宛轉以嬰賊鋒兵敗不屈血染砧几妻子夫婦駢頭爲戮將吏偕死者至數十人遠近聳動爭欲仗節前驅者此其理勢必勝二也陛下卽位以來精意武備設監置官以董軍器金鐵皮革筋箠膠漆精良百選刀稍矛槍戟楯蔽櫓矢弩冑鎧鼓旗笳角凡軍之須一切素具北益黃河之水以滿隋渠南盡豫章之木以爲船一船所載當中國車數十量舳艫相銜以濟南師此其理勢必勝三也交趾之地不過中國一大郡叫呼跳梁不足以越千里疲弊空窶不足以支數歲陛下神武天旋雷動莫不蠢然況此小寇制之得術捐五管一城足以當賊有餘何至噍噍以煩執事者今析中國之衆五一以伐之如舉岱山壓卵卵此其理勢必勝四也陛下謀臣計士布列中外適一事命一將皆試可乃遣而比歲更武舉之科親延於廷諏以計策天下小兒孺子莫

不踴躍憤憤爭試劔馳馬指畫論議以希功名其作新振起亦勇氣百倍矣交趾徼外小國其人腥臊雜處非素知兵能出奇合變也乍聚乍散非有常性鈔掠奪擊與邊人爭一旦之命此如攫鳥逸獸雖角牙爪背輕利足奮而不知人能以機械罔罟獲之此其理勢必勝五也雖然勝可萬全而有未可取者此事之情不可不察也陛下方拓西疆指圖授算以取熙河六城如探懷中物虜逃遁不敢窺境上將狃近功士飽新賞帶甲十萬蔡勝南指有輕交趾心臣以謂姑無謂交趾小蜂蠆有毒不可忽也傳曰鳥窮則啄獸窮則搏人窮則詐魯人與邾人戰魯卑邾不設備而禦之邾人敗魯使我軍不知察此交趾示弱以堅我我迫其窮使姦謀得恃此其理勢或未可取一也中國陰陽之中土氣和適其生物如之故極寒甚熱皆是傷病百越之地少陰多陽其人疏理身獸希毛故性能暑三月五月春草黃茅嵐霧瘴氛上炎下潦颶風之所扇鼓且土多毒蟲蝮蛇沙蝨過而踣者猶十

三四焉今以舉大軍宿之其間久而不召彊者病弱者死異暇爭功利哉此其理勢或未可取二也古者興師十萬日費千金故軍無輜重則亡無委積則亡無糧食則亡臣請以漢賈捐之所論羌軍質之暴師曾未一年兵出不踰千里費四十餘萬大司農錢盡乃以少府錢續之今交趾之遠非特羌軍也且輟畿內禁卒及調河北京東戍兵五六萬以伐之倍道兼行三月而後至以臣計之人日糒二升則五萬人之費日千石也行三月日千石舍未畢陳未定而十萬石之粟去矣使其淹回未有成績其爲費可勝言哉孫子曰智將務食於敵食敵一鍾當吾二十鍾芘秆一石當吾二十石此計平地千里之法也今以京師直交趾五倍而言之則何啻二十鍾二十石而後可以當賊之一矧其俗又非專以五穀爲養也木實草根魚鼈蚌蜃之爲舖且其土之所出足以給其人安坐而待我若此雖十年不病闕食也傳曰粟不如者勿與持久持久非遠行之利此其理勢或未可取三也平

陸之軍習於車攻闕於騎鬪蹈踈厚土大步疾走左旋右折出入往來蕩蕩坦坦不可障阨而以之入於東南之幽前則重山後則複溪左則大阜右則深谷積石叢篠車以摧輪馬以敗蹄擇土計地若不容足縱行則絕首尾衡行則絕兩翼往不知所來不知所返而賊生死其地其人如猱狔下上坂險筋力百倍於華人倏起忽止適去已至從之如搏景不可得也傳曰不用鄉導不能得地利地利者兵之助故孟子所記亦先地利而後天時而將士非素知此其理勢或未可取四也畿內禁卒固天下材之選賞罰素信約束素明拳勇亦當百矣然臣竊計之設比營而擇或取左遺右或取右遺左參差不齊聚爲一軍則少非同巷長非竝舍賚賜不偕受調發不俱行雖一之以旗鼓晝戰目不能以相識夜戰聲不能以相知則臨事難濟而河北京東之卒又半雜新軍廼孱貧窶不任田畝徒博飲酒計窮力盡之人乃起而爲兵一旦遂驅之戰不惟不足勝戈甲爲病而其往也皆有戚

戚羈旅之懷夫戰勇氣也氣不盈不可必勝此其  
理勢或未可取五也凡此較然易見雖五尺童子  
能道之而臣所以獨不自已區區爲國私憂過計  
者非以交趾果能爲足拇病也以謂遠勞王師戰  
久不決則事將不能無弊不可不察也夫交趾實  
古揚州之南境自三代盛時列荒服之外不及以  
政秦并天下略定揚粵以謫戍守五嶺與越雜處  
以至漢而任囂尉陀亦數以其地叛當是時有閩  
越東越南越東甌西甌謂之百越交趾百越之微  
也其國距洛陽南萬一千里人皆雕題文身項髻  
徒跣俗相習以鼻飲父子男女同川而浴今其地  
負海倚山阻險僻迂師行之道可以爲正爲奇爲  
伏者非特一途而已也蓋漢初遣王恢韓安國擊  
越亦一出豫章一出會稽時唐蒙亦使越越人食  
蒙以蜀枸醬蒙歸因又上書通夜郎浮舩牂柯以  
出越人不意其後路博德爲伏波將軍出桂陽下  
湟水按圖湟水蓋出於連州楊僕爲樓舩將軍出  
豫章下潢浦按圖潢浦蓋出於廣州故婦義越侯

二人爲戈舩下瀨將軍出零陵下灘水按圖灘水  
蓋出於桂州馳義侯發巴蜀罪人下牂柯牂柯卽  
唐蒙所通道起夜郎者也於是五將軍咸會越人  
或降或亡南越平爲九郡至建武中交趾女子側  
貳叛馬援將平之援始自合浦緣海而行隨山刊  
道蓋千餘里如浪泊禁溪無功居風下雋壺頭之  
路凡圖記可見徃徃援所行也今其計謀所長不  
可得而知所可知者其出入往來死生之地髣髴  
具在師行所從不可不察也臣又以今言之居後  
踵前固不必皆出前人之舊而其大槩瀕湖以南  
要害之地朝廷因以分屯迭進至於明越餘杭海  
上諸郡負海無障塞中國所素不虞者臣願亦粗  
修守禦備游寇凡此非特以待交趾而已臣又以  
今料之使賊能爲狂計固不出於三若外有合交  
據關守隘以老我師我頓兵絕徼之下曠日遲久  
欲戰不可引去則賊又復至回軍轉陣返而赴之  
賊又入保如初如是數年則邊人未有息肩之期  
此計上也若開關闢戶誤我以利誑我以弱設計

誘我且戰且却我易而不戒乃亟入之以墮賊計中賊度我歸遠以奇兵斷後我進無所得欲退不能此計中也若棄關不守鼓行出隘唐突侵軼疾戰自快輕勇悍亟分散四擊大則劫城小則掠屯其入吾之地恐不深其爭吾之利恐不及我主彼客彼輕我重我衆彼寡雖彊可虜此計下也賊出上計利在賊出中計利害半出下計魚爛亡矣臣又以今料之賊必不能出上計何則海外遠國固非交趾之弱所能恃雖近有羣獠又非固爲交趾役也况敢侮王國乎意者輔車相依脣亡齒寒有不自安之心今臣姑置遠者而不論論羣獠之近者則亦不可無所以待之今見朝廷舉大兵欲滅交趾彼其中能無介然疑似之心哉臣獨計以謂誠能擇使者如酈食其司馬相如陸賈班超等輩棄駟持節以寬大鎮之告以朝廷誅叛逆賊即伏行罷兵矣能從中國討賊及反間致頭首者計所得以賞以身從者賞以身以家從者祿以家以鄉從者封以鄉以縣從者侯以縣縱不能悉從可以

少定其志則是不戰而賊之形已窘矣臣又料之賊無他助其上計不能悉用或者猶參上計而雜中計參上計據關守隘以老我師我雖衆無所用之請以大軍當其衝虛張形勢以疑賊而陰擇精兵爲三四間道絕徑或薄其左或突其右設奇取之兵法所謂攻其所不守也管蜀姜維拒劔閣鄧艾乃潛自陰平行無人之地七百里鑿山通道崎嶇險絕以擅自畏轉而下士卒皆緣崖攀木魚貫而進卒降劉禪此設奇者也雜中計開關闢戶以誘致我我雖衆亦無必入請畱大軍屯其後而以驍銳佯從之輕足利兵以爲前行分屯析隊伏於兩旁勿薄勿迫遠而挑之偶勝無追不勝疾歸棄金遺鼓拔衆以馳賊貪吾獲可邀於阨卒前遇伏其衆必覆兵法所謂引而去之令敵半出而擊之利者也管北戎侵鄭公子突曰使勇而無剛者嘗寇而速去之君爲三覆以待之戎勝不相推敗不相救先者見獲必務進進而遇覆必速奔從之遂破戎師此設伏者也賊出上中而不利將悉衆借

出以徼幸於其下計是固中國之利也請剋日而取之咎魏祖伐關中賊每一部至魏祖輒喜破賊諸將問其故魏祖曰關中道遠賊若依險阻征之一二年不可下也今皆來集衆雖多軍無適主一舉可滅諸將皆服語曰連難不俱栖可離而解賊衆之謂也此三說者譬之九不能出於盤其大槩如此然兵無常數故隨所動而應之前必有滅竈之說而後繼之者得以起添竈之智顧爲陛下將者何如耳賊出下計而又不利將大走遠遁亡海絕道以保窟穴臣請按甲勿從或曰按甲勿從何以立威於天下曩士卒所以犯晨夜冒白刃者懼不勝使幸勝奈何幾舉而棄之且賊窘窮無所知此如兩鼠鬪穴中將勇者勝臣則以謂不然兩鼠鬪穴中將內鼠勝且欲搏賊大海之間其勢必與之相從於舟楫夫使吾三晉齊魯之人失夷曠而爲樓船鬪艦浮之狂瀾之中平居無事目亂心悻而况察以倉猝微風搖檣一夫蕩櫓我衆駭矣又何暇與之投疆弱勝負哉蓋前世語水戰以謂

越人能入水負舟而杜牧所傳鄭年者能沒海履其地五十里不噎今海上賈人亦往往遇水寇鑿舟沈焉此其非中國所用以取勝故也故臣請按甲勿從而更設策修備以待之且陛下富有天下地漸日月之窟府籠山海之藏非以交趾羸隳安定苟扁靡零曲陽比帶稽徐西于龍編朱戴封溪望海甲陬不毛方尺圍寸之地爲足有也又非以交趾生犀馴象古貝文螺琥珀翡翠鼈皮鮫革蕉紵桂蠹詭奇不法殫瑣極細之物爲足寶也不得已而問其罪足以威懾小寇使之悔過効順歸命中國而已賊既定臣請循古更選仁厚勇略堪任將帥者以爲五管諸州刺史太守以歲月鎮撫其民而因其家之可任者置土兵如保甲以時教習土兵之外乃募游軍而就擇將吏其地平居無事謹養而善別之以周知其心有故王臣失勢欲復見其功者聚爲一卒有死事之人昆弟欲爲之報仇者聚爲一卒有貧窮忿怒將快其志者聚爲一卒有故贅壻人虜欲昭迹揚名者聚爲一卒有故

胥靡負犯之人欲逃其恥者聚為一卒加賜而時  
 慰焉使之居其地服其俗安其水土使其械用因  
 其糧食得以無煩執事而坐制其弊乃可以得志  
 此百世之計也臣身非安南將吏民庶又不親與  
 交趾接也安能周知其虛實短長利害所在曰今  
 日出某道取某屯明日出某道取某聚某道可以  
 為正某道可以為奇某道可以為伏意者其大槩  
 理勢之所在故臣得以臆計胸度而妄議焉若夫  
 知已知彼每舉不殆與敵變化循環無窮提軍挈  
 眾動於九天之上此則大將軍之任非臣所得而  
 前知也臣愚疎外不知事體昧死陳愚計臣謹上

濟北晁先生雞肋集目錄

第二十六卷

議

河議

濟北晁先生雞肋集卷第二十五

濟北晁先生雞肋集目錄

終

濟北晁先生雞肋集卷第二十六

河議

洪範五行一曰水其浸爲海其發源注海爲江河  
淮濟實惟四瀆而河爲四瀆宗三王之祭川所以  
先河而後海爲務本者也岷山導江導淮自桐柏  
導沈水東流爲濟其道里近而導河積石其道里  
遠且源壯而流激故禹治四瀆功施於河爲多積  
石去中國既遠過此人罕至至荒忽不可知若山  
海經穆天子傳水經雜傳記之說槩曰河出崑崙  
墟崑崙墟高萬一千里爲地之中而河出其東北  
阪其上醴泉華亭多奇物草木鳥獸尤不可考至  
言河上通漢見於牽牛客星之占而山海經又有  
敦夢之山者敦夢之水出焉而東流注於沕澤河  
水之所潛也其源渾渾泡泡郭璞說沕澤蓋鹽澤  
鹽澤去玉門陽關纔三百餘里安取崑崙墟乎然  
山海經自漢儒說皆以爲禹書其所記如此雖爾  
雅亦曰河出崑崙墟色白并渠千七百一川色黃  
太史公班固皆以謂禹本紀言河出崑崙山崑崙

山高二千五百餘里日月所相避隱爲光明也自  
張騫使大夏窮河源之後惡睹所謂崑崙者哉故  
言九州山川尚書近之今所論亦本禹貢導河積  
石及周禮爾雅史記漢書載河所經與後世隄防  
人事迄于宋輿使有考焉禹貢天下之州九而河  
所道者四曰雍豫兗冀孔安國說冀以堯都不言  
境距黑水東據河有州曰雍故曰黑水西河惟雍  
州西南距荆山北距河有州曰豫故曰荆河惟豫  
州東南據濟西北距河有州曰兗故曰濟河惟兗  
州雍州云西河自西河以西也豫州云荆河自南  
河以南也兗州云濟河自東河以東也然則西河  
之東距雍南河之北距豫東河之西距兗爲冀州  
可知矣故職方氏正西曰雍州而釋地河西曰雍  
州職方氏河南曰豫州而釋地亦曰河南曰豫州  
職方氏河東曰兗州而釋地濟河間曰兗州職方  
氏河內曰冀州而釋地兩河間曰冀州雍州以其  
自西河而西故或曰正西或曰河西豫州以其  
自南河而南故皆曰河南兗州以其自東河而東故

或曰河東或曰濟河間冀州以其距雍豫兗爲境故或曰河南或曰兩河間而雍州言正西不言河者則以在成周雒邑爲正西也自禹貢職方氏以考爾雅其辨四州河所經之域皆合而職方氏又曰東北曰幽州其川河沛幽州薄海蓋言其入歟九州之地雍豫高而兗冀下幽州東北又下而河起西北所從來高故其始猶委蛇稍南及其下龍門則流駛竹箭也禹貢曰導河積石至於龍門南至於華陰東至於底柱又東至於孟津東至洛汭至於大伾北過降水至於大陸又北播爲九河同爲逆河入於海自積石東流至於龍門始折而南者一又折而東者三又折而北者再然後入海其所涉之地入此河經營中國之形而秦晉之河曲戰公羊所以言河曲疏矣河千里而一曲者也自張騫通西域積石之西往往可紀出玉門關有兩道一從鄯善傍南山一從車師傍北山皆被河西行至莎車爲南道至疏勒爲北道而西域三十六國皆在匈奴之西烏孫之南北有大山中央有河

東西六千餘里南北千餘里其河蓋兩源一出蔥嶺一出于闐合而注蒲葦海蒲葦海所謂鹽澤者也蔥嶺之西旣不說有河于闐之西又水皆西注意河源爲出於此鹽澤去玉門陽關三百餘里廣袤三百里其水亭居冬夏不盈耗皆以爲潛行地中南出於積石爲中國河云而穆天子傳說天子飲於枝渚之中積石之南河積石名南河則與張騫所謂南出於積石者又類而學者據經有導河積石當爲河源豈積石之西河自行地中故禹不治而導河積石特言施功自積石始亦不說河源也積石在金城西南龍門在絳州龍門底柱在西北孟津在洛北洛汭在鞏大伾在汜降水在信都大陸在鉅鹿其地皆可考而水經諸家圖河所道蓋自積石山始西南流又東流入塞過燉煌酒泉張掖郡南與洮合過安定北地郡北流過朔方郡西又南流過五原郡南又東流過雲中西河郡東又南流過上都河東郡西然後乃出龍門而又南流至於華陰故呂覽說龍門未開河出孟門東大



溢是謂洪水禹鑿龍門始南流也自龍門至潼關與渭合至鞏與洛合而伊洛灋澗四水合流所謂伊洛灋澗既入於河也與濟合成皋與沁合武德乃道黎陽鉅鹿而北播爲九河所謂徒駭太史馬頰覆釜胡蘇簡潔鈞盤鬲津者也此九河者廢滋久獨漢成帝時許商上書言古記九河之名有徒駭胡蘇鬲津今在成平東光鬲界中自鬲津以北至徒駭間相遠百里後世因謂許商言三河三縣則徒駭在成平胡蘇在東光鬲津在鬲縣可知以鬲雅之次考焉則徒駭最北鬲津最南而六枝者包其間然鄭康成謂九河齊桓公塞之同爲一河齊居東信如康成言塞其八枝以拓地則自桓公而來河所行益獨徒駭矣而太史公班固又皆稱禹以謂河所從來者高水湍悍難以行平地數爲敗乃醜二渠以引其河一貝丘一潔川北載之高地過涿水至於大陸播爲九河同爲逆河入於勃海二渠於禹貢無見不知太史公班固何從言之烏夷皮服夾右碣石入於河烏夷海曲碣石海畔

山夾山之右泝而入河以達冀州則禹時河入海蓋在碣石也地理志碣石在北平驪城縣西南計勃海北距碣石五百餘里而河入勃海蓋漢武帝元光三年河徙東郡所更注也而言禹時河入勃海何哉周定王五年河始徙見於周譜班固言之又秦攻魏決河灌其都決處遂大不可復補去古逾遠移徙難得而考而言禹醜二渠又何哉孟子曰禹之治水水之道也歷三代無患以此自滎陽下引河東南爲鴻溝以通宋鄭陳蔡曹衛濟汝淮泗會於楚而禹功既微齊與趙魏因河爲境而隄防浸興弛障谷之禁以鄰國爲窳鑿一孔開百竅如甕敝漏漸以不補則後世河數爲敗非天時也漢而下井源益煩以漕以溉甘利而昧害東滙西引河用屢窘使不得一日安流則狂怒行溢亦固其理撫其著者言之武帝時鄭當時引渭穿渠起長安旁南山下至河番係引河溉汾陰蒲坂下自是之後朔方西河河西酒泉皆引河及川谷以溉矣宣帝地節中郭昌使行河北曲三所復穿渠直

東魏正始中亦穿廣漕渠引河入汴晉太始中亦鑿陝南山決河注洛隋仁壽中亦塹自龍門底臨清關度河大業中復開通濟渠永濟渠以引穀洛沁水開元中避三門之峻亦北鑿石渠至它川谷頗引以溉漕而亂水之理助河爲敗者往往而有始自漢興三十有九年孝文帝時決酸棗東潰金堤於時東都雖大興卒塞之而河之爲患因浸尋滋甚元光中徙頓丘東南注勃海決瓠子東南注鉅野元封中決館陶分爲屯氏河永光中決清河靈鳴犢口建始中決館陶東郡金堤又決平原入濟南千乘建國三年決魏郡貞觀中壞陝州河北縣毀河陽中渾開元中決博州棣州大和中決棣州開成中決鄭滑乾寧中圯滑州其餘隄防人力所不備若大雨霖漂壞郡縣病人民至不可勝紀陵夷五代以迄宋興歲屢敗其患非一朝一夕之故也戰國及秦用兵不遑暇事河而元光中再決二十餘年比塞輒復圯興役最大瓠子之歌其詞哀焉今考之武帝時至於王莽言河利害大槩十五

家其言非忠而近似者一其甚疎者一其不切者一其害焉者一其一時或利或害者二其可行無害者十而十者之論其詳者曰賈氏竊以謂漢治河盡此故備論之始決瓠子田蚡奉邑食鄒鄒居河北河決而南則鄒無水災言於上曰江河之決皆天事未易以人力彊塞之蚡要以爲食鄒計無意國事而其言未易以人力彊塞者良可用此言非忠而近似者一也齊人延年言河出崑崙經中國注勃海此其地勢西北高而東南下也可按地圖開大河上領出之胡中如此則關東長無水災北邊不憂匈奴延年議閔大然歸於狂悖且有天地則有此河其行流有域禹不能改而延年欲改之此甚疎者一也谷永言河中國之經瀆聖王興則出圖書王道廢則竭絕今潰溢橫流漂沒陵阜異之大者也修政以應之災變自除王者孰不欲奉天理物然天時人事其應豈皆若符節堯猶有九年之患禹猶有四載之勤堯禹豈不知修政以應之哉此不切者一也楊焉言從河上下患厝柱

隘可鑄廣之上從其言鑄之裁沒水中不能去而令水益湍怒爲害甚於故是歲渤海清河信都灌縣邑三十一禹治水蓋亦鑿龍門披山通道至不可勝言底柱豈不可鑄而焉無其術故壅關爲敗此害焉者一也郭昌使行河北曲三所水流之勢皆斜直貝丘恐水盛隄防不能禦乃更穿渠直東民便安之後三歲河水更從故第二曲間復斜直貝丘百姓寒心孫禁以謂可決平原金堤間通大河令人故篤馬河至海五百餘里水道浚利又乾三郡水地得美田省吏卒治隄救水二者其言異而大槩利害雜故爲說同郭昌渠始通利後不便較然可知篤馬河在九河南失水之迹然以舒民財力爲便此或利或害者二也自管之患以故道之湮與隄防捷苗與河爭勝負故凡言分河救水怒與觀水勢復禹之舊無與水爭地者其言皆可用無害馮遂爲清河都尉言郡承河下流土壤輕脆易傷頃所以闕無大害者以屯氏河通兩川分爲流也今獨一川兼受數河之任雖高增隄防終

不能泄屯氏河新絕未久又其口所居高於以分殺水勢道里便宜可復浚以助大河泄暴水屯氏河北塞宣房北決所爲東北經魏郡信都渤海入海蓋近禹故道會許商白不用後果復決館陶李尋解光言陰氣盛則水爲之長故一日之間晝減夜增江河滿溢所謂水不潤下雖常於卑下之地猶日月變見於朔望明天道有因而作也可且勿塞以觀水勢河欲居之當稍自成川跳出沙土然後順天心而圖之必有成功而用財力寡尋光要近於陰陽之學而其言觀水勢所欲居則易爲功豈可易哉張戎言河水重濁號爲一石水而六斗泥今民皆引河渭水川水以溉田春夏乾燥少水時也故使河流遲貯淤而稍淺雨多水暴至則溢決而國家數隄塞之稍益高於平地猶築垣而居水也可各順從其性勿復灌溉則百川流行水道自利矣灌溉有不應導而導隄防有不應塞而塞戎之言可謂近古許商說古記九河之名有徒駭胡蘇鬲津今見在成平東光鬲界中自鬲津以北

至徒駭間相去三百餘里今河雖數移徙不離此域商明算計能商功利且當是時三河者庶計可索惜乎其事不究也韓牧以謂可略於禹貢九河處穿之縱不能爲九但爲四五宜有並王橫言河入勃海勃海地高於韓牧所欲穿處往者天常連雨東北風九河之地已爲海所漸矣禹之行河水本隨西山下東北去周譜云定王五年河徙則今所行非禹之所穿也使緣西山足棄高地而東北入海乃無水災牧橫亦皆欲求禹之舊求禹之舊固無不可而歲久難識迄於今河移徙無常處自馮遂李尋解光張戎許商韓牧王橫七人雖議各不同而要之遠欲殺水怒尋光欲觀水勢戎欲順水之性商牧欲求禹之迹橫欲使緣西山東北入海故其言皆近而橫與平當關並賈氏之上策不獨在漢事雖施之方今大較不能改也平當言九河皆填滅按經義治水有決河深川而無隄防壅塞之文河從魏郡以東北多溢決水迹難以分明宜博求能濬川疏河者夫決百川距海濬叻澮距

川見於書且水因地以制流故在易地上有水比水行地上乃有隄防隄防之法爲不得已平當可謂能知經矣關並河決率嘗於平原東郡左右其地形下而土疏惡聞禹治河時本空地以謂水很盛則放溢少稍自索雖時異處猶不能離此上古難識近察秦漢以來河決曹衛之域其南北不過百八十里者皆空地勿以爲官亭民舍而已夫水所欲居人固不能奪始宅之河又盪去歲如是會不愛獨愛百八十里哉關並可謂能知務矣至賈氏之上策不欲與水爭地蓋與平當關並之論合其言曰古者立國居民疆理土地必遺川澤之分度水勢所不及使秋水多得有所休息左右遊波寬緩而不迫夫土之有川猶人之有口也治土而防其川猶止兒啼而塞其口豈不遽止然其死可立而待也故曰善爲川者決之使道善爲民者宣之使言蓋隄防之作近起戰國齊與趙魏以河爲境齊作隄去河二十五里趙魏亦爲隄防去河二十五里雖非其正水尚有所遊盪今隄防陋

者去水數百步遠者數里迫隘如此不得安息令行上策徙冀州之民當水衝者決黎陽遮害亭放河使北入海西薄太山東薄金堤執不能遠泛期月而定且以大漢方制萬里豈其與水爭咫尺之地哉此功一立河定民安千載無患故謂之上策自禹迹廢由漢至宋興千有餘年河決自黎陽而下遠者數百里近者數十里間耳故賈氏言徙冀州之民當水衝者決黎陽遮害亭放河使北入海西薄太山東薄金堤勢不能遠泛以今形勢所直考之猶是竊以謂賈氏之策不獨在漢事雖施諸方今爲久遠慮不能加者如此至難者曰若如此敗壞城郭田廬塚墓以萬數百姓怨恨蓋賈氏亦能言矣以禹治水山陵當路者毀之故鑿龍門闢伊闕折砥柱破碣石墮斷天地之性至城郭田廬塚墓此乃人功所造何足言也又以謂瀕河十郡治隄歲費且萬萬及其大決所殘無數如出數年治河之費以業所徙之民宜亦便利自馮遂至賈氏十家考之漢事與方今其言皆可行而無害然

卽目前之安舒歲月之力則諸家者皆能道若夫始難而終易暫勞而永逸則王橫賈氏西山黎陽之議於今猶上策至賈氏中策言多穿漕渠下策言隄防蓋無足道者咎晁錯議削六國天下皆曰晁錯愚然漢卒無禍賴錯發之夫必有大害然後有大利西山黎陽何以異此雖然此可謂智者道難爲流俗言也晉魏迄唐至五季言水利者不乏無者見者獨唐賈耽嘗繪布隴西且載河所經受爲圖上之亦不及治河也祖宗深憫河患治遙隄置使置判官開分水河爲斗門開減水河在乾德二年三年太平興國七年淳化四年景德四年其事詳於國史而開寶五年詔澶衛數州霖雨荐降洪河爲患每閱夏書所載但言導河隨山濬川未聞力制湍流廣營高岸自戰國專利堙塞故道小以妨大私而害公九河之制遂隳歷代之患未弭凡縉紳多士草澤之倫有素習河渠之書深知疏導之策若爲經久可免重勞竝詣闕上書附驛以聞深惟開寶詔書最爲近古聖謀遠覽慮河之意

允山上策而天下未有應者豈所謂爲政善因禍而成福轉敗而爲功若管仲才者世固鮮哉其後景德中李垂上導河書言今魏縣之左河勢東折不如書說北至於大陸又忘其迹蓋周末失道爲衡漳所湮矣而漢志禹所釀二渠曰東爲潔川者乃今泉源赤河曰北出貝丘者乃今王莽故瀆而漢塞宣房所行二渠蓋獨潔川其一則漢決之起觀城入蒲臺所謂武河者也貝王莽時旣空而瀆滑比多壞者以地平不固故欲河出大任上防太行三山之間起大任西南八十餘里曹魏所開枋頭河之東引河北行微東挾御河通王莽故瀆北經清豐大名之西歷洹水東館陶南而北合赤河以通於海起大任合赤河蓋五百七十里兩厓倍之爲一千一百四十里去岡麓古障八百四十里治新防三百里爲用力寡大槩近漢王橫欲緣西山足堯高地而東北入海者其說九河故迹皆在平原而下獨簡河亡則與許商王橫之說異然垂之議以謂河患率在澶滑未至九河則已決矣九

河奚利哉又欲自白馬派河爲六以助殺水怒則與賈氏議多穿漕渠者頗類事下任中正等中正等言垂所述自禹至漢河所流行甚詳其言起白馬派爲六者河湍激難制其勢或合而一恐不能各從所導借使必爲六是有六河口也隄防之功爲難於是垂議寢後用事者往往言水利以其無大改更不皆載獨載孫民先奏民先奏曰竊觀舊河兩厓間相去數十里而河流常薄西岸以此知東地形高而河欲西遷之驗也今魏恩冀之西相邢洛之東皆古陂地斥鹵東西二三十里南北數百里其西薄西山其東薄金隄其中地形下隱如故渠比河決及御河漳水溢皆合流其間以謂是蓋降水大陸故迹可決王供水衝使河行此地過乾寧合獨流口以入於海民先議河大較與李垂不異世多言垂民先議爲近又比歲卒潰小吳而澶淵東故渠遂竭河果自清豐大名西派爲三四乃東北注髣髴如垂民先所欲導云至漢王延世之徒事塞河三旬立塞世皆以爲才竊謂猶救火

家以焦頭爛額見客者故不記與夫計向肯度緩  
急版築交薪水工河卒歲儲月積增卑倍薄凡河  
之近務則有司存

濟北晁先生雞肋集卷第二十六

濟北晁先生雞肋集目錄

第二十七卷

雜著

五行說

齊物論

學說

勤說

做陋

烏戒

濟北晁先生雞肋集目錄

終

濟北晁先生雞肋集卷第二十七

雜著

五行說

洪範初一曰五行金木水火土而已何以爲十哉  
易曰天一地二天三地四天五地六天七地八天  
九地十水生天一成地六火生地二成天七木生  
天三成地八金生地四成天九土生天五成地十  
去其生成之數以言則其贏皆五五土也物非土  
不育故太玄曰中和莫盛於五故稼穡作甘五之  
所生十之所成也生於陽者成於陰生於耦者成  
於奇一三五七九皆乾之奇也二四六八十皆坤  
之耦也天地父母也金木水火土天地之五子也  
天有此五氣故爲天五行地有此五氣故爲地五  
行故一三五七九天之五氣也二四六八十地之  
五氣也五位相得而各有合故其辨則十其合則  
五潤下作鹹炎上作苦曲直作酸從革作辛稼穡  
作甘合四方中央而五位定由是大撓以生甲子  
容成以生曆黃帝以迎日推策堯以閏月定四時

成歲辛壬癸甲甲子之見於經者也陰陽家流不  
見於經曰官居經以底日日御不失日以授百官  
於朝此陰陽家流之見於傳者也故太史公曰因  
之列於九流記曰播五行於四時或謂支幹配合  
以言吉凶起於唐呂才五行甲子自堯舜有之物  
生皆受氣於五行陰陽相摩八卦相盪五氣之自  
然盈虛消息孰能逃之才能用此以推之非起於  
才也自五行之爲物皆合陰陽冲氣而生坎水也  
而合陽離火也而合陰故有陰中之陽陽中之陰  
十日之有剛柔猶陰陽之有老少也有老陽又有  
少陽有老陰又有少陰故甲乙皆木丙丁同火庚  
辛咸金壬癸俱水而戊己借土也是五位相得而  
各有合也朞三百六旬有六日者一晝一夜然後  
成一日一盈一虧然後成一月故卽太陽之日以  
名百刻之日卽太陰之月以名三十日之月假令  
合璧起於牽牛十一月爲正行周之時也則子丑  
寅爲春卯辰巳爲夏午未申爲秋酉戌亥爲冬然  
而孔子曰行夏之時夏正人統授人時從聖人爲



正故寅卯辰爲春巳午未爲夏申酉戌爲秋亥子丑爲冬以一日爲歲則夜半子陽生冬至之象也日南午陰生夏至之象也甲至癸十日也子至亥十二辰也十日所以爲五行也十二辰所以爲四時也播五行於四時故陰陽之運無窮如易之六十四卦終之以未濟周而復始旋相爲六十日日辰易位而納音之說生焉然而子丑一定之位也甲乙循環之氣也是其所謂播之於此者也十二辰之於晝夜四時晦明寒暑一定而不可亂也播甲乙於子丑周則復起丙丁播丙丁於子丑周則復起戊己辰有定而日惟新惟新者猶人也一定者猶位也譬日於百官之人譬辰於百官之位各以其剛柔緩急施設於事皆其人之所爲無人而虛其位能自爲哉以此人居此位然後有此事以彼人居彼位則事亦如彼故人得位而爲事猶日得辰而生納音也日者人也辰者位也納音者此人此位所成之事也故觀吉凶者日爲事之主納音爲事之成皆日之所爲待位以行之而觀成

於納音如是甲子爲木人而不爲金人所謂天元一氣五行所播之氣本盛衰觀此而納音者要其成耳瑤珠子所謂天元一氣定侯伯之遷榮觀貴賤有無必以氣要行事成敗則以納音尊吉卑凶是其本說而或者專用納音故時差也五星則五行之氣也二十八舍卽四時之位也播五行於四時猶之運五星於二十八舍也角至箕東方之宿也春也斗至壁北方之宿也冬也奎至參西方之宿也秋也井至軫南方之宿也夏也五星之好廟猶十日之盛德各有在也播五行於四時運五星於二十八舍五行逢其用事猶五星得其所樂處也吉凶可知也播而無窮運而不已五行反其所用事五星悖其所樂居則其凶可知大略如此參之以其氣運合會吉而凶凶而吉上下無常猶之易爻不可爲典要瑤珠所謂妙在識其通變拙說由神也然亦以五星爲人二十八舍爲位以此星居此舍以彼星居彼舍而災祥易矣是星能爲之也非舍能爲之也然由此而有逆順所成災祥各

殊猶之納音之所成也亦不同然既曰十日合而爲五行而氣之老少日之剛柔判然異用至於五星則五而已不爲十也何以合之曰五氣以剛柔爲十日五星以逆順爲十用就術之一論之克我者爲官鬼夫克我者一氣也乃或好而爲官或惡而爲鬼則陰陽相求而言耳夫陽之所求者陰也陰之所求者陽也陰而得陽陽而得陰則爲咸常夫婦相感以通相與以久也陽而逢陽陰而逢陰則爲二女同居其志不相得曰睽是易之義也陰陽之性也故十日以陰幹克陽陽幹克陰則天地相合以降甘露如水得土而有防範金得火而成方圓雖克也相得而不相勝故更爲用若以陽幹克陽陰幹克陰則志敵而力抗則兩雄必爭二主必危如一勺水之少土盛則堙一鈞金之輕火熾則飛此其常理也如甲陽木之得辛陰乙陰木之得庚陽故夫婦爲用若甲而遇庚乙而遇辛則爲志敵而力抗然甲彊而庚弱乙盛而辛衰則雖鬼不能爲之災猶之捧土不可以塞盟津不勝故也

雖金亦然故論其常欲以陰陽之相求不欲其陽陽陰陰之相敵通其變則陽爲陽助陰爲陰益千變萬化而未始有極也故五星之逆順似之術曰金木相逢極爲美土火二星爲惡曜是以其常也然而金木豈不可以爲殃土火豈不可以爲祥水亦然也順則水爲飲爲漿溉田晦浮舟航逆則墊溺金爲鍾鐸爲槃盂反則刀劍鼎鑊誅木爲宮室爲舟車反則與桎梏棺柩俱土生用於稼穡果蔬死用於墳墓覆壓之虞火生用於烹飪燿燎死用於災其室燔其軀以五物而反之於逆順是五星猶十日視其好惡而變化隨之陳昉所載陰陽四時有若干神者隨六十日而運各有其次亦有吉凶或曰實無至此之虛也善者習五行之精華氣惡者皆五行之繆盤氣其理或然記言天地之仁氣義氣溫厚氣嚴凝氣亦各有方易言帝出乎震成言乎艮亦各有位啓閉生殺隨之術家之神位理出於此然經簡而術繁繁用則疎簡用則密記之說易之義皆在矣

齊物論

此篇論齊物然物之理齊而情故自彼是莫得其  
隅而要之以天地之一指萬物一馬而後物無彼  
是道泯乎無成虧矣達楹厲施極異而皆同故言  
唯達者知通爲一通爲一則不齊之論近不用也  
然而衆理相承彼是未始不用聖人欲泯用之迹  
故爲是不用而寓諸庸寓諸庸則我雖不用而物  
量無窮默然而自用殊施而各得若此通矣故曰  
用也者通也通也者得也適得而幾矣不用則理  
阻而不通故用爲通通則物各得其理故通爲得  
得則各適其所而盡矣故適爲幾而聖人非有心  
爲之也特因物之自庸也故曰因是以有成與虧  
故昭氏之鼓琴也無成與虧昭氏之不鼓琴也猶  
之七竅未鑿而渾沌不死也過此以往則反乎無  
物其爲無成虧也至矣故師曠之杖策也惠子之  
據梧也皆爲者敗之也皆非所明而明之也故雖  
竭其智而理終不可窮謂之堅白同異名實之辨  
若此其察矣然要於不察而以昧終其爲滑稽也

不甚矣乎若夫天地雖大要之一指萬物雖多要  
之一馬一指一馬爲論省矣則雖衆理相承默用  
而常通尚安有滑稽之耀者哉然其始也快詭譎  
怪未通乎一故有滑者焉有疑者焉無滑無疑則  
其際冥冥昧而不耀有滑有疑則長短之相形前  
後之相隨不昧而耀矣耀也者明也而此非明也  
以夫衆理之相乘也滑亂而疑似反以炫聖人聖  
人欲爲人解紛而辨惑則嘗圖之矣故曰滑稽之  
耀聖人之所圖也物之情不齊而其理齊聖人窮  
理衆人役情聖人欲反情之異合理之同所以圖  
滑稽之耀使無疑無滑而泯乎冥冥者莫要於此  
矣故重言爲是不用而寓諸庸此之詣以明然則  
聖人泯用之跡而物未始不用無意於明物而物  
常自此明故曰此之謂以明也若昭氏師曠惠子  
者知盡於此以非所明而明之祇以爲昧非此之  
謂以明也故曰三子之知幾乎猶曰知盡於此而  
終不足以明也幾盡也猶幾希也然非夫以道泛  
觀而備萬物之應則以不齊齊其齊也不齊乃若

莊周則以齊不齊其不齊也齊矣而猶以爲未也故又曰今有言於此不知其與是類乎其與是不類乎類與不類相與爲類則與彼無異矣夫類則齊不類則不齊類與不類相與爲類則齊與不齊相與爲齊夫有所謂齊有所謂不齊則與彼誠何以異哉故推而上之極於物之無曰有未始有夫未始有無者此要言無物無物則無齊矣推而下之窮於物之有曰自無適有以至於三而况自有適有乎此要言有物有物則有不齊矣故於是重言無適也因是已因是已者蓋齊物之要論盡此矣何以知其盡此也曰以因因則無適也故入之爲無非或使之無也因是以出之爲有非或使之有也因是已夫號物之數自一至萬遠矣夫無未始適有何以自一而語萬有未始適無何以自萬而語一之二者泯而無物無物而無齊矣雖然非到心喪我不能觀物而知無故此篇始之以南郭子綦之喪我而齊物之論開非觀物同我不能知化而窳有故終之以不知周之爲蝴蝶蝴蝶之爲

周而齊物之論閉

學說

學不可已惟知之然後能好之記曰雖有嘉肴弗會不知其旨也雖有至道弗學不知其善也而孟子亦曰理義之悅我心猶芻豢之悅我口蓋飲食且旦之所須故譬學於飲食爲最易知然猶曰人莫不飲食鮮能知味也天下豈有不習而能察者哉管野人有甘藟莖芹萍子者對鄉豪稱之取而嘗焉蜚口而慘腹夫口腹人所同也而野人至甘人之所不甘此非未嘗知甘所謂甘者而以夫已甘謂人甘者止此哉至於百工衆技皆學也下至跳劍弄丸緣竿踏索旣爲之終身不得已非特利所在也習而知其味故樂也若迺對君子稱之則如野人之甘藟莖芹萍子其於不足味也不特慘蜚而後方知之也故嘉肴世皆知其旨必會者而後益知其爲旨至道世皆知其善必學者而後益知其爲善曰聞而知其旨且善者意之也或曰道之出口淡乎其無味而飲食人所甘似不類夫以

人之所甘者弗會猶不知其旨而道又淡而難好則不知者不其愈多乎然終猶是也病弗學耳學而入之安知其淡乎大觀四年四月旦日書付姪公秉俾以語諸小道云

勤說送甥李師蘭游學

道無動物無不勤夫既謂之物矣物必有所事有所事必勤故物莫大於天地其次曰人而三者同以才稱才之爲言物量之所能也能必有所事故天有四時地載神氣皆謂之無非教無非教者有所事也日月如爭其所乎雲者爲雨乎雨者爲雲乎意者其有機絨而不能已耶其有所運轉而不能自止耶則天地之事亦勤矣人見其四時行百物生也以謂天地未嘗勤焉不知夫有道焉範圍乎其外莫或使之日夜以造德德然若有與之計其期而不得暇者是能成千歲之積而開萬化之原人以其才參諸天地有誠焉冥極於道不息而善成古之聖賢惟孔子顏淵能知此故孔子之語子貢而曰生無所息顏淵之贊孔子而曰欲罷不

能夫以有涯逐無涯必憧故欲罷而願息皆人之情也然回非不欲罷而曰不能罷賜非不願息而曰息無所夫求斯須之晝至於念茲之隙其暫無幾也猶曰不能而無所此非有所畏慕勉彊而驅之也性不能已也是天地人之所以均不能無事而皆勤也雖然天地以無心莫之爲而爲故久人以有心知而爲之故怠嘗試語息之所從起譬道爲萬里塗而以勤爲馬繕性之始如適舉趾其弛於負擔未知其以曷月止斯殆已故欲從事于此必自夫誠其意者始焉夫人何可以確然墮然如天地之無心而常運能誠其意則幾矣誠者非義襲而取之也閑其邪則存嘗又請實之以誠爲我我欲至於萬里孰禦之哉以其孰禦之者爲策以臨馬不至於萬里馬終日蹉躒而不得止由不息故能久久則疑於神矣聖人之事業所以弊天地而疑於神則自其孰禦之者積之耳雖然此亦非聖人獨能之也百工之賤預能焉承蜩者猶掇之也夫豈惟其精之至自五六月纍垞二而不墜至

於纍三而不墜至於纍五而不墜則其勤之積可知已而世不知者方且曰勤者事也道無所用勤其知者則將曰事者勤也天地不能無事而況於學者乎余甥師蘭年少而彊文采曄然其所學又中庸也故告以其無息者自誠其意始而余老矣不復能自彊猶樂以靜觀動日出而開吾牖以臨交衢之內四民疊疊各各以其業趣利鳥嚶翔而歌噪鴛鴦意各有所隸蜂蟻之至細逆行旁逝營宅室而競倉事亦雜以卒歲至於物之無情者山日夜出雲流水之不停甲拆而勾申木不崇朝而其華敷榮竝行若爭小積而大盈而天地乃司其成功及其至也皆日損於是以前觀復而見天地之心則萬物何莫猶斯道謂道無勤道亦未嘗息也而其勤見於天地天地亦未嘗勤也而其勤見於萬物萬物各以其勤自成而天地終其功故成能者爲聖人學之積由是師蘭勉之

做陋有觀於其里而自做也且以做其子及甥姪焉

子欲居九夷或曰陋如之何子曰君子居之何陋之有吾非君子安能不顧蠻貊之陋而欲居居之不唯不能革彼陋吾未免於陋也里仁爲美擇不處仁焉得智吾非智者安能知里之不仁而擇處處之不惟不能遷彼之不仁吾未免於不仁也與君子游忘乎如入芝蘭之室久而不聞則與之化矣與小人游感乎如入鮑魚之肆久而不聞則與之化矣吾不幸遠君子而近小人近之不惟不能洗彼膩吾未免於膩也一薰一蕕十年猶有其臭吾薰也猶尚能臭之吾惡夫久而不聞也不惟不能薰彼猶吾未免於猶也四累者吾憂之見賢思齊焉見不賢而內自省也壤陋里不仁鮑漬猶與藜也引領而望夫安得賢者而齊之而不賢者乃日夜相與輩而詠且游乎吾之邦蠹塵雜起千變萬化在人目前苟見此而恥者坦然肺熱滅然穎泚而內自省曰吾不幸無乃類之其庶乎居與之同里出與之同閭吾不能捨以逃也使跡近而心遠焉雖不得賢者而齊之日做此亦賢已尹鐸爲

趙鞅戒晉陽之辱而不墮其壘培又增之鞅怒郵  
無正曰委土可以爲師保何爲不增夫里無仁賢  
則思吾一日之膏辱焉如晉陽之委土非耳目能  
言之類也修而存之如見叅於前倚於衡也亦可  
以爲吾師何必師人

**烏戒**

余初借鄉書時有水丘安期者以講論  
語居鄉校中安期少行四方道關中所

見如此余以其說作  
烏戒時年二十矣

烏於禽甚黠同人音色小異輒去不畱非彈射所  
能得也關中民狃烏黠以爲物無不以其黠見得  
則之野設餅會楮錢哭冢間若祭者然哭竟裂錢  
棄餅而去烏則爭下啄啄且盡哭者已立他冢裂  
錢棄餅如初烏雖黠不疑其誘也益鳴搏爭會至  
三四皆飛從之稍狎迫於網因舉而獲焉今夫世  
之人自謂智足以周身而不知禍藏於所伏者幾  
何其不見賣於哭者哉亦或不知周身之術而以  
愚觸死則其爲智曾不若是烏之能靈於彈射也  
韓非作說難卒以說難死於秦天下哀其以智死  
楚人不知沐猴而謂人沐猴天下哀其以愚死是

兩人者其爲智愚則異而其於取死則同矣寧武  
子邦有道則智邦無道則愚智愚觀時而動禍其  
可及哉

濟北晁先生雞肋集卷第二十七

濟北晁先生雞肋集目錄

第二十八卷

雜著

賓主辯

諱辯

話述

七述

醫言

濟北晁先生雞肋集目錄終

濟北晁先生雞肋集卷第二十八

雜著

賓主辯

晁子既撫陶子歸去來辭以名其居而記之自以聞道歷年而為潛不足中慙而疑隱几去智則方寸之地廓然其虛若兩丈夫為主與賓巾裾而坐廬賓曰子道與吾殊而多謂子類余豈其然乎凡子以躁樂吾靜隘悅吾和子人之放也而多謂與我自放者同科我遺夫世者已盡子緣於物者尚多而子賓賓焉以從我奈何主人曰萬物聚闕千古竝塗然求諸其間天地異職父子殊面莫大且親而相因以判今賓方欲合兩人為一體則物我蠶起不可得而止賓不通之則自賓之身十指長短兩目大小肝膽共絡而楚越畫界也况賓出千載之上我起千載之下別族離居所遭異者而賓乃斬然為間方且病我之浮氣獨不傷賓之大同乎賓自揣心日化年改壯異幼時老乖壯日今是昨非前棄後拾使賓自操且不可得蓋孔子聖人



猶六十化智如惠子徒觀其勤未知其謝賓如通之則齊嬰公扈離立易心夢爲魚鳥可與飛沈況我欲遵子若是其實賓者耶如賓之詞委心去雷藥化歸盡化乃所過胡可以吝我之慕賓亦以是近躁靜隘和曰情非性人放自放非故曰命極則俱極進則皆進賓遺夫世者雖盡而猶多我緣於物者雖多而必盡則又胡可以賓之既瘳而傲我之方病也水既蛻地氣又蛻水吾方解我之不然而經賓之所以則我既化矣雖六十改未知爲數也且物固以其近相慕魯伯宗人言其似楊父則憚栢溫婢以爲類劉琨則忻夫楊父劉琨徇權殞身而夸者慕焉恐不得鄰前輿既覆後轍不遑彼皆炫智而鬪力角驅而競奔故強弱斯在而勝負可論也今我與賓既已俱出乎忘我之境而同塞乎累物之門得失安在是非奚存哉賓獨不聞魯男子之拒託宿者乎蔡曰子胡不若柳下惠男子曰柳下惠固可吾固不可吾將以吾之不可學柳下惠之可而孔子以謂學柳下惠者多矣然未有

似於斯人今欲使我如賓解組長違我則不可可在佚身賓則猶我譬魯男子審已故其爲柳下惠也不以其同而以異及其至焉一也可不可安寄賓亦奚以知我不與賓同至於葛天氏之地以謂何如於是賓唯而起主人送之不離席則霍然若寤廼書之記後

### 諱辭

禮不諱嫌名二名不偏諱孔子之母名徵在言在不言徵言徵不言在補之先君子二名禮不偏諱者也單舉則於禮無怍矣而世皆偏諱厚於古不敢變也若嫌則後世亦有不諱者矣漢和帝名肇不改京兆郡魏武帝名操而其子植詩云脩坂造雲日肇非兆造非操也唐韓愈非薄於親者作諱辯抵諱嫌者曰父名仁子不得爲人乎義盡此矣然周人以諱事神亦惡夫音之斥也甥輩讀有若西者斯可矣

### 話述

晁子嘗曰至人鵝居而鵝會鵝無常居鵝仰物食

我寤殆似之蚍蜉集其枯蟻宛轉于塗而我不廬  
開口待餽迺不如彼鳧有喙則腴其妻曰水舟而  
陸車乎憎里巷而愛歧陌乎今日越而管者燕乎  
雲忽忽乎萍不止乎大章廬放步八極乎荒土功  
乎負羈繼乎孔不暖乎墨不黔乎無乃蠲蛭足  
躁不一乎陽鳥鷓鴣氣則移乎敗瓦墁乎長鈇慨  
乎匍匐往三咽乎人葦食而媪見哀乎東郭穢而  
中庭泣乎買買來乎額頽然伏乎西山餓乎雉噫  
徙乎無乃侏儒瞽師困慰祿乎豢豕犬羊犧餼養  
乎凡子行人間何以請擇事臯子曰唯旣而曰龜  
笑不知我知之乎適可則可我不可乎其妻曰唯  
舍然大笑

七述

時年十  
七歲

予嘗獲侍於蘇公蘇公爲予道杭之山川人物雄  
秀奇麗夸靡饒阜名不能殫者且稱枚棄曹植七  
發七啓之文以謂引物連類能究情狀退而深思  
做其事爲七述意者述公之言而非作也矧山先  
生懷道合光陸沈於俗日與嵇阮賦詩飲酒談笑

自足泊然若將終身焉於是潁川孺子聞而往從  
之躡履擔簞破衣踵門及階而止望帷而稱曰不  
敏聞先生之誼敢待于下風先生矍然驚曰孺子  
來吾惡夫世人之保我也久矣而不能使人之無  
我保則戶外之屐滿焉將命歟吾無所逃此雖然  
孺子何爲者也孺子曰幼而多治長而屢窮遭先  
生乎齟齬之塗陪先生乎寂寥之事樂先生之所  
爲樂者以白吾首其已乎先生啞然笑曰孺子上  
吾以樂而未嘗無以樂者順也羈旅于吾有時矣  
亦嘗聞杭之山川人物雄秀奇麗夸靡饒阜可樂  
者乎孺子曰先生不以不敏爲難與言得聞咳唾  
之音不敏以爲幸先生將何以教之  
先生曰杭之故封左淞江右具區北大海南天目  
萬川之所交會萬山之所重複或瀨或湍或灣或  
淵或岐或孤或表或連滔滔湯湯渾渾洋洋纍纍  
礧礧隆隆叩叩若金城天府之疆其民旣庶而有  
餘旣姣而多娛可導可疏可剏可桴可跋可踰可  
攴可車若九洲三山接乎人世之廬連延迤邐環

二千里邑居牧聚蟻合蜂起高城附之如帶繞指  
隱以爲春折以爲尾因河塹華不足方北方城漢  
水胡敢競美當管夫差之盛時內姑蘇以爲心腹  
而外城此以爲身軀車千乘甲士萬人粟支十年  
帛散千屯洒汗成雨連衽成雲乃有大夫伯嚭行  
人伍員之徒通其謀將軍孫武公子夫槩之徒用  
其衆嘗以國政之閒發徒截江命習戰事於是張  
翠羽之蓋靡魚須之旂揚鷲足之楫曳龍尾之舟  
凌鱣龍之車戲賁復之儔飄鼓吹乎下風隘戈矛  
乎上游乍往乍還乍後乍先若亂而若聯乍止乍  
馳乍合乍離迭唱而迭隨驚鮫人立馮夷清江忽  
兮怒濤颺風爲之揚歧怠而卽次會具樂作三軍  
皆賀響震山竅其疆如此故姑蘇恃以爲南蔽而  
能驅唐蔡蹂齊魯侵尋乎百粵驟突乎三楚栖句  
踐乎窟山鞭平王乎顏墓此亦天下之形勝也孺  
子欲聞乎孺子曰西河中流衛客之所能諫秦險  
百二亭長之所能入願先生廢此而語它

先生曰吳越之有東南也實國于杭而杭吳越之

大都也宮室之麗猶有存者其始也削山填谷叩  
石墜陸屢林誅樾擢篠夷竹旋緣阿丘憑附隈隩  
千夫運畚萬役供築增增硜硜坎坎碌碌前呼後  
和遠近相屬卑者起之以有餘高者損之以不足  
開曠朗乎蒙密發瑰奇於潛伏然後工人之材陶  
人之瓦水輪陸運屬柁連輶縱橫錯落山積其下  
其成也翼翼鱗鱗勃鬱輪囷若化若神上據百尺  
之巔下俯億尋之津雙闕高張復臨康莊門開房  
達乍陰乍陽中則複殿重樓砂版金鈎甲高仰俯  
下上明幽崢嶸截辟鼎峙林列吐吞雲霧虧見日  
月宏規偉度古曠今絕旁則曲臺深閨碧檻朱扉  
鱗差闕限奕布椽題棋盤白鳳壁戲青猊溫風徐  
而吹座寒雨沐以霑帷列屋而侍者則妖嬈豔姝  
螭首冰膚清臚盧素齒旣爛而都乃服輕袿被華  
裳綴珠履揄鳴璫飾鉉英含若芳倩巧笑兮婉清  
揚縹緲兮如雛鸞之欲舞逍遙乎如飛雲之欲舉  
嬋媵婉嬈婉嬈嬋嬋嬋嬋嬋嬋嬋嬋嬋嬋嬋嬋  
朱顏酡悲激楚妙陽阿詞曰陌上花開游女歸園

南池北黃鸝飛曲房清閣夜更衣於是聞者恍然  
神揚意馳紛紛授擾惑亂不怡此亦天下之雄觀  
殊樂也孺子欲聞乎孺子曰宮居閨處者寒燠之  
媒而疾癘之梯也且館娃成而麋鹿游願先生廢  
此而語它

先生曰杭故王都俗上工巧家夸人鬪窟麗碑好  
紛拏錯糾晃蕩精品若八方之民車湊舟會角富  
而行寶木則花黎美縱稅柏香檀陽平陰祕外澤  
中堅以斬以刊以削以剗以漆以膠以墨以丹爲  
床爲匱爲櫝爲几爲槃爲巨爲孟爲盞嚴莊之佛  
慘烈之神詎怪之鬼頎姣之人塗以鉛英鏤以金  
文依以靈山藥以飛雲霞煙霧靄煥爛五采渠輸  
陸運投錢競買會不若母猴木寫三月而齊一日  
而敗衣則紉綾綺緋羅繡縠絺輕明柔纖如玉如  
肌竹窗軋軋寒絲手撥春風一夜百花盡發其製  
而服也或袍或鞞或紳或綸或緣或表或縫或  
欄或紫或纁或紺或殷嚴以奉祠褻以養安薄以  
却暑厚以禦寒以錫三軍以賚四國以供耳目之

玩以備土木之飾會不若窟邊絕漠不紡不絡衣  
狐而袖袷寶則瓊琳珊瑚碼碯砮藥化之玉火  
化之珠琉璃之椀水精之盃紅黃白綠磊落滿櫝  
北商東賈百金不鬻沙河雨晴月照燈明帝張案  
設左右煌煒遠而望之奪人目精遺英弃屑籬貯  
箱列會不若宋人之抽三年而一葉於是彫床易  
席地之野文衣後弋綈之儉玉杯鄙土劍之吸此  
亦天下之妙工絕巧也孺子欲聞乎孺子曰書云  
玩物喪志紂爲象箸而箕子歎願先生廢此而語  
它

先生曰杭之爲州負海帶山益東南美味之所聚  
焉水羞陸品不待買而足肉則封豨臠豕豎兔豉  
鹿山狸白額竹犬青尾鶴鵝鶩鴉禿鴻鴟園鷄  
池鴨隴雉田鶉陵收水截頭駢尾列磔肩裂趾飛  
毛麗血魚則鱮魴鱣鱪鱖鱚鱚鱚黃頰黑脊丹腮  
白齒江鱈之醢石首之羹或腊而枯或膾而生白  
鰓青鰲黃龍黑蟹鮓魚花蛤車蛾淡菜蛙白肖雞  
螺辛類芥鼎調甌餽牛同貉嘍果則枇杷楊桃橘

櫛粗梨青梅黃柿紫栗烏桺溪菱江鹿田苾湖藕  
壤肥水美天下無有冒以黃蜜漬以白醴芳香脆  
潔析醒解痢菜則茼蒿茵陳紫蘇青蔥韭畦芋區  
芡首芹根藤花羞盤菊葉薦苜蓿辛薤淡齊甘荀  
苦飴以姑蘇之粳薦以烏程之醴于以和五氣干  
以資百體此亦天下食飲之珍也孺子欲聞乎孺  
子曰揚雄有云弃常珍而嗜異饌烏覩其識味也  
且養身而尚乎味味則愚以聖人爲不如易牙願  
先生廢此而語它

先生曰地不滿東南故八紘之水歸焉水之爲物  
潤下作鹹溟渤蕩波海門莫緘駸駸脉布溢于江  
潭老漚席賚囊山煮海豫章爲舩萬斛更載一舩  
所受車數十量黃頭多錢富不可做士之頑鈍不  
恥者皆餌其無厭之賞譬如山深而獸至木茂而  
鳥往故能收亾命借廝養連應高之交合周丘之  
黨以北與中國爭長則鹽之利也夫鹽者食肴之  
將五均賒貸幹在縣官謹法議籠不罅以完大農  
給費入助國計官與牢盆世擅其利民有盜鬻則

欽徒計左趾沒入其器此爲前古之所制嘗試觀

乎江之濱葭葦不根淺草芸芸斥鹵無垠白花蘚  
文百里如雲鹽官千家匪柘匪麻匪漆匪茶規利  
乎泥沙蟻封蚓埴積土如截削剝剝刮不漏毛髮  
挾攔擔揭十步一厥偷趨竊走遺筐弃缶塗關塞  
隴鼎釜雷吼皓然紛葩豐不盈斗姑以漬螺蛤而  
適口曾不比夫縣官冶鐵如山析竹爲盤熾火以  
燔淵竅爲乾崢嶸峭峭戍削律兀扶舒蕭勃煙氣  
滄出若滅若沒若亾若失乍疑鹽陽之神翳乎與  
羣蟲朝飛而蔽天日立呼起諾百夫齊作紛紜揮  
霍千竈就涸光芒閃爍璀璨磊落小星迸躍鱗鱗  
新倉歛貯堆藏如帛如糧國以是彊神變鬼化刀  
貝齊價獨不美夫算菱芡魚鱗之殫細及下者哉  
諺曰千金之子不死於市又曰人富而仁義附焉  
此先生所以教民知榮辱之時也孺子欲聞乎孺  
子曰倚氏之治智賢白圭而不監於道願先生廢  
此而語它

先生曰江源所起濫觴之墟泓泓汪汪不漏不虛

放而行之冒於川渠繚繞繁行左挾越右截吳以  
散以敷然後淫爲大江以東合乎尾閭而潮生焉  
古今所論潮者日月伏見之所爲也嘗讀沌天之  
說曰地浮水中天在水外水之消息坎比無際一  
闔一闢若開天地一呼一吸若出元氣其始來也  
若毛若線若帶若練堂堂杳杳合聚離散須臾之  
間千化萬變其少進也敲磕鏗砢石號木鳴越岸  
包陵在谷滿谷在坑滿坑其爲氣也或煦或呀或  
噫或噦瀾洋洋濛濛澎湃涓涓洞澗澆泐滂滂沛  
溼澹淋滲漉濺淫洩跳珠湧沫百里紛會沃焦蕩  
冒汨母陵背縱橫絡驛飄忽爭逝徐則按行緩則  
就隊連氛累暝陽景朝昧周天而旋踰八萬里不  
知其所憩於時玄冥收威海若振吼于溪岸立萬  
浦却走絕維推軸神母不守左驅天吳右拂九首  
淵容拒扉水夷潛牖江神海稀絕脰傷肘陽侯馬  
街顛蹶前後其爲象也則紛紜參差萬頃一迹禹  
不能知契不能識承光露怪不復潛匿或駛而蹄  
或森而戟或美而檀或張而翼洶湧而奔以沃海

門若土囊風怒驅屯雲辟易而征以擊西陵如井  
陘戰酣出奇兵宛兮改容若虜收素服駕白龍忽  
今當前如婦墟泛溢浮五山一北一追一債一起  
突然而逝餘勇未已於時吳兒獠工引檣掛席鏡  
鳴鼓動去若飛鷁風止兩息江清海碧此湖之大  
凡也傳曰上善若水又曰水幾於道故古之人見  
大水必觀善利萬物似仁不畏彊似勇能方能圓  
似智萬折必東似信若是者孺子欲聞乎孺子曰  
幾矣先生之所陳五事之上也姑欲聞其深於此  
者

先生曰西湖之深北山之幽可舫可舟可巢可樓  
與鷗鳥居與鹿豕游漁簑山展煙雨悠悠寂寥長  
往可以忘憂風衫塵袂京洛何求不如西湖瀨不  
如北山阿白蘋綠芰紫栢青蘿反裘坐釣散髮行  
歌人生安樂孰知其它茫茫以爲柳溪盤旋以爲  
李谷卷軻辯乎三尺之喙擴夷隘乎十圍之腹此  
古君子所以藏器于身待時而動也傳曰不怨天  
不尤人蓋優哉游哉聊以卒歲若是何如孺子竦

然離席而立曰蓋聞達人不忌身而先利志士不貪時而後義隱之所尚得全於天也孺子不敏乃今得聞出處之際敬再拜受教

醫言

上醫醫國或曰不然醫曰譬國於身天地乃所寓之形元氣乃所恃而生堅骨脆肉山石壤墳也中列五藏五材是營也風雲其衛百川其榮也闔關運轉有神欲行也故答之論養生者曰抱形以靜神將自正无搖汝精乃可以長生蓋天地亦物也其不壞亦然得一以清寧其析於一成虹而洩藏祁寒暑雨災害乃生時則有陵鬪隕墜扎癘蟲螟歷象授時使氣行正不有聖人孰醫國疾以國觀身理自此知不有聖人人誰則醫警醫有經黃帝二典歧伯猶謨浮沈生死帝俞伯都平章於變亦與氣俱盧鵠秦和王佐可蹈鵠猶伊訓和比虺誥漢淳于意如說作命說不自言于古其鏡華佗反經既不得已敵于礪刃如甘戰普何異吾醫亦論其世堯湯水旱國豈無疾稽天焦土要不病粒五

毒所攻瘞發中古武砭已甚血流漂杵七雄裂之五藏用爭衡秦縱楚焦腑炭米衛生匪經民中道天至秦暴蹶氣并則槁求諸身中一藏彊勝四氣爲微一安得競匪淳益滴醫斯用奇黃典歧謨安所救之鵠觀五會和參天命至佗而極刮脾濯腎聖有至言代斲傷手世復無佗矧敢佗又佗雖傷手猶漂杵然時周之命反商之顛過是並狂術亾不傳大疾始間漢與休息小瘳未復唐用飲食何世無醫孰曰不知不培其生毒熨妄施曰我術聖望而知之緒餘帝伯甲鵠和意曰如漢唐又何足議何異魯連好高自奇徒稱唐虞顧未知之鵠和得啜他何足議矧無佗術迺行佗事季良三醫一論其天不爲何敗其平自然曷不卑之無甚高論秦病可言釋之爲近國有常治治不以智若烹小鮮時治之理生有常經亦不可擾損石益穀時醫近効滋彰法令盜賊乃多疾焉勿擾氣復則和何以休之惟勿益生築垣爲室蚤作晦息平康有道醫於何力民有聖言有病不治起居惟常常得中

醫作醫言

濟北晁先生雞肋集卷第二十八